

Namo tassa bhagavato arahato sammāsambuddhassa.

Sīmavisodhanī

Varadaṃ varadaṃ aggaṃ, diccaṃ diccaṃva vanajaṃ;
Bodhakaṃ bodhakaṃ pāṇaṃ, deva' devaṃ namāma' haṃ.

Santaṃ santaṃ sadā vaṭṭaṃ, paṃjaṃ 'bhava suttaṃ;
Nibbudaṃ nibbudaṃ tāraṃ, dhammavaraṃ namāma' haṃ.

Suttaṃ suttaṃ bhavane yaṃ, nanaṃ nana' raṃ;
Nara' nara' sadā' kaṃsu, saṅghavaraṃ namāma' haṃ.

Iceva' maccantaṃ natassaneyaṃ, natayyamaṃ ratanattayaṃ yaṃ;
Puññābhivaḍḍhiṃ mahaggaṃ alattaṃ, tassānubhāvena hatantarāyo.

Vinayaṃ sati ṭhite yaṃ, sāsanaṃ saṅghitaṃ bhava;
Vinayaṃ sati naṭṭhe yaṃ, vinaṭṭhaṃ sāsanaṃ bhava.

Tasmā dittaṃ mama' dāni, jottayitvāna sāsane;
Bhidditvā dvelhakaṃ vādaṃ, ekibhāvaṃ karoma' haṃ.

Attukkaṃsana-bhāvañca, paravambhanakampica;
Tesaṃ cittaṃ apesetvā, sāsanaṃ suvaḍḍhiyā.

Yadi me idisaṃ cittaṃ, bhavayyumaṃ pāpasāṅkappā;
Paccissaṃ nirayaṃ bhayaṃ, hīna' jhāsayaṃ kāraṇā.

Sāsanaṃ sulabhaṃ 'va patthayanto satā' cāro;
Saṃsandissamaṃ dāni, ciraṃ saddhamma' suddhiyā.

Sudullabhaṃ labhitvāna, pabbajjaṃ jinasāsane;
Sambuddhassa varaṃ vādaṃ, katvā dvelhaka' mekikaṃ.

Sīmavisodhaniṃ nāma, nānāganthasamāhaṃ;
Karissaṃ me nisāmentu, sādhaṃ kavipūṅgavā.

Pāṭiṃ aṭṭhakathañceva, mātikaṃ padabhājanīṃ;
Ogāhetvāna taṃ sabbhaṃ, punappunaṃ asesato.

Attanomatiganthesu, ṭikāgaṅṭhipadesuca;
Vinicchayavimattīsu, mātikā' ṭṭhakathāsupi.

Sabbhaṃ asesakaṃ katvā, saṃsanditvāna ekato;
Pavattā vaṇṇanā esā, tosayantī vicakkhaṇeti.

Buddhuppādo hi dullabho, tato pabbajjā ca upasampadā ca, vuttañhettaṃ

Buddho ca dullabho loke, saddhammasavanampi ca;
Saṅgho ca dullabho loke, sappūrisā' tidullabhā.

Dullabhañca manussattaṃ, buddhuppādo ca dullabho;
Dullabhā khaṇasampatti, saddhammo paramadullabho' ti.

1. Upasampadākaṇḍo

Imasmiñhi ṭhāne ṭhatvā buddhaguṇapaṭisaṃyuttāya kathāya vuccamānāya sādḥūnaṃ cittasampahaṃsanañceva, imasseva pakaraṇassa anumattavacanabhāvo ca bhavēyya, anumattavacanatte ca siddhe sotabbaṃ maññissanti, tasmā buddhaguṇaṃ vaṇṇayissāma. Amhākaṃ kira bhagavā brahmadevabuddhamādiṃ katvā yāva porāṇasakyagotamā manopañidhivasena, kaṭṭhavāhanajātakamādimkatvā yāva majjhimadīpaṅkarā vācaṅgavasena majjhimadīpaṅkarapādamūlato paṭṭhāya kāyavācaṅgavasena sabbaṃ sampiṇḍetvā yāva vessantarattabhāvā vīsati asaṅkhyeyyāni pāramiyo pūrentassa sabbaññutaññāṇatthāya yeva alaṅkataṃ sīsaṃ chinditvā dentassa sabbaññubodhisattassa sīsaṃ jambudīpavāsīnaṃ uddhanatopi bahutaraṃ, añjitanayanaṃ uppāṭetvā dentassa nayanaṃ ajaṭākāse gaganatale tārāgaṇatopi bahutaraṃ, hadayamaṃsaṃ vā dakkhiṇabhūṃ vā chinditvā dentassa maṃsaṃ chanahuta aṭṭhasa hassādhikasatasahassapamānasinerurājatopi bahutaraṃ, lohitaṃ uppāṭetvā dentassa ruhiraṃ catūsu mahāsamuddesu udakatopi bahutaraṃ, maddīsadise ca bhariye jālīkaṇhājīnasadise ca putte paresaṃ dāsattḥāya dentassa gaṇanapathaṃ vītivattā. Evaṃ pāramiyo pūrentasseva.

Cintitaṃ sattasaṅkhyeyyaṃ, navasaṅkhyeyya'vācakaṃ;
Kāyavācā catukhyātaṃ, buddhattaṃ samupāgamīti.

Jātattakīsoṭattakiyā vuttanayena asūro hutvā buddhattaṃ cintentasseva sattaasaṅkhyeyyāni vītivattāni. Atisūro ahutvā vācāmattameva nava asaṅkhyeyyāni vītivattāni. Atisūro hutvā kāyaṅgavācaṅgavasena pūrentassa cattāri asaṅkhyeyyāni vītivattāni. Imāni cattāri asaṅkhyeyyāni dīpaṅkarapādamūlato paṭṭhāya veditabbāni. Satasahassakappamatthake pana ajjhappāramī pūritāti veditabbā. Vessantarattabhāvena ca sattakamahādānaṃ datvā sattakkhattuṃ pathaviṃ kampetvā vaṅkapabbataṃ gantvā nayanasadise dve putte brāhmaṇassa dāsattḥāya datvā dutiyadivase brāhmaṇavaṇṇena āgatassa sakkassa devarañño attasamaṃ maddiṃ nāma bhariyaṃ datvā tasmim bhavē aparimeyyāni puññāni katvā tato tusitapuraṃ gantvā tattha yāvatāyukaṃ ṭhatvā dasahi cakkavālasahashehi āgantvā devatāvīsesehi.

Kālo deva mahāvīra, uppajja mātukucchiyaṃ;
Sadevakaṃ tārayanto, bujjhassu amataṃ padanti.

Yāciyamāno kālaṃ dīpaṅca desaṅca kulaṃ mātaramēvacāti imāni paṅca mahāvīlokanāni viloketvā tusitapurato cavitvā mahāsammatavaṃsajassa okkākarañño puttānaṃ kusalambhedabhayena bhaginīhiyeva saddhiṃ āvāhakaṇaṃ sutvā sakyā vata bho rājakumārāti okkākamahārājena vuttavacanaṃ pavattanimittaṃ katvā sakyāti laddhanāmānaṃ rājūnamabbhantare pavattassa suddhodanamahārājassa jeṭṭhamahesiyā sirimahāmāyāya kucchimhi nibbattitvā dasamāsaccayena devadahanagarassa kapilavatthussa ca majjhe lumbinīvane mātukucchito nikkhamitvā jātakkaṇe yeva uttarābhīmuḥkaṃ sattapadavītiḥārena gantvā achambhivācaṃ nicchāretvā pitaraṃ vandāpetvā anukkamena soḷasavassuddesikakāle rajjasiriṃ anubhavitvā rāhulabhaddassa jātadivase nikkhamitvā chabbassāni dukkaracariyaṃ caritvā vesākhapuṇṇamadivase anuttaraṃ sammāsambodhiṃ abhisambujjhitvā paṅcacattālīsa vassāni devamanussānaṃ ratanadāmaṃ ganthento viya dhammaratanavassaṃ vassāpetvā yāva subhaddaparibbājakavinayanā katabuddhakicce kusiṇārāyapavaṭṭane mallānaṃ sālavane vesākhapuṇṇamadivase paccūsasamaye anupādīsēyā nibbānadhātuyā parinibbute bhagavatilokanāthe subhaddena vuḍḍhapabbajitena “‘alaṃ āvuso mā socittha mā paridevittha, sumuttā mayaṃ tena mahāsamaṇena, upaddutā ca homa'idaṃ vo kappati idaṃ vo na kappatī'ti. Idāni pana mayaṃ yaṃ icchissāma taṃ karissāma, yaṃ na icchissāma na taṃ karissāma'”ti vuttavacanaṃ sallakkhetvā gaṇapāmoḁkhānaṃ sattannaṃ bhikkhusatasahassānaṃ saṅghatthero āyasmā mahākassapo dhammasaṅgītiṃ katvā parisuddhe dhammavinaye tato aparabhāge vassasatassa accayena vesāliyaṃ vajjiputtakā dasavatthūni dassetvā sāsanaṃvīpattim karonte disvā āyasmatā yasattherena kākaṇḍakaputtēna samussāhiyamāno dutiyasaṅgītiṃ katvā tato aparabhāge tathāgatassa parinibbānato dvinnaṃ vassasatānaṃ upari aṭṭhārasame vasse dhammāsokanāma rājā sakalajambudīpatale ekarajjābhisekaṃ pāpuṇitvā buddhasāsane mahantaṃ lābhasakkāraṃ pavattetvā pariḥīnalābhasakkārā titthiya antamaso ghāsacchādanamattampi alabhantā lābhasakkāraṃ patthayamānā sāsane pabbajitvā sakāni sakāni

diṭṭhigatāni dīpetvā sāsane mahantaṃ abbudañca malañca pavattesuṃ. Tadā dhammāsokarañño pattābhisekato sattarasame vasse saṭṭhisatasahassa bhikkhūsu sahasabhikkhuṃ gahetvā moggaliputtatisso nāma saṅghatthero mahāpavāraṇāya parappavādaṃ bhinditvā kathāvattihuppakaraṇaṃ desetvā tatiyadhammasaṅgītiṃ katvā parisuddhe dhammavinaye sāṭṭhakathebuddhavacane dharanteva pāliyaṭṭhakathāsu atthacchāyaṃ gahetvā attano mativasena nānāganthavisesāni karonti, tesu attanomativasena atthacchāyaṃ gahetvā kāraṇapatirūpakaṃ katvā vuttavacanaṃ sārato sallakkhetvā sutta-suttānulomaācariyavāde muñcitvā pāliyaṃ aṭṭhakathaṃ, aṭṭhakathāya ca pāliṃ tabbivaraṇabhūtaṃ sārattadīpaniñca aññāni ca ganthavisesāni asaṃsanditvā attanomatīyāpi pubbāparaṃ asamānetvā vādappakāsanamattameva ṭhapetvā garukalahukesu garukeyeva ṭhātabbepi garuke aṭṭhatvā keci bhikkhū nadiyā udakukkhepaṃ akatvā karonti. Evaṃ sāsane dvidhā bhinnā honti. Idañca bhindanaṃ kosambakakkhandhake bhinnatopi sataguṇena sahasaguṇena balavatameva sāsanaṃ vipattikāraṇattā, tathā hi na idaṃ manussaloke bhikkhūnaṃyeva hoti, bhikkhūnaṃ, upāsakamanussānaṃ, ārakkhakadevatānaṃpi, tāsāṃ sahāyakānaṃ bhummanissitadevatānaṃpi tāsāṃ sahāyakānaṃ rukkhānissitadevatānaṃpi tāsāṃ sahāyakānaṃ ākāsaṭṭhakadevatānaṃpi, tāsāṃ sahāyakānaṃ cātumahārājikadevatānaṃpi, tāsāṃ sahāyakānaṃ tāvatimsadevatānaṃpi, evaṃ mittaparamparavasena chakāmāvacaradevatānaṃpi tāsāṃ mittānaṃ brahmapārisajjānaṃpi evaṃ yāvaakaniṭṭhabrahmalokā ariyapuggale ṭhapetvā sabbe puthujjānaṃ devamanussā bhinnā honti, tesāṃ bhinnattā bahu ca pāpaṃ pasavati, tasmā pāliyaṃ aṭṭhakathaṃ, aṭṭhakathāya ca pāliṃ saṃsanditvā tāni tāni ganthavisesāni ca ekato katvā gaṅgodake na yamunodakaṃ viya missitvā ekībhāvaṃ katvā sīmavisodhaniṃ nāma karissāmi, taṃ suṇātha sādhukaṃ manasikarotha dhammarājassa sāvakāti.

Tattha buddhuppādo dullabho ti buddhassa uppādakālo dullabho tathā hi anuppannakāle buddhe buddhoti saddampi asutvā vītivattānaṃ kappānaṃ gaṇanapathaṃ vītivattā. Buddhakāraṇassa dukkarattaṃ heṭṭhā vuttameva.

Tato pabbajā ca upasampadāca tietha topaccayo lāmakatthe, pañcamyatthe vā. Buddhuppādo dullabho, tamanupabbajā ca upasampadā ca dullabhāyevāti adhippāyo. Yathā ca loke kiñciveva mahagghaṃ alabhitabbaṃ labhitvā vā tena sahakārīkāraṇabhūtaṃ appagghampi mahagghaṃ mahagghaṃ dullabhaṃ dullabhanti vuccati, evameva atidullabhaṃ buddhuppādaṃ āgamma tamanupabbajitampi dullabhanti vuccati, yathā ca nidiyā uparimabhāge sattāhavaṭṭalīkādiabhāvena udakapūraṇe heṭṭhā kismiñci ṭhāne taritūṃ avisahantā idameva ṭhānaṃ dukkaranti vuccati, evameva buddhakāraṇassa dukkarabhāve na tamanupabbajjupasampadāpi dukkaraṃ dullabhanti vuccati. Aññāthā buddhabhagavato pi pabbajjupasampadabhāvoyeva seṭṭho bhaveyya. Athavā kāraṇūpacāravasenāpi evaṃ vuttanti daṭṭhabbaṃ, yathā semhoguḷoti tathā hi guḷassa pi vanapaccayā semho ussanno, taṃ jano guḷenasemhoti vattabbepi kāraṇasmim guḷe phalabhūtaṃ semhaṃ ropetvā semho guḷoti vuccati, evaṃ kāraṇassa dukkarattā dullabhe buddhuppāde tamanukriyā pabbajjāpi taṃ mūlakāraṇabhūte buddhuppāde ropetvā dullabhā pabbajjāti vuccati. Buddhuppādakālepi buddhadassanaṃ dullabhameva, anuppannakāle pana pageva, sabbakhaṇesu navamakhaṇattā ca tathā hi milakkhudesaarūpabhūmiasaññasattanirayapetatiracchānabhūmīsu jāyamānesu vā majjhimadese jāyamānopi micchādiṭṭhibhūtā vā, sammādiṭṭhikule jāyamānāpi cakkhusota vikalabhāvena aṅgavikalā vā buddhadassanaṃ na arahanti, dassanaṃpi dassanamattameva. Supaṇṇanāgarājādīnaṃ tasmim bhava maggaphalabhāgino na honti, honti cettha.

“Paccantajo arūpino, vikalāṅgo asaññajo;
Micchādiṭṭhi tiracchāno, peto nerayikopica.

Ete aṭṭhakkhaṇā vuttā, buddhenādiccabandhunā;
Buddhuppādo khaṇo eko, navamoti pavuccatī”.

Pabbajjā ticettha sāmāññena vuttepi sāmaṇerāva adhippetā, upasampadā cāti visuṃ vuttattā. Sāmaṇerā ca nāma buddhaṃ saraṇaṃ gacchāmityādinā tikkhattuṃ vatvā ubhatosuddhivaseneva sāmaṇerabhūmiyaṃ tiṭṭhanti. Dasasīlāni pana tesāṃ sikkhāpadamattameva. Tāni pālivasena asakkoṭṭa atthavasena “idañca samādāya vattehi”ti ācikkhitumpi vaṭṭatiyeva. Idha vattabbaṃ natthi. Upasampadā pana aṭṭhavidhā honti ehibhikkhūpasampadā, saraṇagamanūpasampadā, ovāda

paṭiggahaṇūpasampadā, pañhābyākaraṇūpasampadā, aṭṭhagarudhammapaṭiggahaṇūpasampadā, dūtenūpasampadā, aṭṭhavācīkūpasampadā, ñatticatutthūpasampadā cāti. Tattha bhagavā ehi bhikkhubhāvāya upanissayasampannaṃ puggalaṃ disvā rattapaṃsukūlantarato suvaṇṇavaṇṇaṃ dakkhiṇahatthaṃ nīharitvā brahmaghoṣaṃ nicchārento “ehi bhikkhu cara brahmacariyaṃ sammā dukkhassa antakiriyaṃ” ti vadati. Tassānantarameva gihiliṅgaṃ antaradhāyitvā.

Ticīvaraṇca patto ca, vāsi sūcica bandhanaṃ;
Parissāvanamaṭṭhete, yuttayogassa bhikkhunoti.

Evam vuttehi aṭṭhahiparikkhārehi sarīre paṭimuttoyeva vassasatikatthero viya iriyāpathasampanno buddhācariyako buddhupajjhāyako sammāsambuddhaṃ vandamānova tiṭṭhati. Ayaṃ ehi bhikkhūpasampadā nāma. Bhagavā hi paṭhamabodhiyaṃ etasmiṃ kāle ehi bhikkhūpasampadāya eva upasampādeti. Tāni pana pañcavaggiyādayo aṅgulimālattherapariyosānā.

Tīṇisatam sahaṣṣāṇca, cattālīsaṃ punāparo;
Eko ca thero sappañño; Sabbe te ehi bhikkhukāti.

Ete vinayapiṭake niddiṭṭhaehibhikkhū nāma vinayapiṭake aniddiṭṭhā pana tisataparivāraselabrāhmaṇādayo.

Sattavīsa sahaṣṣāni, tīṇiyeva satāni ca;
Ete hi sabbe saṅkhātā, sabbe te ehibhikkhukāti.

Taṃ sabbaṃ sampiṇḍetvā aṭṭhavīsasahaṣṣāni chasatāni ekacattālīsuttarāni ca honti. Paṭhamabodhica nāmesā vīsativassāni honti.

Bhagavā hi anuttaraṃ dhammacakkaṃ pavattetvā aṭṭhārasakoṭībrāhmaṇānaṃ amataṃ pāyevā paṭhamavassaṃ vasi. Dutiyaṭṭiyacatutthavassesu rājagahe veḷuvanavihāre vassaṃ vasi, bhagavā hi āsālhinakkhattapuṇṇamiyaṃ bārāṇasiyā isipatane migadāye paṭhamavassaṃ vasitvā phagguṇamāse phagguṇapuṇṇamiyaṃ rājagaṃ patvā bimbisārarañña kārīte veḷuvana vihāre ekamāsamattaṃ vasitvā citramāse vīsatikhiṇāsavasahassaparivuto kapilavatthum gantvā asītiyā ñātisahaṣṣānaṃ majjhe vipaṭipannānaṃ rājūnaṃ matthake paṃsurajaṃ okiritvā te vandāpetvā pokkharavassaṇca vassāpetvā tamāgama asītiyā ñātisahaṣṣānaṃ vessantara jātakaṃ kathetvā rāhulamātaramāgama candakinnarijātakaṇca kathetvā pitaraṃ anāgāmiphale patiṭṭhāpetvā rājagahameva āgantvā vasaṃ kappesi, tena vuttaṃ dutiya tatiya catuttha vassesu rājagahe veḷuvanavihāre vassaṃ vasī’ ti. Pañcame pana vesāliyaṃ ekavāsaṃ vasi. Chaṭṭhe maḷapabbate ekavāsaṃ vasi. Puṇṇo vā tattha. Tatrāyaṃ anupubbikathā sunāparantaraṭṭhe kira ekasmiṃ vāṇijakagāme dve bhātaro. Tesu kadāci jeṭṭho pañcasakaṭasatāni gahetvā janapadaṃ gantvā bhaṇḍaṃ āharati, kadāci kaniṭṭho. Imasmiṃ pana samaye kaniṭṭhaṃ ghare ṭhapetvā jeṭṭhabhātiko pañca sakaṭasatāni gahetvā janapadaṅcārikaṃ caranto anupubbena sāvattiṃ patvā jetavanassa avidūre pañcasakaṭasatāni ṭhapetvā bhuttapātarāso parijanaparivuto phāsukaṭṭhāne nisīdi. Tena ca samayena sāvattiṃvāsino bhuttapātarāsā uposathaṅgāni adhiṭṭhāya suṭṭhuttarāsāṅgā gandhapupphādihattā yenabuddho, yenadhammo, yenaśaṅgho, tanninnā tappoṇā tappabbharā hutvā dikkhiṇadvārena nikkhamitvā jetavanaṃ gacchanti. So te disvā “kahaṃ ime gacchantī” ti ekaṃ manussaṃ pucchi. Kiṃ tvaṃ ayyo na jānāsi, loke buddhadhammasaṅgharatanāni nāma uppannāni, icceva mahājano satthusantike dhammakathaṃ sotum gacchatī. Tassa “buddho” ti vacanaṃ chavicammādini chinditvā aṭṭhimiṅgaṃ āhacca aṭṭhāsi. Atha attano parijanaparivuto tāya parisāyasaddhiṃ vihāraṃ gantvā sathhāmadhurassarena dhammaṃ desentassa parisa pariyaṇte ṭhito dhammaṃ sutvā pabbajjāya cittaṃ uppādesi. Atha tathāgatena kālaṃ viditvā parisāya uyyojitāya sathhāraṃ upasaṅkamtivā vanditvā svātanāya nimantetvā dutiyadvāse maṇḍapaṃ karetvā āsanāni paññāpetvā buddhappamukhassa saṅghassa mahādānaṃ datvā bhattakiccāvasāne bhagavā anumodanaṃ katvā pakkami. Bhuttapātaraso uposathaṅgāni adhiṭṭhāya bhaṇḍāgārikaṃ pakkosāpetvā “ettakaṃ bhaṇḍaṃ vissajjitaṃ ettakaṃ pana na vissajjita” nti sabbaṃ ācikkhitvā “imaṃ sāpateyyaṃ mayhaṃ kaniṭṭhassa dehi” ti sabbaṃ niyyotetvā satthu santike pabbajitvā kammaṭṭhāna parāyaṇo ahoṣi. Athassa kammaṭṭhānaṃ manasikarontassa kammaṭṭhānaṃ na upaṭṭhāti, tato cintesi “ayaṃ janapado mayhaṃ asappāyo, yaṃnūnāhaṃ satthu

santike kammaṭṭhānaṃ gahetvā sakaṭṭhānameva gaccheyya”nti. Atha pubbaṅhasamaye piṇḍāya caritvā sāyanhasamaye paṭisallānā vuṭṭhito bhagavantam upasankamitvā kammaṭṭhānaṃ kathāpetvā satthā sīhanādaṃ naditvā pakkami. Atha kho āyasmā puṇṇo sūnāparantaṭṭhaṃ patvā sammatapabbataṃ nāma pavisitvā vāṇijagāmaṃ piṇḍāya pāvīsi. Atha naṃ kaniṭṭhabhātā sagehaṃ netvā bhikkhaṃ datvā “bhante aññattha agantvā idheva vasathā”ti paṭiññaṃ kāretvā vasāpesi. Tato samuddagirivihāraṃ nāma agamāsi. Tattha samuddavīciyo āgantvā ayakaṇṭapāsānesu paharivā mahāsaddaṃ karonti. Thero kammaṭṭhānaṃ manasikaronto na phāsuvihāro hotīti samuddaṃ nisaddaṃ katvā adhiṭṭhāsi. Tato mātulagiriṃ nāma āgamāsi. Tattha sakuṇasaṅgho ussanno rattiṇca divā ca saddo eko baddho hoti. Thero “idaṃ ṭhānaṃ aphāsukanti tato maḷakārāmaṃ vihāraṃ nāma gato. So vāṇijagāmaṃ nātidūro nāccāsanno gamanāgamanasampanno vivitto appasaddo. Thero “idaṃ ṭhānaṃ phāsuka”nti tattha rattiṭṭhānadivāṭhāne caṅkamaṇāḍiṇi kāretvā vassaṃ upagacchati. Evaṃ catūsu ṭhānesu vihāsi. Athekadivasaṃ tasmimyeva antovasse pañca vāṇijakasatāni “parasamuddaṃ gacchāmā”ti nāvāya bhaṇḍaṃ pakkhipiṃsu. Nāvārohanadivase therassa kaniṭṭhabhātā theram bhojetvā therassa santike sikkhāpadāni gahetvā gacchanto “bhante mahāsamuddo nāma assaddeyyo cānekantarāyo ca, amhe āvajjeyyāthā”ti vatvā nāvaṃ ārūyhi. Nāvā ūmijavena gacchamānā aññataraṃ dīpaṃ pāpuṇi. Manussā “pātarāsaṃ karissāmā”ti dīpake otiṇṇā. Tasmim dīpake aññaṃ kiñci natthi, candanavānameva ahoṣi. Atheko vā siyā rukkhaṃ ākoṭetvā lohitaṇḍanaṃ bhāvaṃ ṇatvā “bho mayaṃ lābhathāya parasamuddaṃ gacchāma, ito ca uttari lābhā nāma natthi, caturaṅgula mattāpi ghaṭikā satasahassaṃ agghati, saṃhāretabbakayuttaṃ bhaṇḍaṃ hāretvā gacchāmā”ti. Te tathā kariṃsu candanavane adhivathā amanussā kujjhivā imehi amhākaṃ candanavaṇṇaṃ nāsitaṃ, ghāṭessāma ne”ti cintetvā na imesu ghāṭitesu sabbam ekakuṇapaṃ bhavissati, samuddamajjhe nesaṃ nāvaṃ osīdessāmā”ti āhaṃsu. Atha tesam nāvaṃ ārūyha muhuttaṃ gatakāleyeva uppādikaṃ upaṭṭhāpetvā sayampi te amanussā bhayānakāni rūpāni dassayiṃsu. Bhītā manussā attano devatā namassanti. Therassa kaniṭṭho cūlapuṇṇakuṭumbiko “mayhaṃ bhātā avassayo hotū”ti therassa namassamāno aṭṭhāsi. Thero pi kira tasmimyeva khaṇe āvajjetvā tesam byasanappattim ṇatvā vehāsaṃ uppativā abhimukho aṭṭhāsi. Amanussā theram disvāva “ayyapuṇṇatthero ehi”ti pakkamiṃsu. Uppādikaṃ sannisīdi. Thero “mā bhāyathā”ti tesam assāsetvāva kahaṃ gantukāmatthā”ti pucchi. “Bhante amhākaṃ sakaṭṭhānameva gacchāmā”ti thero nāvaṃ phale akkamitvā “etesam icchitaṭṭhānaṃ gacchatū”ti adhiṭṭhāti. Vāṇijā sakaṭṭhānaṃ gantvā taṃ pavattim puttadārassa ārocetvā “etha theram saraṇaṃ gacchāmā”ti pañcasatāni attano attano pañcamātugāmasatehi saddhim tīsu saraṇesu paṭiṭṭhāya upāsakattaṃ paṭivedesuṃ. Tato nāvāya bhaṇḍaṃ oṭāretvā therassa ekaṃ koṭṭhāsaṃ katvā “ayaṃ bhante tumhākaṃ koṭṭhāso”ti āhaṃsu. Thero “mayhaṃ visuṃ koṭṭhāsa kiccaṃ natthi”. Satthā pana tumhehi diṭṭhapubbo”ti. Na diṭṭhapubbo bhante”ti, tenahi iminā satthu maṇḍalamālaṃ karoṭha. Evaṃ satthāraṃ passissathāti te sādhu bhante”ti tena ca koṭṭhāsenā attano ca koṭṭhāsenā maṇḍalamālaṃ kātuṃ ārabhiṃsu. Satthā kirassa āradhakālato paṭṭhāya paribhogaṃ akāsi. Tatho manussā rattiṃ obhāsaṃ disvā “mahesakkhā devatā atthi”ti saññaṃ kariṃsu. Upāsakā maṇḍalamālaṇca bhikkhusaṅghassa senāsanāni ca niṭṭhapetvā dānasambhāraṃ sajjetvā “katam bhante amhehi attanokiccaṃ, satthāraṃ pakkosathā”ti therassa ārocesuṃ. Thero sāyanhasamaye iddhiyāsāvattim patvā “bhante vāṇijagāmaṃ vāsino tumhe daṭṭhukāmā, tesam anukampaṃ karoṭhā”ti. Bhagavā adhivāsesi. Thero bhagavato adhivāsaṇaṃ viditvā sakaṭṭhānameva paccāgato. Bhagavā ānandaṭṭheram āmantesi “ānanda sve sūnāparante vāṇijagāme piṇḍāya carissāma, tvam ekūnapañcasatānaṃ bhikkhūnaṃ salākaṃ dehī”ti. Thero sādhu bhante”ti bhikkhusaṅghassa tamatthaṃ ārocetvā “cārikā salākaṃ gaṇhantū”ti āha. Taṃ divasaṃ kuṇḍadhānatthero paṭhamam salākaṃ aggahoti. Vāṇijagāmaṃ vāsiniṃ “sve kira satthā āgamissati”ti gāmaṃ majjhe maṇḍapaṃ katvā dānaggaṃ sajjayiṃsu. Bhagavā pātova sarīrapaṭijaggaṇaṃ katvā gandhakuṭim pavisitvā phalasaṃpattim appetvā nisīdi. Sakkassa paṇḍukambalasilāsaṇaṃ uṇhaṃ ahoṣi. So kiṃ idanti āvajjetvā satthu sūnāparantaṅgamaṇaṃ disvā visukammaṃ āmantesi “tāta ajja bhagavā tīṇimattāni yojanasatāni piṇḍācāraṃ gamissati, pañca kūṭāgārasatāni māpetvā jetavanadvāra koṭṭhamatthake gamanasajjāniṃ katvā ṭhāpehi”ti, so tathā akāsi. Bhagavato kūṭāgāraṃ catumukhaṃ ahoṣi, dvinnam aggasāvākānaṃ dvimukhaṃ, sesānaṃ ekamukhaṃ, satthā gandhakuṭito nikkhamma paṭipāṭiyā ṭhāpita kūṭāgāresu dhurakūṭāgāraṃ pāvīsi. Dve aggasāvake ādiṃ katvā ekūnapañcabhikkhusatāni kūṭāgāraṃ gantvā nisinnā ahesuṃ, ekaṃ tucchakūṭāgāraṃ ahoṣi. Pañcapi kūṭāgārasatāni ākāse uppatimṃsu. Satthā saccabandhapabbataṃ nāma patvā kūṭāgāraṃ ākāse ṭhāpetvā tasmim pabbate saccabandho nāma micchādīṭṭhi, so mahājānaṃ micchādīṭṭhim uggaṇhāpento lābhaggaṃ aggaṃ gappatto

hutvā vasati. Abbhantare cassa antocāṭiyaṃ padīpo viya arahattassa upanissayo jalati, taṃ disvā “dhammamma kathessāmi”ti gantvā dhammaṃ deseti. Tāpaso desanāpariyosāne arahattaṃ pāpuṇi. Maggenevassa abhiññā āgatā, ehi bhikkhu hutvā iddhimayapattacīvaro kūṭāgāraṃ pāvīsi. Bhagavā kūṭāgāragatehi pañcahi bhikkhusatehisaddhiṃ vāṇijagāmaṃ gantvā kūṭāgārāni adissamānāni katvā vāṇijagāmaṃ pāvīsi. Vāṇijā buddhappamukhassa bhikkhusaṅghassa mahādānaṃ datvā sasatthāraṃ maḷakārāmaṃ nayiṃsu. Satthā maṇḍalamālaṃ pāvīsi. Mahājano yāva satthā bhattadarathaṃ paṭippassambheti, tāva pātarāsaṃ katvā uposathaṅgāni samādāya gandhaṅca pupphaṅca ādāya dhammasavanatthāya ārāmaṃ paccāgamāsi. Satthā dhammaṃ desesi. Mahājanassa bandhanā mokkho jāto, mahanta buddhakolāhalaṃ ahosi. Satthā mahājanassa saṅghatthaṃ katipāhaṃ tattheva vasi, aruṇaṃ pana mahāgandhakuṭiyaṃyeva uṭṭhapesi. Tattha katipāhaṃ vasitvā vāṇijagāme piṇḍāya caritvā “tvaṃ idheva vasāhī”ti puṇṇattheraṃ nivattetvā antare nammadānadī nāma atthi, tassā tīraṃ agamāsi. Nammadānāgarājā satthu paccuggantvā nāgabavanaṃ pavevetvā tiṇṇaṃ ratanānaṃ sakkāraṃ akāsi. Satthā tassa dhammaṃ kathetvā nāgabavanā nikkhami. So “mayhaṃ bhante paricaritabbaṃ dethā”ti yāci. Bhagavā nammadānadītīre padacetiyaṃ dassesi. Taṃ vīcīsu āgahāsu pidhiyati vīcīsu gatāsu vivarati, mahāsakkārappattaṃ ahosi. Satthā tato nikkhamma saccabandhapabbataṃ gantvā saccabandhaṃ āha “tāyā mahājano apāyamaḃge otārito. Tvaṃ idheva vasitvā etesaṃ laddhiṃ vissajjāpetvā nibbānamagge patiṭṭhāpehi”ti. Sopi paricaritabbaṃ yāci. Satthā ghanapiṭṭhipāsāne allamattikapīṇḍamhi lañchanaṃ viya padacetiyaṃ dassesi. Evaṃ sūnāparantaraṭṭheyeva dve cakkaranacetiyāni yāvasāsanantaradhānaṃ patiṭṭhāpesi. Sattame pana vasse sāvattiyaṃ kaṇḍambarukkhamūle tithi maddanaṃ karonto yamakapāṭihāriyaṃ katvā dasahi cakkavāḷa sahassehi āgatānaṃ devatānaṃ mātaraṃ kāyasakkiṃ katvā abhidhammaṃ desente tāvatīmsabhavane pāricchattakamūle paṇḍukambalasilāyaṃ vassaṃ vasi. Aṭṭhame saṃsumāranagare ekavassaṃ vasi. Navame kosambiyaṃ ekavassaṃ vasi. Tadā bhaddiyo, kimilo, bhagu, ānando, anuruddho, devadatto, cāti cha khattiyā pabbajiṃsu. Tesāṃ vitthāro dhammapade āgato. Dasame pana vasse pālīyeyāgāme dakkhiṇavanasaṇḍe bhaddasālamūle pālīyeyakena hatthiṇā upaṭṭhiyamāno phāsukaṃ vassāvāsaṃ vasi. Ekādasame nālandhabrāhmaṇagāme ekavāsaṃ vasi. Dvādasame verañjāyaṃ ekavāsaṃ vasi duccharitassa vipākaṃ anubhavamāno, bhagavatā kira phussassa bhagavato kāle sāvakānaṃ vacīduccaritavasena katupacitassa akusalakammassa tadā laddhokāsavasena upaṭṭhitattā verañjabrāhmaṇena nimantitopi samāno mārāvattāna vasena asallakkhetvā assavāṇijakānaṃ nibaddhavattasankhepena paññattaṃ patthapatthamūlakaṃ yavataṇḍulameva temāsaṃ bhuñjati, vuttañhetāṃ apadāne.

“Phussassāhaṃ pāvācane, sāvake paribhāsissaṃ;
Yavaṃ khādatha bhuñjatha, māca bhuñjatha sālino.

Tena kammavipākena, temāsaṃ khāditaṃ yavaṃ;
Nimantito brāhmaṇena, verañjāyaṃ vasiṃ tadāti”.

Tena vuttaṃ “dvādasame verañjāyaṃ ekavāsaṃ vasi duccharitassa vipākaṃ anubhavamāno”ti. Terasame jāliyaṃpabbate ekavāsaṃ vasi. Catuddasame sāvattiyaṃ anāthapiṇḍikassa ārāme jetavanavihāre paṭhamavāsaṃ vasitvā pannarasame vasse nātījanasaṅghatthaṃ kapilavatthuṃ gantvā ekameva vāsaṃ kappesi. Soḷasame vasse ālavakayakkhadamanatthaṃ aggālavīnagare ekavāsaṃ vasi. Sattarasame vasse rājagahameva nivattitvā vāsaṃ kappesi. Aṭṭhārasame vasse jāliyaṃpabbatameva nivattitvā vasi. Ekūnavīsatiṃvase vasse tattheva jāliyaṃpabbatameva vasi. Vīsatiṃvase rājagahassa avidūre bhīsanake bhesakalavanasaṇḍe vāsaṃ kappesi”ti imāni vīsati vassāni paṭhamabodhīti veditabbāni. Etasmīṃ kāle ehibhikkhūpasampadāyaeva upasampādesīti yebhuyyena bhagavantaṃyeva uddissa ācariyaṃpajjhāyaṃ katvā ehibhikkhu bhāvamāpanne puññavantaṃpuggaleyeva sandhāya vuttaṃ, aññesampi ariyabhāvamanāpannānaṃ sudinnādīnaṃ vā yamakapāṭihāriye pasīditvā āyasmato sārīputtattherassa santike pabbajitānaṃ pubbe kassapabuddhakāle vaggulībhūtapubbānaṃ pañcannaṃ bhikkhusatānaṃ therasseva santike pabbajitabhāvassa dīssanato tena vuttaṃ “bhagavā hi paṭhamabodhiyaṃ etasmīṃ kāle ehi bhikkhūpasampadāya eva upasampādesī”ti. Ito paresu pana pañcavīsativassesu anāthapiṇḍikena kārite jetavanamahāvihāre ekūnavīsativassā vāsaṃ vasi. Visākhāya sattavīsati koṭidhanapariccāgena kārite pubbārāme chabbassāni vasi. Dvīnaṃ kulānaṃ guṇamahattaṃ paṭicca sāvattiyaṃ nissāya pañcavīsati vassāni vāsaṃ vasi. Antime pana vasse beḷuvagāme vasitvā maraṇantikā vedanā uppajji,

āyusaṅkhārossajjanañca tattha akāsi. Imāni idha nādhippetāni, bhagavato vassakkamajānanatthaṃyeva vuttanti.

Saraṇagamanūpasampadā nāma “buddhaṃ saraṇaṃ gacchāmi” tyādinā tikkhattuṃ vācaṃ bhinditvā vuttehi tīhi saraṇagamanehi upasampanno.

Ovādapatiḅgaṇaūpasampadā nāma “tasmā tiha te kassapa evaṃ sikkhitabbaṃ tibbameva hirottappaṃ paccupaṭṭhitaṃ bhavissati thesuvavesu majjhimesu cāti, evaṃhi te kassapa sikkhitabbaṃ tasmā tiha te kassapa evaṃ sikkhitabbaṃ yaṃ kiñci dhammaṃ sossāmi kusalūpasāñhitaṃ sabbantaṃ aṭṭhiṃ katvā manasikatvā sabbameva cetaso samannāharitvā ohitasoto dhammaṃ sossāmīti, evaṃhi te kassapa sikkhitabbaṃ tasmā tiha te kassapa evaṃ sikkhitabbaṃ sātasaḅagataṃ me kāyagatā satim na jahissatīti, evaṃhi te kassapa sikkhitabbanti iminā ovādapatiḅgaṇena mahākassapaṭṭherassa anuññātaupāsampadā nāma.

Pañhābyākaraṇaūpasampadā nāma sopākassa anuññātaupāsampadā, bhagavā kira pubbārāme anucaṅkamanto sopākasāmaṇeraṃ “uddhumātakasaññāti vā sopāka rūpasāññāti vā ime dhammā nānatthā nānābyañjanā, udāhu ekatthā byañjanaṃeva nāna”nti dasaasubhanissite pañhe pucchi. So te byākāsi. Bhagavā tassa sādhuḅkāraṃ datvā “kativassosi tvaṃ sopākā”ti pucchi. “Sattavasso ahaṃ bhagavā”ti, “sopāka tvaṃ mama sabbaññūtaññāṇena saddhiṃ saṃsanditvā pañhe byākāsi”ti āradhacitto upāsampadaṃ anujānāti, ayaṃ pañhābyākaraṇaūpasampadā.

Aṭṭhavācīkūpasampadā nāma bhikkhuniyā bhikkhunisaṅghato ñatticatutthena bhikkhusaṅghato ñatticatutthenāti imehi dvīhi kammehi upāsampadā. Ñatticatutthakammūpasampadā nāma bhikkhūnaṃ etarahi upāsampadā, ayaṃeva idhādhippetā, sampattivipattivasena sambhavato. Kasmā hesa upāsampanno nāmāti. Samaggena saṅghena ñatticatutthena kammaṃ akuppena ṭhānārahena upariḅbhāvaṃ samāpanno pattoti upāsampanno, seṭṭhabhāvaṃ pattotiattho tathā hi gihibhāvato sāmānerabhāvo seṭṭho nāma, tatopi upāsampannabhāvoyeva seṭṭho. Tattha samaggena saṅghenāti sabbantimena pariyāyena pañcavaggakaraṇīye kamme yāvatikā bhikkhū kammappattā, tesam āgatattā chandārahānaṃ chandassa āhaṭattā, sammukhībhūtānañca appaṭikkosānato etasmiṃ kamme samaggabhāvaṃ upagatena. Ñatticatutthenāti tīhi anusāvanāhi ekāya ca ñattiyā kattabbena. Ettha ca kiñcāpi ñatti sabbapaṭṭhamam vuttā, tissannaṃ pana anusāvanānaṃ atthabyañjanabhedaḅbhāvato atthabyañjanabhinnā ñatti tāsam catutthanti katvā ñatticatutthanti vuccati. Kammenā ti dhammikenā kammaṃ, vinayakammenātiattho. Akuppenā ti vatthu ñatti anusāvāna sīma parisasampatti sampannattā akopetabbataṃ appaṭikkosītabbatañca upagatena. ṭhānārahena ti kāraṇārahena, satthusāsanārahena attho. Etehi kāraṇehi seṭṭhabhāvamaṃpannoti attho. Tattha sampattivipattivasena sambhavato ti vatthusampatti ñattisampatti anusāvānasampattisīmasampattiparisasampattivasena pañcahi sampattīhi upāsampadakammaṃ sijaṇatoti attho. Tattha vatthu sampattināma paripuṇṇavāsativassabhāvo idāni purisattabhāvo ca. Unnavāsativassam, antimavatthuaḅjḅhāpannapubbaṃ, paṇḅako, theyyasaṃvāsako, tittiyapakkantako, tiracchānagato, mātuḅhātako, pituḅhātako, arahantaḅhātako, bhikkhunidūsako, saṅghabhedaḅko, lohītuḅpādako, ubhatobyañjanako, ti ime terasa puggalā upāsampadāya avatthu. Tattha unnavāsativassanti sāmāññena vuttepi mātukucchito nikkhamaṇato paṭṭhāya ekūnavāsiparipuṇṇo purisapuggalo upāsampadāya vatthu, tato oraṃ na upāsampadāya vatthu tatho hi ekasmiṃ saṃvacchare hemantaḅgimhavassavasena tiṇṇam utūnaṃ sambhavattā tayo utū honti, honti cettha.

“Kattikantikapakkhamaḅ, hemaṃ phaggaṇapūṇṇamā;
Tassanti kapakkhamaḅ, gimham āsālḅhipūṇṇamā;
Vassakālam tato sesam, catuvāsītuḅposathā.

Cātuddasī cha etesu, pakkhā tatiyasattamā;
Sesā pannarasī ñeyyā, aṭṭhārasa uposathāti”.

Ettha ca kattikassa kālapakkhapāṭipadato paṭṭhāya yāva phaggaṇapūṇṇamā cattāro māsā hemautu nāma. Phaggaṇassa kālapakkhapāṭipadato paṭṭhāya yāva āsālḅhipūṇṇamā cattāro māsā gimhautu nāma. Asālḅhakāḅlapakkhapāṭipadato paṭṭhāya yāva aparakattikapūṇṇamā cattāro māsā

vassautu nāma. Evaṃ ekasmiṃ saṃvacchare tayo utū honti. Tattha ekasmiṃ utumhi pakkhassa tatiyasattamesu dve dve katvā cha catuddasikā, paṭhamadutiyacatutthapañcamachatthāhamesu cha cha katvā aṭṭhārasa pannarasikāti evaṃ ekasaṃvacchare catuvīsati uposathā honti. Imesu catuvīsatuposathesu cātuddasiyā ekūnatimsa divasā hontīti katvā ekasaṃvacchare cha unā divasā honti. Iminā nayena ekūnavīsatime vasse chamāsādhikāni aṭṭhārasavassāni honti. Tasmim mātukucchimhi nibbattakāle dasamāse pakkhipitvā cattāri māsādhikāni ekūnavīsavassāni paripuṇṇāni. Rājāno pana tiṇṇaṃ tiṇṇaṃ vassānaṃ accayena māsāṃ ākaḍḍhanti, divasena saha māsampi, tasmā aṭṭhārasavasse yeva cha māsādhikāni honti. Taṃ heṭṭhācatumāsādhika ekūnavīsatime vasse pakkhipitvā ekamāsādhikāni vīsativassāni sabbaso paripuṇṇāni honti. Evaṃ ekūnavīsativassato paṭṭhāya gabbhavīso upasampadāya vatthūti veditabbo. Idāni purisattabhāvo ti bhikkhuniyā abhāvato purisapuggalova idāni vaṭṭatīti adhippeto tathā hi mātugāmassa pabbajitathā pañcavassasatāni saddhammo tiṭṭheyya, paññattattā pana aparāni pañcavassasatāni ṭhassatīti evaṃ vassasahassameva paṭisambhidāppattasaddhammassa paṭiṭṭhitabhāvo vutto. Mātugāmā ca nāma duppaññā tibbakilesā lāmakā ca. Bhagavatā ca paṭhamabodhiyaṃ ādito paṭṭhāyameva mahāpajāpatiyā gotamiyā aṭṭhagarudhammapaṭiggahaṇena upasampadatte anuññātepi sāsanaṃ aciraṭṭhitikabhāvo vutto. Duppaññattā itthiyo sāsane ciraṃ na tiṭṭhanti, tibbakilesattā yathā paññatta sikkhāpadānurūpaṃ saṃvarampi rakkhituṃ na sakkonti. Lāmakattāpi tā aṭṭhasamāpattim labhantāpi brāhmapārisajjaṃ nātikkamanti, evaṃ bhikkhuniyā abhāvato idāni purisapuggaloti vuttaṃ. Imasmiṃ ṭhāne ṭhatvā cattāri khetāni veditabbāni tathā hi mātugāmassa pabbajitattā vassasahassameva ṭhassatīti cetāṃ paṭisambhidāppattakhīṇāsavavasena vuttaṃ, tato paraṃ uttaripi sukkhavipassakakhīṇāsavavasena vassasahassaṃ, anāgāmiyasena vassasahassaṃ, sakadāgāmiyasena vassasahassaṃ, sotāpannavasena vassasahassanti evaṃ pañcavassasahassāni paṭivedhasaddhammo tiṭṭhati. Pariyattisaddhammopi tāniyeva na hi pariyattiyā asati paṭivedho atthi. Nāpi pariyattiyā sati paṭivedho na hoti. Liṅgaṃ pana pariyattiyā antarahitāya ciraṃ pavattissati, idaṃ khandhakabhāṇakānaṃ matena vuttanti veditabbaṃ. Dīghanikāyaṭṭhakathāyaṃ pana evaṃ vuttaṃ “paṭisambhidāppattehi vassasahassaṃ aṭṭhāsi, chaḷabhiññehi vassasahassaṃ, tevijjehi vassasahassaṃ, sukkhavipassakehi vassasahassaṃ, pātimokkheṇa vassasahassaṃ aṭṭhāsi”ti. Idampi dīghabhāṇakattherānaṃ matena vuttaṃ. Aṅguttaranikāyaṭṭhakathāyampi buddhānaṃ parinibbānato vassasahassameva paṭisambhidā nibbattetuṃ sakkonti, tato paraṃ cha abhiññā, tato tāpi asakkontā tisso vijjā nibbattanti. Gacchante kāle tāni pi nibbattetuṃ asakkontā sukkhavipassakā honti. Eteneva upāyena anāgāmino sakadāgimino, sotāpannāti vuttaṃ. Idampi aṅguttaranikāye vuttaṃ. Saṃyuttanikāyaṭṭhakathāyaṃ pana paṭhamabodhiyaṃ bhikkhū paṭisambhidāppattā. Atha kāle gacchante paṭisambhidā pāpuṇituṃ na sakkhimsu, chaḷabhiññā ahesuṃ. Tato chapī abhiññā pattuṃ asakkontā tisso vijjā pāpuṇimsu. Idāni kāle gacchante tisso vijjā pāpuṇituṃ asakkontā āsavakkhayaṃ pāpuṇissanti, tampi asakkontā anāgāmi phalaṃ, tampi asakkontā sakadāgāmi phalaṃ, tampi asakkontā sotāpatti phalaṃ. Gacchante kāle sotāpatti phalaṃ pattuṃ na sakkhissanti”ti vuttaṃ. Yasmā ce te ācariyā bhinnavādā, tasmā tesāṃ ācariyānaṃ bhāṇakānaṃ matameva buddhaghosācariyena tattha tattha likhitanti gahetabbaṃ, aññathā ācariyasēva pubbāparavirodhappasaṅgo siyā ācariyabuddhaghoseneva hi siḷābhāsaṃ apanetvā māgadhabhāsāya sātṭhakathaṃ buddhavacanaṃ likhitāṃ, na aññena ācariyena tasmā aṭṭhakathāya vuttavacanameva pamāṇanti gahetabbaṃ. Nanu cattāropi nikāyaṭṭhakathāsaṅgītiṃ ārūḷhā, atha kasmā evaṃ bhinnāti. Saccāṃ, tathāpi kesañci therānaṃ vādappakāsanatthaṃ vuttaṃ. Na saṅgāhakattherānaṃ, tasmā aṭṭhakathāvacanameva pamāṇanti vuttaṃ.

Antimavatthuaññāpannapubbanti pārājikabhikkhu, so abhabbo sāsane upasampadakkammaṃ laddhuṃ.

Paṇḍakoticetta pañcavidho hoti āsittapaṇḍako, ussūyapaṇḍako, opakamika paṇḍako, napuṃsako, pakkhapaṇḍakoti. Tattha yassa paresaṃ aṅgajātaṃ mukhena gaṇhitvā asucinā āsittassa pariḷāho vūpasamati, ayaṃ āsittapaṇḍako nāma. Yassa paresaṃ aṅgajātaṃ passato ussūyāya uppannāya pariḷāho vūpasamati, ayaṃ ussūyapaṇḍako nāma. Yassa opakamena bijāni apanītāni hontī, ayaṃ opakamika paṇḍako nāma. Yo pana paṭisandhiyaṃ yeva abhāvako uppanno hoti, ayaṃ napuṃsako nāma. Ekacco pana akusalavipākānubhāvena kāḷapakke paṇḍako hoti, juṇhapakke panassa pariḷāhovūpasamati, ayaṃ pakkhapaṇḍako nāma, keci pana yo kāḷapakke itthī hoti, juṇhapakke puriso, ayaṃ pakkhapaṇḍakoti vadanti, taṃ tesāṃ matimattameva. Etesu

āsittapaṇḍakassa ca ussūyapaṇḍakassa ca pabbajjā na vāritā.

Opakkamanapumsakapakkhapaṇḍakānaṃ pana vāritā. Tesupi pakkhapaṇḍakassa yasmim pakkhe paṇḍako hoti, tasmimyeva pabbajjā vāritā. Ettha ca apaṇḍakapakke pabbajitvā paṇḍakapakke nāsetabboti tīsupi gaṇṭhipadesu vuttam. Keci pana “apaṇḍakapakkepabbajito sato kilesakkhayam pāpuṇāti, na nāsetabbo”ti vadanti, taṃ tesam matimattameva, paṇḍakassa kilesakkhayā sambhavato khīṇakilesassa ca paṇḍakabhāvānupapattito ahetuka paṭisandhikathāyañhi avisesena paṇḍakassa ahetukapaṭisandhi katā vuttā, āsitta ussūyapakkhapaṇḍakānañca paṭisandhito paṭṭhāyeva paṇḍakabhāvo, na pavattiyamyevāti vadanti. Teneva ahetukapaṭisandhiniddese jaccandha-jaccabadhirādayo viya paṇḍako jātisaddena visesetvā niddiṭṭho. Catutthapārājikasamvaṇṇanāyam pana abhabbapuggale dassentena paṇḍakatiracchānagataubhato byañjanakā tayo vatthuvipannā ahetukapaṭisandhikā, tesam saggo avāritoti avisesena vuttam, evam pañcavidhā paṇḍakā te paṇḍakasāmaññena avisesetvā “paṇḍakāti evameva vatvā paṇḍako bhikkhave na upasampādetabbo”ti vuttanti daṭṭhabbam.

Theyyasamvāsako ti yo sayameva pabbajjāliṅgam gahetvā bhikkhuvassam gaṇetvā bhikkhūti paṭiññam sampaṭicchati, yathāvuḍḍham vandanaṃ sādīyati, so liṅgassa samvāsassa ca thenattā ubhayatthenako nāma. Yo pana yathāvuḍḍham vandanaṃ na sādīyati, asuddhacittavasena liṅgassathenattāliṅgatthenako nāma. Yo vā pana sāmaṇerabhūmiyam ṭhatvā musāvādena bhikkhūti paṭiññam gahetvā bhikkhuvassaggena vandanaṃ sādīyati, so bhikkhūhi dinnaliṅgattā liṅgatthenako na hoti, samvāsassa thenattā samvāsathenako nāma. Ettha ca ubhayatthenakopi asuddhacittena liṅgatthenakeeva pavīṭṭhoti vedītabbo. Yopi sāmaṇero vuḍḍhasāmaṇerānaṃ vandanaṃ sādīyati, daharabhikkhūpi vuḍḍhabhikkhūnaṃ vandanaṃ sādīyati, sopi theyyasamvāsako nāpi hoti, athenattā. Yo vā pana bhikkhupārājikamāpannova bhikkhulīṅge ṭhito yāva paṭijānāti, tāva attheva tassa bhikkhubhāvo, na so anupasampannasankhyam gacchati, tathā hi so samvāsam sādīyantopi theyyasamvāsako na hoti, so sahaseyyādiāpattimpi na janeti, omasavāde pācittiyañca na janeti teneva “asuddho hoti puggalo aññataram pārājikam dhammam ajjhāpanno, tañce suddhadiṭṭhi samāno okāsam kārapetvā akkosādhippāyo vadati āpatti omasavādassā”ti omasavāde pācittiyam vuttam. Asati hi bhikkhubhāve dukkaṭam vadeyya. Yo pana sāmaṇero sāmaṇeraliṅgeneva pāṇātipātādipañcavidham silavipattim pāpuṇāti, sopi āgato liṅganāsanāya nāsetvā saraṇasīlam dātabbam, athenattā upasampadāya avatthubhāvampi na pāpuṇāti. Vikālabhojanādikaṃ karontassa pana “accayo maṃ bhante accāgamā”tyādinā saṅghamajjhe accayam desāpetvā vā daṇḍakammaṃ vā katvā sīlam dātabbameva. Tittiyapakkantako uttānoyeva.

Tiracchānagatoti yokoci amanussabhūto cattāro apāyikāpi upasampadāya avatthuyeva. Te paṭisandhiyā lāmakattā abhabbā sāsane pabbajitum. Yadi cattāro apāyikā upasampadāya avatthubhaveyya, atha kasmā sese anapadisitvā tiracchānagatova avatthūti vuttanti. Sesānam apākaṭavattuttā, tathā hi sambuddhakāle tiracchānayoniyam nibbato eko nāgarājā nāgayoniyā aṭṭiyati harāyati jigucchati. Athakho tassa nāgassa etadahosi kenanukho aham upāyena nāgayoniyā parimucceyyam khippaṇca manussattam labheyyanti. Athakho tassa nāgassa etadahosi “ime kho samaṇāsakyaputtīyā dhammacārino samacārino brahmacārino saccavādinno sīlavanto kalyāṇadhammā sace kho aham samaṇesu sakyaputtīyesu pabbajeyyam, evāham nāgayoniyā parimucceyyam khippaṇca manussattam paṭilabheyya”nti. Atha kho so nāgo māṇavakavaṇṇena bhikkhū upasankamitvā pabbajjam yāci. Tam bhikkhū pabbājesum upasampādesum. Tena kho pana samayena so nāgo aññatarena bhikkhunā saddhim paccantime vihāre paṭivasati. Atha kho so bhikkhu rattiyā paccūsasamayam paccūṭṭhāya ajjhokāse caṅkamati. Atha kho so nāgo tassa bhikkhuno nikkhante vissatṭho niddam okkamesi. Sabbo vihāro ahinā puṇṇo, vātapānehi bhogā nikkhantā honti. Athakho so bhikkhu “vihāram pavississāmī”ti kavāṭam paṇāmento addasa sabbam vihāram ahināpuṇṇam vātapānehi bhoge nikkhante. Disvāna bhīto vissaramakāsi. Bhikkhū upadhāvitvā tam bhikkhum etadavocum “kissa tvam āvuso vissaramakāsi”ti. Ayam āvuso sabbo vihāro ahinā puṇṇo vātapānehi bhogā nikkhantāti. Atha kho so nāgo tena saddena pabujjhivā sake āsane nisīdi. Bhikkhū evamāhaṃsu “koci tvam āvuso”ti. “Aham bhante nāgo”ti. “Kissa pana tvam āvuso evarūpaṃ akāsi”ti. Atha kho so nāgo bhikkhūnaṃ etamattham ārocesī. Bhikkhū bhagavato etamattham ārocesum. Atha kho bhagavā etasmim nidāne etasmim pakaraṇe bhikkhusaṅgham sannipātāpetvā tam nāgam etadavoca “tumhe khvattha nāgā avirūḥhidhammā imasmim dhammavinaye, gaccha tvam nāga, tattheva cātuddase pannarase aṭṭhamiyā ca pakkhassa uposatham upavasa, evam tvam

nāgayoniyā parimuccissasi khippaṇca manussattaṃ paṭilabhissasī”ti. Atha kho so nāgo “avirūḷhadhammo kirāhaṃ imasmiṃ dhammavinayeti dukkhī dummano assūni pavattayamāno vissaraṃ katvā pakkami. Atha kho bhagavā bhikkhū āmantesi “dve me bhikkhave paccayā nāgassa sabhāvapātukammāya. Yadā ca sajātiyā methunaṃ dhammaṃ paṭisevati, yadā ca vissatṭho niddaṃ okkamati. Ime kho bhikkhave dve paccayā nāgassa sabhāva pātukammāya. Tiracchānagato bhikkhave na upasampādetabbo, upasampanno nāsetabbo”ti evaṃ tiracchānasseva pākaṭavattuttāti. Ettha ca pavattiyā abhiṇhaṃ sabhāvapātukammadassanavasena “dve paccayā”ti vuttaṃ. Nāgassa pana pañcasu kālesu sabhāvapātukammaṃ hoti paṭisandhikāle, tacapajahananakāle, sajātiyā methunakāle, vissatṭha niddokkamanakāle, cutikāleti. Nanu ca devāpi upasampadāya avatthuyeva, atha kasmā cattāro apāyikāva upasampadāya avatthūti vuttanti. Saccam, tathāpi devānaṃ abhabbattā paṭivedhasāsanassa ṭhitattā te abhabbato visuṃ karaṇatthāya evaṃ vuttanti daṭṭhabbaṃ. Vakkhati hi samantapāsādikāya vinayaṭṭhakathāya mahāvagge “tiracchānagato bhikkhaveti ettha nāgo vā hotu supaṇṇamāṇavakādīnaṃ vā aññataro antamaso sakkam devarājānaṃ upādāya yo koci amanussajātiyo sabbova imasmiṃ atthe tiracchānagatoti veditabbo”ti, tena “tiracchānagatoti yokoci amanussabhūto”ti vuttanti. Ettha cāha yadi nāgasupaṇṇā paṭisandhiyā lāmakā bhaveyya, atha kasmā vidhurajātake cattāro janā nāgasupaṇṇasakkadhanañcayakorabyesu bhavanesu taṃ tadeva ṭhānaṃ patthentā dānādīni puññāni karonti, tesu eko āyupariyosāne saputtadāro nāgabhavane nāgarājā hutvā nibbatti, eko supaṇṇabhavane simbalivimāne supaṇṇarājā hutvā nibbatti, eko tāvatimsabhavane sakko hutvā nibbatti, eko dhanañcayakorabyarañño aggamaheṣiyā kucchimhi nibbattīti catunnampi janānaṃ paṭisandhiyaṃ kusalakammeneva pavattabhāvo vutto yadi kusalakammena bhaveyya, “kusalā cetanā vipākānaṃ khandhānaṃ kaṭattā ca rūpānaṃ kammaṃ paccayena paccayo”ti imissāpi paṭṭhānapāliyā ahetukānampi paṭisandhikkhaṇe kammaṃ paccayabhāvo vutto bhaveyya, na panevaṃ vattabbaṃ atha kathañcidaṃ paccetabbanti. Vuccate, nikantiyā balavattā sattavidhamethunasamṃyogattā ca aparissuddhā tesam kusalacetanā, aparissuddhāyeva sugatibhūmiyaṃ janetuṃ na sakkonti. Duggatibhūmiyaṃ pavattamānāpi kammā yūhanakāle taṃ taṃ bhūmipatthanā taṇhāsampayuttāpubbabbhāgacetanā balena tesu tiracchānabhūmīsu nibbattanti, na aññena akusalena. Evañhi patthitapatthanā siddhāpi bhaveyya. Yadi aññena akusalakammena bhaveyya, icchitapatthanāpi asiddhāva bhaveyya. Nikantica nāmesā balavajhānasampayuttacetanāpi paṭibāhituṃ sakkā tathā hi gopakadevadattassa ācariyasamaṇo jhānabalena brahmabhūmīsu anibbattitvā jhānaṃ paṭibāhitvā aññakammena gandhabbadevesuyeva uppajjati “sīlavato hi bhikkhave cetopaṇidhi samijjhati visuddhata”ti tesam vitthāro dīghanikāye āgato, atthikehi tattha oloketabbo. Sattavidhamethunasamṃyogavasenāpi sattā dukkhato na muccanti vuttañhi bhagavatā “idha brāhmaṇa ekacco samaṇo vā brāhmaṇo vā sammā brahmacārī paṭijānamāno na heva kho mātuḡāmena saddhiṃ dvayaṃdvaya samāpattim samāpajjati, api ca kho mātuḡāmassa ucchādanaṃ nhāpanaṃ parimaddanaṃ sambāhanaṃ sādīyati, so tadassādeti taṃ nikāmeti, tenacavittim āpajjati. Idampikho brāhmaṇabrahmacariyassa khaṇḍampi chiddampi sabalampi kammāsampi. Ayaṃ vuccati brāhmaṇa aparissuddhaṃ brahmacariyaṃ carati. Saṃyutto methunasamṃyogena na parimuccati jātiyā jarāmaṇa...pe... na parimuccati dukkhasmāti vadāmi. Punaca paraṃ brāhmaṇa idhekacco samaṇovā...pe... paṭijānamāno. Na heva kho mātuḡāmenasaddhiṃ dvayaṃdvayasamāpattim samāpajjati, na pi mātuḡāmassa ucchādanaṃ...pe... sādīyati, api ca kho mātuḡāmena saddhiṃ samjagghati saṃkīḷati saṃkelāyati, so tadassādeti...pe... dukkhasmāti vadāmi. Punaca paraṃ brāhmaṇa idhekacco samaṇo vā...pe... na heva kho mātuḡāmena saddhiṃ samāpajjati. Napi mātuḡāmassa ucchādanaṃ sādīyati. Napi mātuḡāmena saddhiṃ samjagghati saṃkīḷati saṃkelāyati. Apica kho mātuḡāmassa cakkhuṃ upanijjhāyati pekkhati, so tadassādeti...pe... dukkhasmāti vadāmi. Punaca paraṃ brāhmaṇa idhekacco samaṇovā brāhmaṇo vā...pe... na heva kho mātuḡāmena, na mātuḡāmassa, napi mātuḡāmena pekkhati. Api ca kho mātuḡāmassa saddaṃ suṇāti tirokuṭṭaṃvā tiropākāraṃvā hasantiyā vā bhaṇantiyā vā gāyantiyā vā rodantiyā vā, so tadassādeti...pe... dukkhasmāti vadāmi. Punaca paraṃ brāhmaṇa idhekacco samaṇo vā brahmaṇo vā...pe... naheva kho mātuḡāmena, napi mātuḡāmassa, napi mātuḡāmena, napi mātuḡāmassa rodantiyā vā...pe... api ca kho yānitāni pubbe mātuḡāmena saddhiṃ hasitalapitakīḷitāni anussarati. So tadassā deti...pe... dukkhasmāti vadāmi. Punaca paraṃ brāhmaṇa idhekacco samaṇo vā brahmaṇo vā...pe... na heva kho mātuḡāmena, napi mātuḡāmassa...pe... na pi yāni tāni pubbe mātuḡāmena saddhiṃ hasitalapitakīḷitāni anussarati, api ca kho gahapatiṃ vā gahapatiputtaṃ vā pañcahi kāmaguṇehi sahitaṃ samaṅgībhūtaṃ paricārayamānaṃ, so tadassādeti...pe... dukkhasmāti vadāmi. Punaca paraṃ brāhmaṇa...pe... na heva kho mātuḡāmena...pe... napi anussarati gahapatiṃ vā

gahapatiputtam vā paricārayamānaṃ, api ca kho aññataraṃ devanikāyaṃ pañidhāya brahmacariyaṃ carati imināhaṃ sīlena vā vatena vā tapenavā brahmacariyena vā devo vā bhavissāmi devaññatara vāti, so tadassādeti, taṃ nikāmeti, tena ca vittim āpajjati. Idaṃ kho brāhmaṇa brahmacariyassa khaṇḍampi chiddampi sabalampi kammāsampī”ti evaṃ lābhādhitukena bhedenā ca sattavidhamethunasamyogena khaṇḍādibhāvo saṅgahitoti veditabbo.

Mātughātake pana yena manussitthibhūtāpi ajanikā posā vanikā mātā vā mahāmātā vā cūlamātā vā janikāpi amanussitthibhūtā mātā ghātītā, tassa pabbajjā na vāritā, na ca anantariko hoti. Tīracchānitthiyopi manussapurisamāgama manussabhūtaṃ puttaṃ vijāyanti kontaputtā dvebhātikattherā viya tepi hi aṇḍajāyeva, tathā hi petaloke tīracchāne manusse cāti imesu tīsu bhūmīsu catasso yoniyo sambhavanti. Manussesu panettha kecideva opapātikā honti, seyyathāpi mahāpadumakumārādayo. Aṇḍajāpi kontā puttā dvebhātikattherā viya. Vitthāro pana sīhaḷavattusmiṃ oloketabbo. Ettha ca kontāti kinnarī, tassā puttā kontaputtā, sā hi rañño asokadhammarājassa kāle vanacarakena labhitvā manussasamvāsamāgama dve putte vijāyitvā “idāni dārake pahāya na gamissatī”ti saññāya vanacarako tassā potthaṃ adāsī, sā potthaṃ labhitvā pakkhanditvā sakaṭṭhānameva gatā kinnariyo hi potthaṃ vinā pakkhandituṃ na sakkonti, teneva tāpaso “mā potthaṃ assā adāsī”ti āha. Kammaṃ utusamuṭṭhānañhi tāsaṃ potthaṃ, rañño cakkavattissa cakkaratanaṃ viya, tathā hi cakkavattino vehāsagamanādi puññavato iddhiṇāma, na tena cakkaratanaṃ vā hatthiassaratanāṃ vā vinā attano sabhāveneva gantuṃ sakkonti. Tattha cakkaratanaṃ rañño cakkavattissa kammabalena nibbattatā samuddamajjhe jāyamānampi kammaṃ utusamuṭṭhānaṃ nāma. Hatthiassaratanāni pana kammaṃ utusamuṭṭhānāni nāma. Pakkhīnaṃ vehāsagamanādikā kammavipākajā iddhi. Kinnariyo pana potthaṃ vinā attano sabhāvena pakkhandituṃ na sakkonti, tasmā tāsaṃ potthaṃ kammaṃ utusamuṭṭhānanti daṭṭhabbaṃ. Keci pana devānaṃ alaṅkāra viya paṭisandhiyā saha āgatoti vadanti, na taṃ pacceṭabbāṃ, aṇḍajajalābujānaṃ tathā asambhavato. Kecipi pavattī kāle katanti vadanti, tampi ayuttameva, saṃsedajāpi padumagabbhevā veḷugabbhe vā nibbattā pokkharasātībrāhmaṇapadumavāṭīveḷuvatīdevīādayo viya. Jalābujā pana pākāṭāyeva. Yena sayam tīracchānabhūtena manussitthibhūtā mātā ghātītā, sopi ānantariko na hoti tīracchānagatattā panassa pabbajjā paṭikkhattā, kammaṃ panassa bhāriyaṃ hoti, ānantariyaṃ āhacca tiṭṭhati. Manussitthiyopi tīracchānamāgama gabbhaṃ janenti, seyyathāpi bhūridattassa mātā itthiyo hi aṭṭhahi kāraṇehi gabbhaggahaṇaṃ hoti - ajjhācārena, kāyasamsaggena, coḷaggahaṇena, asucipānena, nābhiparāmasanena, rūpadassanena, saddena gandhenāti. Tattha ajjhācārena sudinnassa purāṇadutiyaṃ gabbhaṃ gaṇhitvā pacchimabhavikaṃ suvaṇṇabimbasaḍisaṃ bījakaṃ nāma puttaṃ vijāyī. Kadāci ekaccā utusamaye chandarāgarattā purisānaṃ hatthagāhaveṇigāhaṅgapaccāṅgaparāmasanaṃ sādiyantiyopi gabbhaṃ gaṇhanti. Evaṃ kāyasamsaggena gabbhaggahaṇaṃ hoti. Udāyittherassa pana purāṇadutiyaṃ bhikkhunī taṃ asuciṃ ekadesaṃ mukhena aggahesi, ekadesaṃ coḷakeneva saddhiṃ aṅgajāte pakkhipi, sā tena gabbhaṃ gaṇhi. Evaṃ coḷaggahaṇena gabbhaggahaṇaṃ hoti. Migasiṅgāpasassa mātā migī utusamaye tāpasassa passāvāṭṭhānaṃ āgantvā sasambhavaṃ pivi, sā tena gabbhaṃ gaṇhitvā migasiṅgaṃ nāma tāpasadāraṅgaṃ vijāyī. Evaṃ asucipānena gabbhaggahaṇaṃ hoti. Sāmassa pana bodhisattassa mātā utusamaye nābhiparāmasanena gabbhaṃ gaṇhitvā sāmāpasadāraṅgaṃ vijāyī, evaṃ maṇḍabyassa ca caṇḍapajjo tassa ca mātā utusamaye nābhiparāmasanavasena, tattha ca diṭṭhamaṅgalikāya nābhiparāmasanena maṇḍabyassa nibbatti ahoṣi. Caṇḍapajjotassa mātu nābhiyaṃ vicchiko pharivā gato, tena caṇḍapajjotassa nibbatti ahoṣi. Idhekaccā itthi utusamaye purisasaṃsaggaṃ alabhamānā chandarāgavasena antogehegatāva purisaṃ upanijjhāyati, rājorodho viya, sā tena gabbhaṃ gaṇhāti. Evaṃ rūpadassanena gabbhaggahaṇaṃ hoti. Balākāsu pana purisaṃ nāma natthi, tā utusamaye meghasaddaṃ sutvā gabbhaṃ gaṇhanti. Gāvīeva vā kadāci usabhagandhena gabbhaṃ gaṇhanti. Evaṃ gandhena gabbhaggahaṇaṃ hoti. Evaṃ aṭṭhahi kāraṇehi itthiyo gabbhaṃ gaṇhanti. Ettha ca pitusadisāyeva puttā honti, tasmā bhūridattādayo dhataratthaṃ nāgarājānaṃ paṭicca nāgāyeva honti. Caṇḍapajjotassa pana vicchikaṃ paṭicca manusso jāto, sambhavena ajātattā. Pitughātakepi eseva nayo.

Arahantaghātako pana amanussa arahantadevataṃ vā manussajātiyaṃ vā avasesaṃ ariyapuggalaṃ ghātetvā ānantariyo na hoti, pabbajjāpissa na vāritā, kammaṃ pana balavaṃ hoti. Tīracchāno pana amanussaarahantampi ghātetvā ānantariko na hoti, kammaṃ pana bhāriyaṃ

tiracchānagatattā panassa pabbajjā vāritā. Bhikkhunīdūsakasaṅghabhedakāni pākaṭāyeva.

Lohituppādako pana yo tathāgatassa abhejjakāyātāya parūpakkamena cammaṃ chinditvā lohitaṃ paggharituṃ na sakkoti, sarīrassa pana antoyeva ekasmiṃ ṭhāne lohitaṃ samosarati, āghātena patubbanamānaṃ sañcitaṃ hoti, tassa bahu apuññaṃ pasavati, ānantariko ca hoti, pabbajjāpissa vāritā, seyyathāpi devadatto. Yo pana jīvako viya rogavūpasamanatthaṃ phāletvā pūtimaṃsaṅca lohitaṅca nīharitvā phāsum karoti, ayaṃ lohituppādako na hoti, bahupuññaṃ pasavati brahmapuññaṃ pasavati, seyyathāpi jīvakkomārabhacco.

Ubbhatobyañjanako pana itthi-purisavasena duvidho tattha itthiubhatobyañjanakassa itthinimittaṃ pākaṭaṃ, purisanimittaṃ paṭicchannaṃ. Purisaubhatobyañjanakassa purisanimittaṃ pākaṭaṃ, itthinimittaṃ paṭicchannaṃ. Itthiubhatobyañjanakassa itthīsu purisattaṃ karontassa itthinimittaṃ paṭicchannaṃ hoti, purisanimittaṃ pākaṭaṃ hoti. Purisaubhatobyañjanakassa purisānaṃ itthibhāvaṃ upagacchantassa purisanimittaṃ paṭicchannaṃ hoti, itthinimittaṃ pākaṭaṃ. Itthiubhatobyañjanako sayāṅca gabbhaṃ gaṇhāti, paraṅca gaṇhāpeti. Purisa ubhato byañjanako pana sayāṃ na gaṇhāti, paraṃ gaṇhāpeti. Idameva tesāṃ nānākaraṇaṃ. Ubhatobyañjananti cettha “byañjananti nimittaṃ. Ubhato byañjanaṃ assa atthīti viggahena “ubhatobyañja”nti vakkhatha, ekassa dve indriyāni honti, atha ekamevāti. Ekameva na dve, “yassa itthindriyaṃ uppajjati, tassa purisindriyaṃ uppajjati no. Yassa vā pana purisindriyaṃ uppajjati, tassa itthindriyaṃ uppajjati noti ekasmiṃ santāne indriya dvayassa paṭisevitattā. Taṅca kho itthiubhatobyañjanakassa itthindriyaṃ, purisaubhatobyañjanakassa purisindriyamevāti. Yadi ekameva indriyaṃ, evaṃ ubhatobyañjanakabhāvo kathaṃ siyā. Indriyaṃ byañjanakāraṇanti vuttaṃ, taṅca tassa natthīti. Vuccate na itthindriyaṃ purisabyañjanassa kāraṇaṃ, tathā purisindriyampi itthibyañjanakassa, kasmā sadā abhāvato, tathā hi itthi ubhatobyañjanakassa yadā itthiyā rattaṃ hoti, tadā purisabyañjanaṃ pākaṭaṃ hoti, itthibyañjanaṃ paṭicchannaṃ tathā purisaubhatobyañjanakassapi. Yadi tesāṃ indriyadvayaṃ byañjanānaṃ kāraṇaṃ bhavēyya, sadā byañjana dvayaṃ ekato tiṭṭheyya na pana tiṭṭhati, tasmā ekameva indriyanti niṭṭhametthāva gantabbaṃ. Byañjanakāraṇaṃ indriyaṃ pahāya rāgacittamevettha byañjanadvayassa kāraṇanti daṭṭhabbaṃ, tasmā itthiubhatobyañjanako sayampi gabbhaṃ gaṇhāti, parampi gaṇhāpeti, purisaubhatobyañjanako paraṃ gaṇhāpeti, sayāṃ pana na gaṇhāti, itthindriyasamaṅgisseva gabbhasambhavato. Kurundiyaṃ pana “yadi paṭisandhiyaṃ purisaliṅgaṃ, pavatte itthiliṅgaṃ nibbattati, yadi paṭisandhiyaṃ itthiliṅgaṃ, pavatte purisaliṅgaṃ nibbati”ti paṭisandhiyaṃ liṅgasambhavo vutto, so ayuttova. Kasmā, pavattiyāyeva itthiliṅgādāni samuṭṭhahanti. Paṭisandhiyameva samuṭṭhāti, na liṅgādāni. Indriyameva liṅganti na sakkā vuttaṃ, indriyalīṅgānaṃ bhinnasabhāvattā, yathā ca bīje sati rukkho sambhavati, nāsati, evameva indriye sati liṅgādāni sambhavanti bījasadisāñhi indriyaṃ, rukkhasadisāni liṅgādāni evameva tesu puggalesu paṇḍakādayo ekādasapuggalā tasmīṃ yeva bhavē niyāmaṃ okkamituṃ na arahanti, tasmā abhabbā nāma. Ūnavāsati antimavatthuaññāpannapubbā dve upasampadāya avatthumattameva, upanissaye sati tasmīṃyeva bhavē niyāmaṃ okkamituṃ arahanti, tasmā bhabbānāma honti.

Vatthusampattikathā niṭṭhitā.

Ñattisampatti nāma.

“Sithilaṃ dhanitaṅca dīgharassaṃ, garukaṃ lahukaṅca niggahitaṃ;
Sambandhaṃ vavatthitaṃ vimuttaṃ, dasadhā byañjanabuddhiyā pabhedo”ti.

Evaṃ vuttaṃ dasavidhaṃ byañjanaṃ apekkhitvā vā evaṃ asakkontenāpi sithiladhanita vimuttaniggahitavasena vuttāni byañjanāni akopetvā vā duruttaṃ vā akatvā vuttaṃ ñattisampatti nāma. Ñattivipatti nāma sabbaso ñattiṃ aṭṭhapetvā vā vatthusaṅghapuggalañattīnaṃ aparāmasanāni pacchā ñattiṭṭhapanāñcāti ime tāva pañca ñattidosā. Tattha ayaṃ itthanāmoti upasampadāpekkhassa api akittanaṃ vatthuparāmasanaṃ nāma. Suñātu me bhante saṅghoti ettha suñātu me bhanteti vatvā saṅghoti abhaṇanaṃ saṅghaaparāmasanaṃ nāma. Itthannāmassa upasampadāpekkhoti upajjhāyassa akittanaṃ puggalaaparāmasanaṃ nāma. Sabbena sabbaṃ ñattiyā anuccāraṇaṃ ñattiaparāmasanaṃ nāma. Paṭhamaṃ kammavācaṃ niṭṭhāpetvā esā ñattīti vatvā khamati saṅghassāti evaṃ ñatti kittanaṃ

pacchā ñattiṭṭhapanam nāma. Iti ime pañca ñattidosā ñattivipatti nāma. Imehi dosehi vimuttāya ñattiyā sampannam ñattisampatti nāma.

Ñattisampattikathā niṭṭhitā.

Anusāvanasampatti nāma vatthu saṅghapuggalānam aparāmasanāni, sāvanāya hāpanam, akāle sāvananti ime pañca anusāvanadose vajjetvā kathanam anusāvanasampatti nāma. Tattha vatthādīnam aparāmasanāni ñattiyam vuttasadisāneva. Tīsu pana anusāvanāsu yattha kathaci etesam aparāmasanam aparāmasanameva. Sabbena sabbam pana kammavācam avatvā catukkhattum ñattikittanameva vā kammavācabbhantarepi cattāri byañjanāni kopetvā vā akkharassa vā padassa vā duruccāraṇam vā katvā sāvanam sāvanāya hāpanam nāma, tathā hi sithiladhanitavimuttaniggahitavasena cattāri byañjanāni antokammavācāya kammam kopenti. Tattha “suṇātu me ti sithile vattabbe suṇātu me”ti vacanam sithile dhanitam nāma. “Bhante”ti vattabbe bhanteti vacanam dhanite sithilam nāma. “Suṇātu esā ñattī”ti vattabbe “suṇantu esam ñattī”ti vacanam vimutte niggahitam nāma. “Pattakalla”nti vattabbe “pattakallā”ti vacanam niggahite vimuttam nāma. Evaṃ imāni cattāri byañjanāni antokammavācāya kammam dūsentī. Imāni cattāri akopetvā vadantenāpi aññasmiṃ akkhare vattabbe aññaṃ akkharam vadanto duruttam karoti nāma. Itaresu dīgharassādīsu chasu ṭhānesu dīghaṭṭhāne dīgham, rassatṭhāne rassamevāti evaṃ yathāṭṭhāne tam tadeva akkharam bhāsantena anukkamāgataṃ paveṇiṃ avināsetvā kammavācā kātabbā. Sace pana evaṃ akatvā dīghe vattabbe rassam, rasse vattabbe dīgham vadati, tathā garuke vattabbe lahukam, lahuke vattabbe garukam vadati. Sambandhe vā vattabbe vavatthitam, vavatthite vā vattabbe sambandham vadati, evampi kammavācā na kuppāti. Imāni cha byañjanāni kammam na kopenti. Idameva ācariyānam samānakathā. Apare pana idāni byañjanāni antokammavācāya kammam dūsentīti vadanti, evaṃ satī anupasampannāva bahutarā bhavēyyum, vīmaṃsitvā pana gahetabbam. Suṭṭhutarā vā kammavācā sikkhitabbā. Sāvanāya anokāse paṭhamam ñattim aṭṭhapetvā anusāvanam akāle sāvanam nāma. Iti imehi dosehi vimuttāya anusāvanāya sampannam anusāvanasampattisampannam nāma. Yadi pattacīvararहितam puggalam upasampādeti, “paripuṇṇassa pattacīvara”nti anusāvanāya katattā kammakopo na hoti, kārakasaṅgho pana sātīsāro tenevāha vimativinodaniyampi pattacīvarānam abhāvepi’paripuṇṇassa pattacīvara’nti kammavācāya sāvītattā kammakopam avatvā dukkaṭameva vuttanti. Sace anupajjhāyako upasampādeti, “itthannāmassa upasampadāpekkho, itthannāmena upajjhāyenā”ti vā upajjhāyam sāveti, sūpasampannova hoti. Upajjhāyam na sāveti nupasampanno. Vakkhati hi vimativinodaniyam “kammam na kuppātīti idam upajjhāyābhāvepi itthannāmassa upasampadāpekkho itthannāmena upajjhāyenā”ti matassa vā vibbhamantassa vā purāṇaupajjhāyassa vā yassa kassaci avijjamānassāpi nāmena sabbattha upajjhāyakittanassa katattā vuttam. Yadi hi upajjhāyakittanam na kareyya, puggalam na parāmasatī’ti vuttakammavipattieva siyā, teneva pāliyam “anupajjhāyakanti vutta”nti. Sace saṅghupajjhāyena gaṇupajjhāyena upasampādeti, kārakasaṅgho sātīsāro, kammam pana na kuppāti, vakkhati hi vimativinodaniyam “saṅghena upajjhāyenā”ti ayam itthannāmo saṅghassa upasampadāpekkho, itthannāmo saṅgham upasampadam yāceti. Saṅghena upajjhāyenā”ti evaṃ kammavācāya saṅghameva upajjhāyam kittetvāti attho. Evaṃ gaṇena upajjhāyenā’ti etthāpi ayam itthannāmogassa upasampadāpekkho’ti ādinā yojanā veditabbā. Evaṃ vuttepi kammam na kuppāti eva, dukkaṭasseva vuttattā, aññathā so ca puggalo anupasampannoti vadeyyā’ti. Sace paṇḍakādīnā anupasampannakena upajjhāyena upasampādeti, te vajjetvā pañcavaggādigaṇo hatthapāsam avijahitvā pūrati, kammam na kuppāti, kārakasaṅgho pana sātīsāro tena vuttam vimativinodaniyam “paṇḍakādīhi upajjhāyehi kariyamānesu paṇḍakādīkena vināva pañcavaggādigaṇo pūrati, kammam na kuppāti. Itarathā kuppātī”ti. Sace cattāro ācariyā ekato anusāventi, ettha pana kathantī vuccate, sabbaaṭṭhakathāsu dvīhi vā tīhi vā ācariyehi visum visum ekena ekassatī ekappahārenea dve tisso vā kammavācā kātabbā. Sace pana nānācariyā nānupajjhāyā hontī, tissatthero sumanattherassa saddhivihārikam, sumanatthero tissattherassa saddhivihārikam anusāveti, gaṇapūrakā hontī vaṭṭati. Sace pana nānupajjhāyā hontī, eko ācariyo hoti, natveva’nānupajjhāyenā’ti paṭikkhittattā na vaṭṭatīti ettakameva vuttam. Catunnam pana janānam vicāraṇakathāya nāpi kammavipattichāyā dissati, tathāpi na kattabbameva, sabbaaṭṭhakathāsu avicāritattā. Sace vatthālaṅkāradīsaḥitaparūḥakesamassum upasampādeti, sūpasampannova hoti, pacchā kesamassum ohāretvā kāsāyāni vatthāni acchādetum vaṭṭati terasavatthuvimuttattā sampatti yevetthapamāṇattā ca.

Anusāvanasampattikathā niṭṭhitā.

Idāni sīmavisodhaniṃ nāma, nānāganthasamāhanti imissā gāthāya saṃvaṇṇanākkamo anuppatto.

Paññāva sabbañeyyesu, dayā yassa mahesino;
Anantesupi sattesu, pavattittha yathārucci.

Tāya ussāhito satthā, bhikkhūnaṃ hitakāraṇaṃ;
Yaṃ sīmaṃ anujānāti, tattha pañho pavattati.

Dveḷhakā saṃsayā honti, dese sabbattha bhikkhavo;
Ganthāpi visamā honti, attanomatikāraṇā.

Yadi me īdisaṃ vādaṃ, sutvāvupekkhako bhava;
Pabbajjā nipphalā mayhaṃ, vare sambuddhasāsane;
Gambhīro nipuṇo attho, sabbaññujinagocaro.

Sāriputto mahāpañño, therassapi avisayo;
Kathaṃ tvaṃ sakkuṇeyyāsi, sabbaññujinagocare;
Iti me upavadeyyuṃ, dharateva mahāmuni.

Pāliphullo mahāsālo, ucco merunagūpamo;
Parinibbānakālamhi, sambuddho iccamabravi.

Mā tvaṃ ānanda rodasi, mā tvaṃ ānanda socasi;
Ahamekova nibbāyi, dharanteva bahū buddhā.

Sambuddhā caturāsīti, saḥassāni imāni te;
Ovadissanti tvaṃ bhikkhu, katapuññosi hohisi.

Vare sātṭhakathe pāli, ṭhite sabbaññugocare;
Nibbutopi sambuddho, asuñño va pajaṃ imaṃ.

Evāhaṃ cintayitvāna, rattidivaṃ atandito;
Dharanteveva sambuddhe, bhinnavādo avisayo.

Taṃ vādaṃ bhindayitvāna, jahitvā vattanomaṭṭhiṃ;
Vissajjissamaḥaṃ dāni, ciraṃ saddhammasuddhiyāti.

Tattha sīmavisodhani'nti sīmavipattijhanaṃ sīmavipattiṃ pahāya sampattilakkhaṇappakāsakaṃ pakaraṇaṃ karissanti attho. Tattha sīmāti pannarasavidhā sīmā. Katame pannarasa. Khaṇḍasīmā, upacārasīmā, samānasaṃvāsasīmā, avippavāsasīmā, lābhasīmā, gāmasīmā, nigamasīmā, nagarasīmā, abbhantarāsīmā, udakukkhepasīmā, janapadasīmā, raṭṭhasīmā, rajjasīmā, dīpasīmā, cakkavālasīmā'ti. Tattha khaṇḍasīmā nāma pabbajjupasampadādīnaṃ saṅghakammānaṃ sukhakaraṇatthaṃ mahāsīmāya vā gāmakhette vā khaṇḍitvā paricchinditvā sammatā. Tassāvithhāro "paṭhamamā nimittā kittetabbā"ti ādinā dvāsattatippabhedāya samantapāsādikāya vinayaṭṭhakathāya mahāvagge vutto, idha vuttopi tatheva vutto bhavēya, tasmā na vakkhāma, duviññeyyaṭṭhānameva kiñciṭṭhānaṃ nīharitvā pākaṭṭhaṃ karissāma. Tattha sace pana heṭṭhā uparimassa sīmāparicchadassa parato anto leṇaṃ hoti, bahi sīmā na otarati. Athāpi uparimassa sīmāparicchadassa orato bahi leṇaṃ hoti, antosīmā na otarati ime dve ekatthā byañjanaṃ eva nānaṃ. Ayañhetthathouparimassa sīmāparicchadassa orimabhāgato heṭṭhā pabbatapāde umaṅgasaṅṭhānena pabbatapasse vijjhātvā leṇaṃ hoti, sīmāparicchadassa parato leṇe ca leṇassa bahibhūte heṭṭhā pabbate ca bhūmibhāge sīmā na otarati, leṇassa upariyeva sīmā hotīti. Tassa

uparimassa sīmāparicchedassa orimabhāgato bahibhūte heṭṭhā pabbatapāde umaṅgasaṅghānena vijjhivā pabbatapasse leṇaṃ athāpi hoti, leṇe ca leṇassa parabhūte heṭṭhā pabbate ca bhūmibhāge sīmā na otarati, leṇassa uparibhāge va sīmā hotīti. Esā ca vicāraṇā vimativinodaniyampi katā. Anto ti pabbatassa anto, pabbatamūleti attho. Tameva antosaddaṃ sīmāparicchedena visesetum “uparimassa sīmāparicchedassa parato”ti vuttaṃ. Pabbatapādaṃ pana apekkhitvā “orato”ti vattabbepi sīmānissayaṃ pabbataggaṃ sandhāya “parato”ti vuttanti daṭṭhabbaṃ teneva bahileṇanti ettha bahisaddaṃ visesento “uparimassa sīmāparicchedassa orato”ti āha. Bahi sīmā na otaratīti ettha bahi ti pabbatapādeleṇaṃ sandhāya vuttaṃ. Leṇassa bahibhūte upari sīmāparicchedassa heṭṭhābhāge sīmā na otaratīti attho. Antosīmāti leṇassa ca pabbatapādassa ca anto attano otaraṇārahaṭṭhāne na otaratīti attho. Bahi sīmā na otaratīti attho, sīmā na otaratī ti cettha attano otaraṇārahaṭṭhāne leṇabhāvena sīmā sabbathā “anotaraṇameva dassitanti gahetabbaṃ. Tattha pi anotaraṇanti uparieva sīmā hotī”ti vimativinodanī. Keci pana veḷusuro viya susirameva leṇanti vadanti, taṃ ayuttaṃ.

Upacārasīmā nāma gāmāraññanigamādivasā yāva brahmalokā tesam tesam sattānaṃ nivāsagehassa vā devavimānakapparukkhādīnaṃ vā upacārārahaṭṭhānameva upacārasīmā te idha nādhippetā, bhikkhūnaṃ avisayatāya. Yaṃ pana padesaṃ paricchinditvā pariveṇaṃ katvā pākārādi-parikkhittaṃ vā katvā aparikkhittepi upacārārahaṭṭhānaṃ paricchinditvā vā yasmim padese bhikkhū vasanti, ayameva upacārasīmāti adhippetā. Bhikkhūnaṃ vassūpagamanakathinatthārakaraṇaṭṭhānattā, tathā hi “kathinatthatasīmāya”nti upacārasīmāṃ sandhāya vuttaṃ, khandhasīmāya tatrappādābhāvatoti tisupi gaṅghipadesu vuttaṃ. Tatrappādenā bhatanti vihārasantakena khettavatthuādīnā ābhaṭaṃ kiñci saṅghikaṃ cīvaraṃ uppajjati, taṃ tesam kathinatthārakabhikkhūnaṃ yeva bhavissatīti yojanā kātabbā. Khettavatthuādīnā ti ettha ādisaddena matakacīvaraṃ vā hotu saṅghaṃ uddissa dīnaṃ vā saṅghikena vā ti mahāaṭṭhakathāyaṃ vuttaṃ. Tasmim upacārasīme pavattacīvaraṃ sabbam saṅgaṇhāti, teneva “tena kho pana samayena aññatarena upāsakena saṅghaṃ uddissa vihāro kārito hoti, so tassa vihārassa kate ubhatosaṅghassa akālacīvaraṃ dātukāmo hoti. Tena kho pana samayena ubhatosaṅghassa kathinaṃ atthataṃ hoti. Atha kho so upāsako saṅghaṃ upasaṅkamitvā kathinuddhāraṃ yācī”ti imasmim vatthusmim ānisaṃsapasambhanatthaṃ kathinuddhāraṃ bhagavatā paññattaṃ, teneva thullanandā bhikkhunī ānisaṃsaṃ appaṭippasambhenta cīvaraṃ amhākaṃ bhavissatīti kathinuddhāraṃ paṭibāhi, tasmā kathinatthatasīmāyaṃ anuddhaṭe kathine yāva phagguṇapuṇṇamā pañca māsā etthantare matakacīvaraṃ vā hotu cātuddisaṃ saṅghaṃ uddissa matānaṃ ñātijānaṃ vā, bhikkhāpaññattiyā vā vihāramahādīkiccena vā yenakenaci ākārena saṅghikaṃ cīvaraṃ dīnaṃ hoti, taṃ sabbam tesam kathinatthārakabhikkhūnaṃyeva hoti. Chinnavassānaṃ vā pacchimikāya upagatānaṃ vā tattha sampattānaṃ sīmaṭṭhakabhikkhūnaṃ vā na hoti. Ajānitvā ce gaṅhanti dātābbameva. Yadi taṃ cīvaraṃ taṇḍulādīkhādanīyabhojanaṃ karoti, itaresampi hotiyeva. Kasmāti ce ānisaṃsa vigatattā. Teneva gaṇapūraṇavasena sampattānaṃ chinnaṃ vassānaṃ vā pacchimikāya upagatānaṃ vā aññasmim vihāre vutthavassanaṃ vā khādanīyabhojanīyādīni pāpuṇanti. Kathinatthatasātakassa dānakammavācā pana khaṇḍasīmāyameva vaṭṭasi. Tasmim vihāre asati aññavihāre baddhasīmāya vā udakukkhepasīmādīsu vā kātabbameva.

Kasmāti ce, tasmim vihāre purimikāya upagatā kathinatthārakusalā na honti. Atthārakusalā khandhakabhāṇakatherā pariyesitvā ānetabbā. Kammavācaṃ sāvetvā kathinaṃ attharāpetvā dānañca bhujjivā gamissanti, ānisaṃso pana itaresaṃ vahotīti. Aññasīmaṭṭhakabhikkhūnaṃ kammavāca sāvanassa aṭṭhakathāyaṃ vuttattā. Chinnavassāvā pacchimikāya upagatā vā aññasmim vihāre vutthavassāpi vā purimikāya upagatānaṃ gaṇapūraṇamattameva labhanti, ānisaṃso itaresaṃyeva hoti. Sacepi te chinnavassādayo anumodenti, binno kathinatthāro, idaṃ aṭṭhakathāyaṃ vicāritaṃ. Apare pana “kathinatthatasīmanti upacārasīmāṃ sandhāya vutta”nti vuttattā upacārasīmāyameva kathinanatthāraka ñattim karonti, taṃ ayuttaṃ, sodhetum dukkarattā. Tathā hi upacārasīmāyameva pavīṭṭhagāmasīmāyaṃ tattha otiṇṇe bhikkhū tattha pāsānayaṃ vā bahisīmākaraṇaṃ vā ko sakkhissati. “Kathinatthatasīmāya”nti imināpipadena kathinatthatabhāvoyeva vutto, na kathinatthatasātakassa dānakammavācā, sā ca vicāraṇā kammacatukkena dīpetabbā. Tattha apalokanakammaṃ ñattikammaṃ ñattidutiyakammaṃ ñatticatutthakammanti. Tattha apalokanakammaṃ nāma sīmaṭṭhakasaṅghaṃ sodhetvā chandārahānaṃ chandaṃ āharitvā samaggassa saṅghassa anumatiyā saṅghaṃ kittetvā “ruccati saṅghassā”ti tikkhuttum anusāvetvā kattabbaṃ vuccati. Ñattikammaṃ nāma vuttanayeneva samaggassa saṅghassa anumatiyā ekāya

ñattiyā kattabbaṃ kammaṃ. Ñattidutiyakammaṃ nāma vuttanayeneva samaggassa saṅghassa anumatiyā ekāya ñattiyā ekāya ca anusāvanāyāti evaṃ ñattidutiyāya anusāvanāya kattabbaṃ kammaṃ. Ñatticatutthakammaṃ nāma vuttanayeneva samaggassa saṅghassa anumatiyā ekāya ñattiyā tīhi ca anusāvanāhīti evaṃ ñatticatutthāhi tīhi anusāvanāhi kattabbaṃ kammaṃ. Tattha apalokanakammaṃ phalabhājanakālādīsu lahukakammeveva labbhati. Kathinatthatasātakadānepi anattateveva kathine tato bahuānisamsacīvarasātakam labhitvā teneva sātakena attharittabā, puna kammavācāya dānakiccaṃ natthi apalokanakammaṃ saṅghassa anumatiyā dātabbaṃ. Kathinatthatasātakadānakammavācā ekā ce vaṭṭati. Puna kamma vācāyakkiccaṃ natthi. Ñattikammaṃ pana dhammasaṅgāhakakāle mahākassapattherādīhi attanāva attānaṃ sammannanakāle lahukakammeveva labbhati. Ñattidutiyakammaṃ pana sīmāsammuti, sīmāsamūhanaṃ, kathinadānaṃ, kathinuddhāro, kuṭivattthudesanā, vihāravattthudesanāti imāni cha garukammāni apaloketvā kātuṃ na vaṭṭati. Ñattidutiyakammavācaṃ sāvetvāva kātābbaṃ. Ito paresu cīvaravippavāsasammutiādīsu ñattidutiyakammesu apaloketvāpi kātābbaṃ, lahukakammattā. Ñatticatutthakammaṃ pana idāni upasampadākammaṃ idāni cattāri kammāni baddhasīmāya vā, tasmim asati udakukkhepasīmāya vā sodhetuṃ asakkonte sati abaddhasīmāya vā kātābbaṃ. Apare evaṃ vadanti “kuṭivattthukāravihāravattthukārakāle tāni kuṭivihāravattthūni katham sīmattthā kātuṃ sakkhissanti, tasmā tattha tattheva kuṭivihāraranaṭṭhāneyeva kātābba”nti, tam tesam vacanamattameva, na sārato paccetabbaṃ. Vattthuparāmasanamevettha pamānaṃ, tathā hi saṅghakuṭivattthum olokentaṃ yācatityādīnā vattthuparāmasanaṃ katvā heṭṭhā vattthūntidose ca vipatti lakkhaṇe ca vajjetvā ñattidutiyakammaṃ sammatābhikkhūhi tattha kuṭivihāraṭṭhānaṃ gantvā oloketabbaṃ teneva pāliyaṃ “tehi sammatehi bhikkhūhi tattha gantvā kuṭivatttho oloketabba”nti vuttam. Aññāthā pattacīvaravirahitaṃ puggalaṃ vā anupajjhāyakaṃ vā katvā upasampadentehi “paripuṇṇassa pattacīvara”nti vā “itthannāmassa upasampadāpekkho, itthannāmena upajjhāyenā”ti kammavācāya sāvitepi kammaṃ asijjhanaṃ bhavye. Apare evaṃ vadanti “sīmāsammutikāle pana kataṃ, tathā hi sīmāsammutikāle bhikkhū tasmim yeva ṭhāne ṭhatvā kammavācaṃ sāventi, tasmimpi ṭhāne abaddhasīmāva hoti. Yadi baddhasīmā bhavye, sīmajjhotttharaṇaṃ vā sīmasambhedo vā siyā”ti. Saccam, tathāpi tam sīmāsammutiṭṭhānaṃ bhujissaṃ katvā sīmasammutikammassakatattā visumgāme sammatānaṃ bhikkhūnaṃ gāmasīme ṭhitā bhikkhū kammaṃ kopetuṃ na sakkonti. Yadi sīmasammutiṭṭhānaṃ bhujissaṃ katvāva sīmaṃ sammanneyya, katham bhagavato dharamānakāle chabbaggiyā bhikkhu yathāsukham sīmaṃ sammannissantīti na panevaṃ daṭṭhabbaṃ tathā hi vāsākhā migāramātāpi navakoṭṭhi bhūmim gaṇhitvā pubbārāmaṃ nāma mahā vihāraṃ kāresi, tathā anāthapiṇḍiko kahāpaṇasanthatena jetassa rājakumārassa uyyānaṭṭhānaṃ kiṇāpetvā gaṇhitvā jetavanaṃ nāma mahāvihāraṃ kāresi evaṃ puññakāmā parivenaṃ katvā vihāraṃ karonti tasmā chabbaggiyā bhikkhū yathāsukham sīmaṃ bandhantīti daṭṭhabbanti. Ayaṃ upacārasīmāya vicāraṇā.

Samānasamvāsasīmā nāma diṭṭhisīlasāmaññasaṅghātasāṅkhātehi bhikkhugaṇehi uposathādisaṅghakammaṃ samānaṃ ekībhāvaṃ hutvā vasituṃ sammatā sīmā. Avippavāsasīmā nāma ticīvarena vippavasituṃ sammatā sīmā, etā dvesīmā tiyojanaparamatāyapi sambhavato mahāsīmā tipi nāmaṃ labhanti, tāsam vicāraṇā mahāattthakathāyaṃ sabbaso paripuṇṇam katvā vuttā, tasmā idha na vakkhāma vuccamānampi avisesetvā vuttam bhavye, tasmā na vakkhāma.

Lābhasīmā nāma yaṃ gāmaṃ vā nigamaṃ vā pokkharāṇītaḷākavanādikaṃ vā yaṃ yaṃ padesaṃ saṅghassa catuccappayattthāya rājarājamahāmatttehi paricchinditvā ṭhapitā, esā lābhasīmā nāma. Neva sammāsambuddhena anuññātā, na dhammasaṅgahakatttherehi ṭhapitā, api ca kho lābhadāyakehi ṭhapitāva. Mātikāṭṭhakathāya līnatthappakāsaniyampi lābhasīmāti yaṃ rājarājamahāmattādāyo vihāraṃ kāretvā gāvutaṃ vā aḍḍhayaṇaṃ vā yojanaṃ vā samantā paricchinditvā “ayaṃ amhākaṃ vihārassa lābhasīmā, yaṃ etthantare uppajjati, tam sabbaṃ amhākaṃ vihārassa demā”ti ṭhapenti, ayaṃ lābhasīmā nāmā”ti vuttam. Imasmim lābhasīmādhikāre rañño mahācetiyaḍāyakassa divaṅgatakālato ekasmim samvacchare atīte tassa jeṭṭhaputtassa dhammarañño kāle īdisaṃ puññaṃ bhūtapubbaṃ. Yadi hi rājarājamahāmattādīsu yo koci yassa vihārassa yāni taḷākakhattavattthādīni datvā tam sahitavihāraṃ puggalassa deti, evaṃ sati kiṃ tassa puggalassa tam sahitavihāraṃ puggalikabhāvena paṭiggahetuṃ vaṭṭati, udāhu saṅghikabhāvenevāti taḷākakhattavattthādivirahito pana kevalo puggalikavihāro aññesaṃ dammīti adatvā puggale mate saṅghiko hoti, udāhu puggalikoyevāti. Tatrāyaṃ vissajjanā, yadi hi rājarājamahāmattādīsu yokoci

vihārassa taḷākakhattavathādīni deti, evaṃ sati paṭikkhipitum na vaṭṭatīdaṭṭhabbam tena vuttam vinayaṭṭhakathāyaṃ “imaṃ taḷākam, imaṃ khettaṃ, imaṃ vatthum vihārassa demāti vutte paṭikkhipitum na labbhatī”ti. “Pāsādassa dāsīm, dāsam, khettaṃ, vatthum, gomahimsam demāti vadanti, pāṭekkam gahaṇakiccam natthi, pāsāde paṭiggahite paṭiggahitameva hotī”ti ca. Vinayavinicchayapakaraṇe ca.

“Khattavattuthaḷākam vā, dema goajikādikam;
Vihārassāti vuttepi, nisedhetum na vaṭṭatī”ti.

Khuddasikkhāpakaraṇe ca “khattādīni vihārassa, vutte dammīti vaṭṭatī”ti vuttam. “Vihārassa demā”ti cetha saṅghikavihārasseva, na puggalikavihārassāti daṭṭhabbam, tathā hi vuttam vimativinodaniyam vihārassa demāti saṅghikavihāram sandhāya vuttanti. “Pāsādassā”ti ca sāmāññena vuttepi “tena kho pana samayena visākhā migāramātā saṅghassa atthāya sālindam pāsadam kārapetukāmo hoti hatthinakhaka”nti imasmim vatthusmim pāsādaparibhogassa anuññātattā saṅghikameva pāsadam sandhāya vuttanti viññāyati tathā hi vuttam vimativinodaniyam sabbam pāsādaparibhoga’nti. Pāḷiyā aṭṭhakathāya vaṇṇanādhikāre “suvaṇṇarajatādivicitrānī”tiādi saṅghikasenāsanam sandhāya vuttam. Puggalikam pana suvaṇṇādivicitraṃ bhikkhussa sampācchitumeva na vaṭṭati, “na kenaci pariyāyena jātarūpajataṃ sādīyitabba”nti vuttattā, tenevettha aṭṭhakathāyaṃ saṅghikavihāre vā puggalikavihāre vāti na vutta’nti. “Bhikkhūnam dhammavinayavaṇṇanaṭṭhāne”ti vuttattā saṅghikameva suvaṇṇādimayam senāsanam senāsanaparikkhārā ca vaṭṭanti, na puggalikānīti gahetabbanti ca, tasmā taḷākakhattavathādisahitavihāro saṅghikoyeva hoti, na puggalikoti vinayakovidehi daṭṭhabbo. Sace pana rājarājamahāmatādīsu yokoci taḷākakhattavathādisahitam vihāram puggalassa tam sahitavihārabhāvamārocetvā deti, evaṃ sati puggalassa saṅghikavihārabhāveneva paṭiggahetum vaṭṭati, na puggalikavihārabhāvenāti daṭṭhabbam. “Kasmā, vihārassa demā”ti vatvā dinnānam taḷākakhattavathādīnam saṅghasseva vaṭṭamānattā. Tenevāha vimativinodaniyam “vihārassa demāti vuttam saṅghassa vaṭṭati, na puggalassa, khattādi viya daṭṭhabba”nti. Tatrāyam yojanā vihārassādemāti vatvā dinnam khattādi saṅghassa vaṭṭati, na puggalassa, evaṃ vihārassa demāti vuttam suvaṇṇādivicittam akappiyamañcam saṅghassa vaṭṭati, na puggalassāti daṭṭhabbanti. Saṅghasseva kappiyavohārena khattādīni paṭiggahetum vaṭṭati, tathā hi vuttam vimativinodaniyam “cattāropaccaye paribhuñjatūti deti vaṭṭatītietha bhikkhusaṅghassa catupaccayaparibhogatthāya taḷākam dammīti vā bhikkhusaṅgho cattāro paccaye paribhuñjitum taḷākam dammīti vā ito taḷākato uppanne cattāro paccaye dammīti vā vuttampi vaṭṭati. Idañca saṅghassa diyyamānaññeva sandhāya vuttam, puggalassa pana evampi dinnam taḷākakhattādi na vaṭṭati. Suddhacittassa pana udakaparibhogattham kūpapokkharanīdayo vaṭṭanti. Saṅghassataḷākamaṭṭhi, tamkathantiādināhisabbattha saṅghassavaseneva vuttanti. “Khattādayo pana sabbesaṅghasseva vaṭṭanti, pāḷiyam puggalikavasena gahetum ananuññātattāti daṭṭhabba”nti ca. Puggalassa pana puggalānañca khattavathādīni kappiyavohārenāpi paṭiggahetum na vaṭṭati. Evañcakatvā vimativinodaniyam “khattavathādīnīpi kappiyavohārenāpi puggalānam gahetum na vaṭṭati, tathā anuññātattāti viññāyati khattavathupaṭiggahaṇā paṭivirato hotī”ti ādinā hi paṭikkhittāsu ekasseva puggalikavasena gahaṇe ananuññāte taditarānam tathāgahetabbatā siddhāva hotī”ti vuttam, tasmā taḷākakhattavathādisahitassa vihārassa saṅghikabhāveneva paṭiggahetabbatā siddhā hotīti daṭṭhabbā. Ayam paṭhamapañhe vissajjanā.

Taḷākakhattavathādivirahitam pana vihāram puggalikabhāvenāpi paṭiggahetum vaṭṭati. So ca vihāro tasmim puggale jīvante puggaliko hoti. Aññesaṃ dammīti adatvā mate avissajjanīyo avebhaṅgiyo, saṅghikoyeva hotīti daṭṭhabbo. Yathāha, bhikkhussa bhikkhave kālaṅkate saṅgho sāmi pattacīvare. Api ca gilānupaṭṭhākā bahūpakārā, anujānāmi bhikkhave saṅghena ticīvarañca gilānupaṭṭhākānam dātum. Yam tattha lahubhaṇḍam lahuparikkhāram, tam sammukhībhūtena saṅghena bhājetabbam. Yam tattha garubhaṇḍamgaruparikkhāram tam āgatānāgatassa cātuddisassa saṅghassa avissajjiyam avebhaṅgiyanti. Vinayaṭṭhakathāyañca “tasmim jīvante puggaliko, mate saṅghikoyevāti aññesaṃ adatvā ṭhapitaparikkhārāpi tattha saṅghasseva honti. Dvinnam santakam hoti avibhattam, ekasmim kālaṅkate itaro sāmi. Bahūnam santakepi eseva nayo, sabbesu matesu saṅghikam hotī”ti vuttam.

Ettha ca yaṃ tattha garubhaṇḍa'nti ādisu garubhaṇḍaṃ nāma rāsivasena pañcavidhaṃ, sarūpavasena pana pañcavīsatividhaṃ hoti, tasmā matakasantakabhūtassāpi vihārassa garubhaṇḍabhāvo veditabbo, tenāha aṭṭhakathāyaṃ “yaṃ tattha lahubhaṇḍaṃ yaṃ tattha garubhaṇḍa'nti.

Iti pañcahi rāsīhi, pañcanimmalalocano;
Pañcavīsavidhaṃ nātho, garubhaṇḍaṃ pakāsāyīti.

Ettha vihārassa garubhaṇḍabhāvo veditabbo. Ayaṃ dutiyapañhe vissajjanā.

Ayaṃ haṃsāvatiyā pāmokkhamahātherānaṃ vissajjanā. Rāmaññaraṭṭhavāsino pana mahātherā puggalikabhāvenāpi paṭiggahetabbamevāti vadanti, tathā jaṃmāyaraṭṭhavāsino mahātherā, tathā sūnāparantaraṭṭhavāsino mahātherā tathā isinagaravāsino mahātherā puggalikabhāvena paṭiggahaṇe doso natthi'ti vadanti tesam mahātherānaṃ ayamadhippāyo lābhasīmānāmesā neva sammāsambuddhena anuññātā. Na dhammasaṅgāhakattherehipi ṭhapitā. Api ca kho puññatthikehi lābhadāyakehi ṭhapitā tasmā puññatthikā rājarājamahāmattādayo vihāraṃ kārāpetvā tassa vihārassa lābhatthāya padesaṃ paricchinditvā ṭhapenti “yaṃ etthantare uppajjati, taṃ sabbaṃ amhākaṃ vihārassa demā'ti. Taṃ pana vihāraṃ attano rucitassa yassakassaci puggalassa “imaṃ vihāraṃ tuyhaṃ dammi, tava vihāro hotū'tivā attano ruciya deti sopi puggalo “anujānāmi bhikkhave pañcaleṇāni vihāra'nti ādinā anuññātavihārameva paṭiggaṇhāti, bhagavato anuññātavihāramattasseva paṭiggahitattāti. Tasmim vihare khattavattadhāni atthīti ce. “Khattavattupaṭiggahaṇā paṭivirato hoti'ti ādinā yaṃ khattādivattupaṭiggahaṇaṃ paṭikkhittaṃ, tassa khattādivattussa appaṭiggahitattā vihāramattameva hi paṭiggahite tappaṭibaddhā khattādivattusmim uppannacīvara piṇḍapātagilānapaccayabhesajjaparikkhārāpi tasseva puggalassa kappiyabhāveneva pavattanti, puggalassa paṭiggahaṇe vā paribhutte vā doso natthi, bhagavatā eva anuññātassa kappiyapaccayassa paribhuñjitattā. Suttaṃ āharāti ce, “anujānāmi bhikkhave sabbaṃ pāsādaparibhoga'nti. Nanu ca visākhā migāramātā saṅghasseva atthāya sālindaṃ pāsādaṃ hatthinakhakanti. Saccam, tathāpi puggalo saṅghapariyāpanno saṅghassa pāsādaparibhoge anuññāte tadantogadhassapi puggalassa anuññātameva hoti. Aññathā puggale antovihāre nisinnoyeva saṅgho tasmim yeva vihārasīme kammaṃ karontopi kammakopo na bhavēyya, avaggārahattāti vakkhati ca sārattadīpaniyam “anujānāmi bhikkhave sabbaṃ pāsādaparibhoga'nti vacanato puggalikepi senāsane se nāsanaparibhogavasena niyamitaṃ suvaṇṇaghaṭṭadikam paribhuñjituṃ vaṭṭamānampi kevalam attano santakam katvā paribhuñjituṃ na vaṭṭati'ti, imināpi vacanena puggalikavihārassapi sabbakappiyabhāvo viññāyati “anujānāmi bhikkhave sabbaṃ pāsādaparibhoga'nti nāpakassa dassanato. Suvaṇṇaghaṭṭadikanti ettha ādisaddo mariyādattho, pakārattho vā, tena rajatahārakūṭa-jātiphalikādīni akappiyaghaṭṭāni suvaṇṇarajatahārakūṭa jātiphalikādibhājanasaravādīni ca senāsanaparikkhārāni saṅgaṇhāti, tāni bhikkhussa parikkhārabhāvena na vaṭṭanti tathā dāsīdāsagomahiṃsāpi, tathā khattādivattumpi bhikkhussa attano santakabhāvena paṭiggahetuṃ na vaṭṭanti, vihārassa pana paṭisedhetabbaṃ natthi, sabbasaddassa dassanato tenevāha samantapāsādikāya vinayaṭṭhakathāya “senāsane pana dvārakavāṭa vātapānakavāṭādīsu sabbaṃ ratanamayampi vaṇṇamaṭṭhakammaṃ vaṭṭati. Senāsane kiñci paṭisedhetabbaṃ natthi aññatra viruddhasenāsanā'ti, iminā ṭhapetvā'gāmañca gāmūpacārañcā'ti ettha viruddhasenāsanam ṭhapetvā sabbakappiyākappiyam vihārassa kappati, kiñciappamattakampi paṭisedhetabbaṃ nāma natthīti viññāyati, tenevāha vinayavinicchaye.

“Khattavattu taḷākamvā, dema goajikādikam;
Vihārassāti vuttepi, nisedhetuṃ na vaṭṭati'ti.

Nanuca vihārassa demāti saṅghikavihāraṃ sandhāya vuttanti vimativinodaniyam vuttanti. Vuttaṃ ettha hi ācariyassaadhippāyena bhavitabbaṃ “khattavattādīnipuggalikavihārassa demā'ti vutte “na kappati upāsakā'ti paṭikkhipitabbaṃ. Kasmā puggalo tassa vihārassa sāmī, vihārassa dinne puggalassa dinnameva hoti, evam sati ca “khattavattupaṭiggahaṇā paṭivirato hoti'ti ādinā vuttasikkhāpadena kāretabbaṃ āpajjati. Saṅghikavihārassa pana na paṭikkhipitabbaṃ. Kasmā so puggalo tassa saṅghikavihārassa anissaro. Cātuddisaṃ saṅgham uddissa dinnam yaṃkiñci khuddakam vā mahantaṃ vā padesaṃ acchinditvā gaṇhantassapi pārājiko na hoti, sabbasseva

cātuddisikassa saṅghassa dhuranikkhepassa asambhavato tasmā saṅghikavihārassa dinne paṭikkhite saṅghassa lābhantarāyakaro hotīti. Imamevatthaṃ sandhāya vihārassa demāti saṅghikavihāraṃ sandhāya vutta'nti vuttaṃ bhavēyya, na puggalikabhāvenāpi paṭiggahetabbanti. Evañca sati sāmikānaṃ dhuranikkhepenā'ti ettha ekassa santake taḷāke khette ca jāte tasseva dhuranikkhepena pārājikaṃ. Yadi pana taṃ taḷākaṃ sabbasādhāraṇaṃ, khettāni pāṭipuggalikāni, tassa ca dhuranikkhepe avahāro. Atha khettānipi sabbasādhāraṇāni, sabbesaṃ dhuranikkhepeyeva pārājikaṃ, nāsati daṭṭhabbanti vimativinodaniyaṃ vuttavacanena avirodho siyā, tathā hi khettavatthādisahitassa vihārassa puggalikabhāvena akappiye sati. Kathaṃ puggalassa khettavatthādikamārabha abhiyuñjabhāvo bhavēyya, evañca pana vadeyya “dhuraṃ nikkhipatīti ettha ekassa santake taḷāke khette cātietha gihisantakameva sandhāya vutta'nti. Tathāpi na vattabbaṃ. Kasmā “dhuraṃ nikkhipatīti yadā pana sāmiko ayaṃ thaddho kakkhaḷo, jīvītabrahmacariyantarāyampi me kareyya, alaṃ dāni mayhaṃ iminā'ti padassa dīssanato teneva “khettāni pāṭipuggalikāni, tassa ca dhuranikkhepe'ti vimativinodaniyaṃ vuttaṃ. Tathā “anujānāmi bhikkhave sabbāṃ pāsādaparibhoga'nti vacanato puggalikepi senāsane senāsanaparibhogavasena niyamitaṃ suvaṇṇaḥaṭṭadikaṃ paribhuñjituṃ na vaṭṭamānampi kevalaṃ attano santakaṃ katvā paribhuñjituṃ na vaṭṭatī'ti sārattadīpaniyaṃ vutta vacanenāpi avirodho siyā, tathā “senāsane kiñci paṭisedhetabbaṃ natthi aññatra viruddhasenāsanāna'ti aṭṭhakathāvacanenāpi saṃsandameva. Tathā “yaṃ bhikkhave mayā idaṃ na kappatīti appaṭikkhitaṃ, taṃ ce kappiyaṃ anulometi, akappiyaṃ paṭibāhati, taṃ vo kappatī'ti iminā suttānulomenapisamndameva. Kathaṃ “anujānāmi bhikkhave pañcaleṇāni vihāranta'yā'dinā anuññātavihārassa paṭiggahitathā. Tappaṭibaddhacīvarādīkappiyapaccayasseva paribhuñjitattā ca vihārapīṇḍapātagilānapaccayabhesajjaparikkhārāpi bhikkhussa sabbakappiyā kappiyānulomā ca honti. Evaṃ suttasuttānulomaācariyavādaattanomatīhi saṃsandanato aññadatthu gaṅgodakena yamunodakaṃ viya khettavatthādisahitavihāro puggalikabhāvenāpi paṭiggahetabboti kappiyā kappiyāni vinayakovidehi daṭṭhabbo. Ayaṃ isinagaravāsīnaṃ mahātherānaṃ samānavissajjana.

“Ye ca janā garubhaṇḍaṃ saṃvidhāya avaharuṃ. Dhuranikkhepo ca hoti, pārājikamanāpannā, pañhāmesā kusalehi cintitā'ti.

Ayaṃ pañhā saṅghikabhūmithenake bhikkhu sandhāya vuttā, tattha hi paccuppannasaṅghassa dhuranikkhepena cātuddisikasaṅghassa dhuranikkhepābhāvato avahāro natthīti. Ayaṃ lābhasimāya vicāraṇā.

Gāmasīmānigamasīmānagarasīmā pana pākāṭāyeva. Tāsaṃ pana viseso evaṃ vedītabbo yasmiṃ pana padese āpaṇameva atthi, na pākāraparikkhitaṃ pākāraparikkhītamēva vā atthi na āpaṇaṃ ayaṃ padeso gāmo nāma. Yasmiṃ pana tṭhāne gāmoyeva atthi, na pana āpaṇapākārā santi, ayaṃ padeso nigamo nāma. Yattha pana āpaṇampi atthi pākāraparikkhītampi, ayaṃ padeso nagaraṃ nāma. Ayaṃ padeso nāgaravanti etthāti vacanathena rājūnaṃ vā mahāmattānaṃ vā nivāsanayogaṭṭhānattā nagaranti vuccati. Lokiyasatthe pana.

“Vicittadevāyatanāṃ, pāsādāpaṇamandiraṃ;
Nagaraṃ dassaye vidvā, rājamaggo pasobhita'nti.

Vuttaṃ. Evaṃ gāmanigamanagarānaṃ visesaṃ ñatvā gāmoyeva gāmasīmā, nigamoyeva nigamasīmā, nagarameva nagarasīmāti tāsaṃ vacanatto vedītabbo. Tattha yaṃ padesaṃ asammatāya bhikkhave sīmāya aṭṭhapitāya yaṃ gāmaṃ vā nigamaṃ vā upanissāya viharatī, yā tassa gāmassa vā gāmasīmā nigamassa vā nigamasīmā, ayaṃ tattha samānasamvāsā ekūposathā'ti anuññātaṃ, tasmīṃ padese sabbopi vā gāmapadeso. Yampi ekasmiṃyeva gāmakhette ekaṃ padesaṃ “ayaṃ visuṃ gāmo hotū'ti paricchinditvā rājā kassaci deti sopi visuṃgāmasīmā hotiyeva tasmā sā ca itarā ca pakatīgāmanagananigamasīmā baddhasīmāsadisāyeva honti. Kevalaṃ pana ticīvaravippavāsaparīhāraṃ na labhanti. Ettha ca apare evaṃ vadanti, “rājā pasenadīkosalādayo pokkharasātipabhuṭīnaṃ dakkhiṇodakapātanavasena denti viya brahmadeyyavasena dinnameva visuṃ gāmasīmā hoti, na āyamattassa, chejjabhejjassa anissarattā'ti taṃ na panevaṃ daṭṭhabbaṃ, chejjabhejjassa rājārahattā tathā hi lokavohārasaṅketavasena ayaṃ padeso imassa gāmassa paricchedo'ti issarehi kataparicchinnameva pamānaṃ hoti. Yadi chejjabhejjakaro bhavēyya,

rājātveva saṅkhyam gacchati. Sopi gāmaleso nagararajjasīmā bhavēyya, na pana gāmasīmāmetameva, tenevāha samantapāsādikāya vinayaṭṭhakathāya “yattake padese tassa gāmassa gāmahojakā baliṃ labhanti, so padeso appo vā hotu mahanto vā, gāmasīmātveva saṅkhyam gacchati. Nagaraniḡamasīmāsupi eseva nayo”ti. Ayam gāma niḡamanagarasīmānam vicāraṇā.

Abbhantarasīmā nāma yaṃ paṭapadesam agāmake bhikkhave araṇṇe samantā sattabbhantarā, ayam tattha samānasaṃvāsā ekūposathā’ti anuññātā abbhantarasīmā nāma. Tattha samantā sattabbhantarāti yasmim viñjhāṭavisadise araṇṇe bhikkhu vasati, athassa ṭhitokāsato samantā puratthimāya sattabbhantarā pacchimāya sattabbhantarā dakkhiṇāya sattabbhantarā uttarāya sattabbhantarāti samantā sattabbhantarā. Vinibbedhena cuddasā ti puratthimapacchimavasena cuddasabbhantarā, dakkhiṇuttaravasenapi cuddasabbhantarāti evaṃ nibbedhena cuddasa cuddasa katvā samantā aṭṭhavīsati abbhantarā honti. Ettha ca ekaṃ abbhantaram aṭṭhavīsati hatthappamāṇam hoti, tasmā puratthimāya sattabbhantare channavutisatathappamāṇam hoti, evaṃ dakkhiṇuttarapacchimesupīti sabbam sampiṇḍetvā caturāsītisattasatathappamāṇam hoti. Parimaṇḍalavasena pana sabbam chasattatiekasatuttarāni ca ekaṃ sahassaṇca hoti. Pakatiyanavasena minite pana –

“Pañcahattho mato daṇḍo, vīsadaṇḍo usabho;
Athītiusabhā gāvī, catugāvī yojana”nti.

Vuttattā ayanavasena vinibbedhe cuddasabbhantare dvehatthādhikaaṭṭhasattati hoti. Sabbam aṭṭhavīsati abbhantaram sampiṇḍetvā catuhatthādhikachappaññāsuttara ekasatam hoti. Parimaṇḍalavasena pana chahatthādhikacatutiṃsuttaradvesatāni honti, usabhavasena pana vinibbedhena cuddasa abbhantare dvehi ūnāni cattāri usabhāni ca dveratanaṇca honti. Sabbam sampiṇḍetvā aṭṭhavīsatiyā abbhantare caturatanaṇca soḷasa ayanāni adhikāni satta usabhāni honti. Parimaṇḍalavasena pana charatanaṇca cuddasaayanāni ca adhikāni ekādasa usabhāni honti. Ayamettha sārato vinicchayo. Keci pana abbhantarasaddam hattharatanavācakaṃ parikappetvā evaṃ vadanti majjhe ṭhitassa samantā satta vinibbedhena cuddasā’ti vuttattā puratthimāya satta hatthā dakkhiṇuttarapacchimesupī satta satta hatthāti katvā evaṃ nibbedhena cuddasa hatthā honti. Sabbam sampiṇḍetvā aṭṭhavīsatihattham abbhantaranti tam tesam matimattameva, na sārato paccetabbam. Kasmā aṭṭhakathāyam tattha ekaṃ abbhantaram aṭṭhavīsatihattha’nti vuttattā. Yadi tesam matena sabbam sampiṇḍetvā aṭṭhavīsatihatthabbhantaram bhavēyya, aṭṭhakathāyam tattha abbhantaram nāma aṭṭhavīsatihatthappamāṇam hoti, majjhe ṭhitassa samantā sattavinibbedhena cuddasā hontī’ti vattabbam bhavēyya, na panevam vuttam, tasmā tam tesam matimattamevāti daṭṭhabbam. Tattha ayañhetthatho tattha tatthā’ti niddhāraṇe bhummaṃ. Ekanti gaṇanaparicchedo. Abbhantaranti paricchinnaniddeso, niyamitaparidīpanam vā. Aṭṭhavīsatihatthappamāṇanti paricchinditabbadhammasamudāyaniddeso tattha tesu samantā sattabbhantaresu ekaṃ abbhantaram nāma aṭṭhavīsatihatthappamāṇam hotīti attho daṭṭhabbo. Ettha pana saṅkhyā kathetabbā. Sā duvidhā parimāṇaminanavasena. Tattha parimāṇa saṅkhyā evaṃ veditabbā catasso muṭṭhiyo eko kuḍuvo. Cattāro kuḍuvā eko pattho, cattāro patthā eko āḷhako. Cattāro āḷhakā ekaṃ doṇam, cattāri doṇāni ekā mānikā. Catasso mānikā ekā khārī. Vīsati khārikā eko vāho. Tadeva ekaṃ sakaṭanti suttanipāṭaṭṭhakathādīsū vuttam. Sāratthadīpaniyam pana nava vāhasahassānīti ettha catasso muṭṭhiyo kuḍuvo, cattāro kuḍuvā eko pattho, cattāro patthā eko āḷhako. Cattāro āḷhakā ekaṃ doṇam, cattāri doṇāni ekā mānikā, cattasso mānikā ekā khārī. Vīsati khārikā eko vāho. Tadeva ekaṃ sakaṭanti suttanipāṭaṭṭhakathādīsū vutta’nti vatvā “idha pana dve sakaṭāni eko vāhoti vadantī”ti likhitam paccantavohārena minite pana saṭṭhisatam eko vāhoti raṇṇo dhammāsokassa sūvakāhatasāliyā minite pana paccantavohārena vīsādhikatisatam hoti eko vāhoti vadanti. Minana saṅkhyā pana evaṃ veditabbā. Tathā hi –

“Chattimsa paramāṇūnam, aṇumattanti vuccati;
Chattim saṇumattam, tājjarīti pavuccati.

Chattim samattātajjarī, rathareṇupamāṇam;
Chattimsa rathareṇū ca, ekā likkhāti vuccati.

Sattalikkhā ca ekūkā, sattūkā dhaññamāsako;
Sattadhaññaṅguli ekā, vidatthi dvādasāṅguli.

Dve vidatthitu ratanaṃ, sattahatthaṃ ekayaṭṭhi;
Vīsayaṭṭhitsu usabhaṃ, usabhāsīti gāvutaṃ;
Gāvutāni cattāri, meruyojananti vuccatī’ ti.

Vuttattā ekā rajo paramāṇu atisukhumā acakkhuvīññeyyā, sarīrampi ghanaselamayaṃ sinerupabbatarājampi vinijjhitvā gatā. Tassā chattiṃsaparimāṇaṃ ekoṇu tajjāritassa chattiṃsaparimāṇaṃ ekārathareṇu. Tassā chattiṃsaparimāṇaṃ ekalikkhā. Sattalikkhā ekā ūkā. Satta ūkā ekaṃ dhaññaṃ. Sattadhaññaṃ ekā ṅguli, dvādasāṅguli ekā vidatthi. Dve vidatthi ekaratanāṃ. Sattahatthaṃ ekayaṭṭhi, vīsayaṭṭhi ekā usabhā, asīti usabhā gāvutaṃ. Cattāri gāvutāni meruyojananti vuccati. Tattha aṇurajo kiḷaṅjakuṭṭachiddādisu vāte pahaṭakāle sūriyālokesu dissati. Tajjārī pana sakaṭamaggādisu dakkhiṇavāma passādīsu dissati. Rathareṇu pana tassā allīyanaṭṭhānesu dissati. Likkhā pana atioḷārikā pākaṭā hoti. Ayaṃ meruayanavasena vuttaṃ.

Aparampi

“Dasa kesā ekatilaṃ, chatilaṃ yavakaṃ bhava;
Catuyavañca ṅguli, pañcadasa ekapāda’ nti.

Vuttattā dasa kesā ekatilaṃ nāma. Chatilaṃ ekaṃ yavaṃ nāma. Catuyavaṃ eko ṅguli nāma. Pañcadasaṅguliyo eko pādoti vuccati. Idaṃ tīsu vedesu āgatavasena vuttaṃ.

Aparampi

“Dasa kesā ekatilaṃ, chatilaṃ yavakaṃ bhava;
Catuyavañca ṅguli, aṭṭhaṅguli ekā muṭṭhi, ratanaṃ timuṭṭhi bhava’ ti.

Vuttattā dasakesā ekaṃ tilaṃ nāma. Chatilaṃ ekaṃ yavaṃ nāma. Catuyavaṃ ekāṅguli nāma. Aṭṭhaṅgulaṃ ekāmuṭṭhi. Trimuṭṭhi ekaratanāṃ. Pañca ratanāni ekodaṇḍo. Vīsati daṇḍāni ekousabho. Asīti usabhā ekā gāvī. Catasso gāvīyo ekayojananti vuttaṃ, tenevāha.

“Pañcahattho mato daṇḍo, vīsadaṇḍo ca usabho;
Asīti usabhā gāvī, catugāvī ca yojana’ nti.

Idaṃ pakatiyanavasena vuttaṃ. Cakkavāḷaayanayojanavasena pana

“Sattahattho mato daṇḍo, vīsadaṇḍo ca usabho;
Asīti usabhā gāvī, catugāvī ca yojana’ nti vuttaṃ.

Aparampi.

“Dasa kesā ekatilaṃ; Chatilaṃ ekaṃ yavaṃ;
Catuyavaṃ ekaṅguli; Aṭṭhaṅgulaṃ ekāmuṭṭhi;
Trimuṭṭhi ekaratanāṃ, aṭṭhavīsativatanaṃ ekaṃabbhantaranti.

Vuttaṃ. Tenevāha “tattha ekaṃ aṭṭhavīsativatanaṃ hoti’ ti. Ettha ca agāmake ceti ettha akāro kataratthoti, tathā hi akāro.

Paṭisedhe vuddhitabbhāve, aññatthe sadisepica;
Viruddhe garahe suññe, akāro viraha’ ppake’ ti.

Vuttesu dissati tathā hi ajanetvā tiādīsu paṭisedhe dissati. “Aparihānīyā dhammā’ ti ādīsu

vuddhimhi. “Anavajjam bhante”ti ādīsu tabbhāve akkharā’ti ādīsu aññatthe. “Amaru rājā”tiādīsu sadise. “Amala”nti ādīsu viruddhe. “Aseṭṭhoyam brāhmaṇo abrahmacārī”ti ādīsu garahe. “Agāmo”ti ādīsu suññe. “Apatikāyaṃti”ti ādīsu virahe. “Atha nāyam kaññā”ti ādīsu appake. Idha pana suññe virahe vā daṭṭhabbo. Suññatthena pana agāmake nimanusse kevalāraññeti attho. Virahattho vā agāmake gāma virahite padeseṭi attho daṭṭhabbo. Teneva suññatthena virahatthena “agāmake”timināpadena gāmanadījātassarasamudde muñcitvā yam anavasesam heṭṭhā pathavīsandhārakaudakampiudakasandhārako vātopi ajaṭākāsampi, tathā yāva uparibrahmalokaṃ upādāya sabbam asurayakkhasurādiākāsaṭṭhakadevabrahmavimānānīpi araññantveva saṅgahitā. Nadīsamuddantaresupi macchabandhānam agamanapatho dīpako vā pabbato vā, sopi araññasīmātveva saṅkhyam gacchati, tasmā ayam sattabbhantarasīmā nimanusse kevalāraññe pathavīmaṇḍalepi devaloke vimānakapparukkadhāsupi labbhateva. Pathaviyam pana yasmim gāmakhethe heṭṭhā pathaviyā yattha vā suvaṇṇamaṇiādīni khaṇitvā gahetum sakkonti, tam padesam gāmakhetameva. Tato parā yāva pathavīsandhārakaudakā ajaṭākāsepi labbhateva. Nanu chakāmāvacara devalokesupi devavimānakapparukkagāmanigamādayopi attheva. Atha kasmā “araññā”ti kathitāti amanussā vā sattā jātibhinnatā ca te agāmāyeva, teneva “nimanussamhi araññamhī”ti vuttam. Tiracchānavatthusmimpi “nāgo vā hotu supaṇṇamaṇavakādīnam vā aññataro antamaso sakkam devarājānam upādāya yo koci amanussajātiko sabbova imasmim atthe tiracchānagatoti vedītabbo”ti vuttam, tasmā jātibhinnatāya amanussāvāso araññanti vedītabbo. Abbhantarasīmāya vicāraṇā.

Idāni udakukkhepasīmāya samvaṇṇanākkamo sampatto. Tattha “sabbā bhikkhave nadī asīmā. Sabbo samuddo asīmo. Sabbo jātassaro asīmo. Nadiyā vā bhikkhave samudde vā jātassare vā yam majjhimassa purisassa samantā udakukkhepā, ayam tattha samānasamvāsā ekūposathā”ti paññatā, ayam udakukkhepasīmā nāma. Tattha “sabbā bhikkhave nadī asīmā”ti ettha asīmasadde akāro virahattho, asīmā baddhasīmā virahitāti attho. Nāttidutiyakammavācam sāvetvāpi bandhasīmāvirahitāti vuttam hoti. Paṭisedhattho vā, asammannitabbāti attho. Vuḍḍhiattho vā, “asekkhā dhammā”ti yathā sikkhitasikkhā niṭṭhitasikkhāti vuttam hoti. Evam asīmāsīmākiccaniṭṭhappattāti attho. Nāttidutiyakamma vācam sāvetvā sammatāpi asammatāyeva, attano sabhāveneva gāmasīmā viya baddhasīmāsadisāti vuttam hoti. Etena nadījātassarasamuddānam baddhasīmāya akhettabhāvo dassito hoti. Evam “sabbā bhikkhave nadī asīmā”tiādīnā nadīsamuddajātassarānam baddhasīmābhāvam paṭikkhipitvā tattha lokavohārasiddhāsu etāsu nadīādīsu abaddhasīmāsu puna vaggakammaparihārattham vālikādīhi sīmaparicchindanam kattukāmo bhagavā “nadiyā vā bhikkhave samudde vā jātassare vā yam majjhimassa purisassa samantā udakukkhepā”ti ādimāha. Tattha majjhimassa purisassati thāmamajjhimassa purisassa tenevāha samantapākādīkāya vinayaṭṭhakathāyam “thāmamajjhimena purisenā”ti. Yadi vaḍḍhakīpurisamiccheyya, “vaḍḍhakīpurisenā”ti vuttam bhavēyya, na panevam vuttam, tena nāyati “thāmamajjhimassa purisassā”ti. Tividhā hi purisā uttamapuriso majjhimapuriso pakatipurisoti. Tattha uttamapuriso nāma sabbaññu bhagavā, so hi bhagavā sabbasattuttamo thāmāyasasampattiissariyādīhi tathā hi tathāgatassa thāmo.

“Kālāvakaṇca gaṅgeyyam, paṇḍaram tambapiṅgalam;
Gandhamāṅgalahemaṇca, uposatham chaddantime”ti.

Vuttānam dasannam hatthikulānam balānusārena vedītabbo. Tattha kālāvaka nti pakatihatthikulam yam dasannam purisānam kāyabalam, tam ekassa kālāvakassa hatthino balam. Yam dasannam kālāvakanam balam, tam ekassa gaṅgeyyassa balam. Yam dasannam gaṅgeyyānam balam, tam ekassa paṇḍarassa balam, yam dasannam paṇḍarānam balam, tam ekassa tambassa balam. Yam dasannam tambānam balam, tam ekassa piṅgalassa balam. Yam dasannam piṅgalānam balam, tam ekassa gandhahatthino balam. Yam dasannam gandhahatthīnam balam, tam ekassa māṅgalassa balam. Yam dasannam māṅgalānam balam, tam ekassa hemassa balam. Yam dasannam hemavatānam balam, tam ekassa uposathassa balam. Yam dasannam uposathānam balam, tam ekassa chaddantassa balam. Yam dasannam chaddantānam balam, tam ekassa tathāgatassa kāyabalam. “Nārāyanasaṅkhātam bala”ntipi idameva vuccati. Tattha nārā vuccanti rasmiyo, tā bahū nānāvīdhā tato uppajjantīti nārāyanam, vajiram, tasmā vajirasāṅkhātam balanti pi attho, tadetaṃ pakatihatthigaṇānāya hatthikoṭisahasam, purisagaṇānāya dasannam purisakoṭisahasānam balam

hoti, idaṃ tathāgatassa kāyabalaṃ. Issariyādibalavidhānaṃ pana taṃtaṃ sutānusārena veditabbaṃ. Majjhimapuriso nāma vaḍḍhakupuriso so hi tathāgatassa balaṃ paṭicca sinerupabbatarājaṃ sāsapabjēna minanto viya satenapisahassenapi satasahassenapi minetum abhabbo, antamaso pādaṅguṭṭha so pādaṅguṭṭhakampi gaṇhetum abhabbova. Tassa pakatipurisato mahantabhāvena majjhe bhavattā majjhimapuriso nāma jāto, tathā hi sugatavidatthi vaḍḍhakissa tisso vidatthiyo, vaḍḍhakihatthena diyaḍḍhahattho hoti, tathā vaḍḍhakividatthi pakatipurisassa dve vidatthiyo, pakatipurisahatthena paripuṇṇahattho hoti tathā hi sugatavidatthi nāma idāni majjhimassa purisassa tisso vidatthiyo, vaḍḍhakihatthena diyaḍḍho hattho hotīti kuṭikārasikkhāpadatthakathāyaṃ vuttam. Ayaṃ idha majjhimapurisoti nādhippetā. Kasmā kuṭikārasikkhāpadeyeva tihatthāti vaḍḍhakihatthena tihatthā. Pamāṇayutto mañcoti pakatividatthiyā navavidatthippamāṇo mañcoti vuccati yathā, evaṃ majjhimapurisenā'ti idha avatvā thāmamajjhimena purisenā'ti aṭṭhakathāyaṃ vuttattā. Pakatipuriso nāma'yaṃ dasannaṃ purisānaṃ kāyabalaṃ, taṃ ekassa kālavakassa hatthino bala'nti vuttapuriso pakatipuriso nāma. Tattha kiñcāpi ekacce puññavantā rājā ajātasattu jīvako komārabhacco itthiyāpi visākhā migāramātāti evamādayo pañcannaṃ hatthīnaṃ balaṃ dhārenti, na pana te majjhimapurisā nāma hontī, pakatipuriso yeva, puññavantabhāvena visesapurisattā. Idha pana pakatipurisoyeva thāma majjhimapurisoti adhippeto. Udukukkhepāti udakukkhepena paricchinnā, tenevāha mātikāṭṭhakathāyaṃ līnatthappakāsaniyaṃ udakukkhepāti karaṇatthe nissakkavacananti āha. Udukukkhepenā'ti ayañhetthattho. Nadīsamuddajātassaresu yaṃthānaṃ majjhimassa purisassa samantā parisapariyantato udakukkhepena paricchinnaṃ, ayaṃ tattha nadīdāsu lokavohāra siddhāsu tāsueva abaddhasīmāsu aparāpi samānasamvāsā ekūposathāti kañkhāvitaraṇiyaṃ pana yaṃ majjhimassa purisassa samantā udakukkhepāti yaṃ thānaṃ thāmamajjhimassa purisassa samantato udakukkhepena paricchinnaṃ. Tattha yathā akkhadhuttā dāruḷaṃ khipanti, evaṃ udakaṃ vā vālikaṃ vā hatthena gahetvā majjhimena purisena sabbathāmena khipitabbaṃ. Yattha evaṃ khittaṃ udakaṃ vā vālikā patati, ayaṃ udakukkhepo nāma. Ayaṃ tattha samāna samvāsā ekūposathāti, ayaṃ tesu nadīdāsu udakukkheparicchinnā sīmā samānasamvāsāceva ekūposathācā'ti atthayojanaṃ katvā ayaṃ etesaṃ nadīdānaṃ antoyeva labbhati, na bahi, tasmā nadiyā vā jātassare vā yattakaṃ padesaṃ pakativassakāle catūsu māsesu udakaṃ ottharati, samudde yasmim padese pakativīciyo osarivā saṅghahanti, tatopatthāya kappiyabhūmi. Dubbutthikāle vā gimhe vā nadījātassaresu sukkhesupi sāeva kappiyabhūmi. Sace pana sukkhe jātassare vāpim vā khaṇanti vappaṃ vā karonti, taṃ thānaṃ gāmakhettaṃ hoti. Yā panesā kappiyabhūmiti vuttā, tato bahi udakukkhepasīmā na gacchati, antoyeva gacchati, tasmā tesam antoparisapariyantato patthāya samantāudakukkhepa paricchedo kātabbo'ti vuttam. Gaṇthipade pana yaṃ majjhimassa purisassa samantā udakukkhepāti pana etissā nadiyā catuvaggādānaṃ saṅghānaṃ visum catuvaggakaraṇīyādikammakaraṇakāle sīmāparicchedadassanattaṃ vuttam, ticīvarena vippavāsaparicchedadassanattampi sattabbhantarasīmāya paricchedadassanaṃ viyāti ācariyā, tasmā udakukkheparicchedābhāvepi antonadiyaṃ kātuṃ vaṭṭatīti siddha'nti likhitaṃ. Tattha udakukkheparicchedābhāvepi'ti idaṃ padaṃ samantato udakukkhepena paricchinnā'nti mahāaṭṭhakathāvacanena vā samantā udakukkheparicchedo kātabbo'ti mātikāṭṭhakathāya kañkhā vitaraṇiyaṃca vuttavacanena vā, “tatthāpi hi majjhimapuriso na ñāyati, tathā sabbathāmena khipana'nti vā, “etadatthameva hi vālikādīhi sīmāparicchindana'nti vā vimativinodanīvacanehi vā na sameti. Ganthakārenāpi parūpavādavivajjanattaṃ “ayaṃ amhākaṃ khantī'ti avatvā'acariyā'ti aññakattāre nidassivā parato nigamane “idaṃ sabbam sutthū vicāretvā garukule payirupāsivā gahettabbaṃ yuttam gahettabbaṃ, itaraṃ chaḍḍetabba'nti vuttam tasmā aññesaṃ ācariyānaṃ matena likhitanti daṭṭhabbaṃ. Aññathā tissopi saṅgītiyo ārūḷhe aṭṭhakathāvacane ca kañkhāvitaraṇī-vimativinodanīvacanāni ca makkhetabbāni bhavēyuyum, ganthāpi aññamaññaviruddhā bhavēyuyum, bhagavatā paññattasikkhāpadampi sāvakānaṃ matena paṭisaṅkharitabbaṃ bhavēyya bhagavatā paññattasikkhāpadaṃ pana na makkhetabbaṃ, yathā paññattheyeva vattitabbaṃ vakkhati hi vatthum jānitvāpi majjama pivato bhikkhussa pācittiyaṃ, sāmaṇessa pana jānitvā pivato sīlabhedo, na ajānitvāti vuttam tattha kāraṇam maggitabbaṃ, sikkhāpada paññattiyā buddhānameva visayattā na vā maggitabbaṃ, yathā paññattheyeva vattitabba'nti tasmā samantā udakukkhepāti paññattasikkhāpadānurūpaṃ samantato udakukkhepena paricchinnanti vā udakaṃ ukkhipitabbanti vā udakukkhepena pi paricchinnā sīmātivā samantā udakukkheparicchedo kātabboti vā vuttadhammasaṅgāhakattherānaṃ vacanameva pamāṇam te hi buddhamataññuno, idaṃca vacanaṃ bhagavato na paccakkhavacanaṃ nāpisaṅgāhakattherānaṃ vacanaṃ athavā “yaṃ majjhimassa

purisassa samantā udakukkhepā”ti pana etissā nadiyā...pe... sattabbhantarasīmāya paricchedadassanaṃ viya sīmaparicchedadassanattamaṃ vutta’nti ācariyā yasmā vadanti, tasmā udakukkheparicchedābhāvepi antonadiyaṃ kātuṃ vaṭṭatīti siddhanti imissā atthayojanāya na dhammasaṅgāhakattherāpi pavittā, ganthakāropi apavittāho. Kasmāti ce tissopi saṅgītiyo ārūḥesu vinayaṭṭhakathāsuveva tabbivaraṇabhūtāsu silokaṭṭikāsu ca “udakukkhepena paricchinnam, udakam ukkhipitabbam, udakukkheparicchedo kātabbo”ti ādinā bahūhi ākārehi udakukkheparicchedameva likhanti, tasmā dhammasaṅgāhakattherāpi appavittāti viññāyati ganthakāro pi parūpavādavivajjanattamaṃ “ācariyā”ti aññakattāre nidasseti, tasmā gantthakāropi appavittāhoti viññāyati, idaṅca vacanaṃ kesaṅci therānaṃ attanomaṭi, attanomata nāmesā sabbadubbala, sinerupabbatarājaṃ sāsapabijena minento viya sabbaññubuddhena paññattassa udakukkhepāti sikkhāpadassa atthamaṃ vadantānaṃ mahākassapayasamoggaliputtatissapabhutinaṅca tesamaṃ sissānusissānaṃ mahāvihāravāsīnaṅca vacanaṃ ko nāma puggalo makkhetuṃ sakkhissati, upasampadādikkammaṃ ca garukammattā sāsanaṃ mūlattā ca garukeveva ṭhātabbamaṃ. “Yaṃ majjhimassa purisassa samantā udakukkhepā”ti bhagavatā paññattamaṃ, kathaṃ majjhimassa purisassa udakukkheparāhaṭṭhānameva udakukkhepasīmā, udāhu udakukkhepeneva udakukkhepasīmāti codanaṃ pariharanto aṭṭhakathācariyo kathaṃ pana udakam ukkhipitabbantyaḍimāha. Tattha kathanti kathetukamyatā pucchā, kathaṃ kena kāraṇena udakam ukkhipitabbamaṃ udakāsīnānaṃ sankhepena ukkhipitabbamaṃ atha kho leḍḍukhipanadāruḷakhipanākārena ukkhipitabbanti attho. Akkhadhuttāti sāmāññena vuttepi “sīho gāyati naṅguṭṭamaṃ, sīho cāleti vāladhi”nti ettha viya dāruḷamaṃ khipanti saddantarasaṅgāhānato atthavasena dāruḷakīlakā dhuttajanāti viññāyati akkhasaddo hi jūtepi nirūḷho. Dāruḷanti bhamaṃ āropetvā āraggena katadāruvikati ayañhetthatto... yathā akkhadhuttā dāruḷakā dhuttajanā dāruḷamaṃ hatthena gahetvā attano balaṃ dassentā viya sabbathāmena attānaṃ onamitvā khipanti, evameva thāmamajjhimena purisena udakam vā vālikamaṃ vā hatthena gahetvā attano balaṃ dassentāviya onamitvā sabbathāmena nisinnassa vā ṭhitassa vā parisapariyantato anupariyāyitvā khipitabbamaṃ, evamaṃ cittaṃ udakam vā vālikamaṃ vā yattha yasmim ṭhāne patati, ayameko udakukkhepo nāmāti “ayameko udakukkhepo”ti iminā padena dvinnamaṃ saṅghānaṃ visuṃvisuṃ kammakaraṇādhikāre sīmantarikattā aññassāpi udakukkhepassa sambhavaṃ dasseti, teneva mātikāṭṭhakathāyaṃ “sace pana dve saṅghā visuṃvisuṃ uposathādikkammaṃ karonti, dvinnamaṃ udakukkhepanaṃ antare añño eko udakukkhepo upacāratthāya ṭhapetabbo”ti vuttamaṃ, vimativinodaniyampi “tassa antoti tassa udakukkheparicchinnaṃ ṭhānassa anto na kevalaṅca tasseva anto, tato bahipi ekassa udakukkhepassa anto ṭhātuṃ na vaṭṭatīti vacanaṃ udakukkheparicchedassa dubbijānato kammakopasaṅkā hoti”ti vuttamaṃ, sārattadīpaniyaṃ pana “tassa anto hatthapāsaṃ vijahitvā ṭhito kammaṃ kopetīti iminā paricchedato bahi yattha katthaci ṭhito kammaṃ na kopetīti dīpeti”ti vatvā mātikāṭṭhakathāvacanampi paṭikkhipi, taṃ ekasaṅghamaṃ sannipātaṃ sandhāya vuttanti daṭṭhabbamaṃ, yathā ca mahāsīmāya khaṇḍitvā baddhānaṃ khaṇḍasīmānaṃ aññamaññasaṅkaravivajjanattamaṃ sīmantarikā ṭhapitā, evameva attano sabhāvena gāmasīmā viya sayamaṃ jātasīmāyaṃ nadīsamuddajātassaraṇaṃ atimahantabhāvena udakukkhepena udakukkhepasīmā bhagavatā anuññatā, tathāpi dvinnamaṃ baddhasīmānamiya aññamaññasaṅkaravivajjanattamaṃ dvinnamaṃ udakukkhepasīmānaṃ antare sīmantarikatthāya añño udakukkhepo ṭhapetabbo”ti vuttamaṃ, sanimittā baddhasīmā, saudakukkhepā udakukkhepasīmā, sīmantarikā viya eko udakukkhepo daṭṭhabbo, teneva vimativinodaniyaṃ “idaṅcetta sīmantarikāvidhānaṃ dvinnamaṃ baddhasīmānaṃ sīmantarikāanujānanaṃ suttānulomato siddhanti daṭṭhabba”nti vuttamaṃ, ekasimim saṅghasannipāte pana ekassa udakukkhepassa bahi tiṭṭhantopi kammaṃ na kopetīti daṭṭhabbamaṃ vuttañhi vimativinodaniyaṃ bhagavatā nidānavasena ekagāmasīmanissitānaṃ ekasabhāgānaṅca dvinnamaṃ baddhasīmānameva aññamaññaṃ sambhedajjhottharaṇaṃ sīmantarikaṃ vinā abyavadhāne ṭhānaṅca bhagavatā anumata mevāti ṇatvā aṭṭhakathācariyā idhāpi sīmantarikāvidhānamakamsu visabhāgasīmānampi hi ekasīmanissitattaṃ ekasabhāvattaṅcāti dvīhaṅgehi samannāgate sati eva sīmantarikaṃ vinā ṭhānaṃ sambhedāya hoti, nāsati daṭṭhabba’nti. Evamaṃ nadīsamuddajātassaresu samantāudakukkhepāti paññattasikkhāpadānurūpaṃ udakukkhepena paricchedamaṃ dassetvā rassapabhavaṃ nadījātassaraṇapadese udakukkhepena vināva attano sabhāvena gāmasīmāyamiva sabbathā kappiyabhāvaṃ dassetuṃ sace pana nātidīghā hoti, pabhavato paṭṭhāya tyādimāha. Tattha pabhavato paṭṭhāyati yasmim padese catumāsaparamā nadī sandati, tassa uparimabhāgato paṭṭhāyati attho. Yāva mukhadvārā ti yāva nadītūramevettha mukhadvārāti adhippetā. Sabbathā’ti sabbasmim nadīpadese udakukkhepasīmākammaṃ natthi ti udakukkhepena pavattā sīmā udakukkhepasīmā.

Karitabbanti kammaṃ, karakaraṇeti dhātu, rammaṃpaccayo. Karaṇeti manodvāravīthiyā sattamakusalajavanacittasamuṭṭhāpitavāyodhātuyā vikārabhūto kāyapayogo, tena kāyapayogena khipitabbam uddhaṭam kammanti vuccati paramatthavasena pana kāyapayogasaṅkhātāya cittaṃ jāyodhātuyā vipphārena desantarappattisamuṭṭhāpikā aṭṭhakalāpapañjāyeva. Udaḅkukkhepasīmāya kammaṃ udaḅkukkhepasīmākammanā taṃ ettha rassapabhavanadiyā natthīti attho. Ayañhetthattho sace nadī nātidīghā hoti aḅḅhayaḅjanam vā gāvutaṃ vā aḅḅhagāvutaṃ vā, tassā pavattanaṭṭhānato paṭṭhāya yāva nadītīrā sabbattha nadīpadese ajjhottharivā saṅho nisīdati, tattha tasmim nadīpadese samantato avasesanadiyā abhāvā vaggakammasaṅkābhāvena udaḅkukkhepasīmā kammanā natthi, kevalā nadī sīmāyevāti sārattadīpaniyampi mātikāṭṭhakathāyalīnatthappakāsaniyampi etadeva sannīṭṭhānam vuttaṃ vimativinodaniyam pana yattha khuddake araṅṅe mahantehi vā bhikkhūhi paripuṇṇatāya vaggakammasaṅkābhāvena sattabbhantarasīmāpekkhā natthi, tattha sattabbhantarasīmā na uppajjati, kevalāraṅṅasīmāyeva tattha saṅghena kammanā kātabbam nadīādisupi eseva nayo vakkhati hi sace nadī nātidīghā hoti, pabhavato paṭṭhāya yāvamukhadvārā sabbattha saṅho nisīdati, udaḅkukkhepasīmākammanā natthi’ti ādi ca ubhayatthāpi ca. Yassam disāyam sattabbhantarassa vā udaḅkukkhepassa vā okāso nappahoti, tattha katham minanam khipanam vā bhavēya, gāmakhetādīsu pavisanato akhette sīmā pavīṭṭhā nāmāsisīmā vipajjēya, apekkhāya sīmuppattiyam pana yato pahoti, tattha sattabbhantaraudaḅkukkhepasīmā sayameva paripuṇṇā jāyanti. Yato pana nappahoti, tattha attano khettappamaṅeneva jāyanti, na bahīti vuttaṃ, ettha ca’ sīmāpekkhāya sattabbhantaraudaḅkukkhepasīmā sayameva paripuṇṇā jāyanti’ti vuttattā udaḅkukkhepaṃ vināyeva apekkhāya sīmāya udaḅkukkhepasīmā uppajjati’ti attham vadanti, taṃ ayuttarūpaṃ viya dissati. Kasmāti ce pālinayavirodhato vimativinodaniyam parato vuttavacanēpi virodhato ca. Idaṅca vacanam ācariyassa kesaṅci puggalānam vādappakāsanaṭṭham vuttaṃ bhavēya. Kasmā parato vuttavacanena aghaṭiyattā ca pāliyaṭṭhakathāṭikāvacanēhipi virujjhanato ca, taṃ parato vaṇṇayissāma. Yathā ca loke vatim aparikkhipitvā “idaṃ vatiyā ṭhāna”nti ca yathā ca naṅgalakoṭiyā akasitvā “idaṃ kasikaṭṭhāna”nti ca yathā ca vatthum karontā manussā kudhārīpharasuādīnā rukkhe acchinditvā “idaṃ mama kudhārīpatanaṭṭhāna”nti ca yathā ca dātena alāyitvā “idaṃ mama lāyitaṭṭhāna”nti ca na sakkā vattum, evameva udakam vā vālikam vā hatthena akhipitvā “ayameko udaḅkukkhepoti ca, udakapanaṭṭhānanti ca na sakkā vattum. Ettha ca dve bhikkhū evam vivādam karonti vimativinodaniyam “yattha khuddake araṅṅe mahantehi bhikkhūhi paripuṇṇatāya vaggakammasaṅkābhāvena sattabbhantarasīmāpekkhā natthi, tattha sattabbhantarasīmā na uppajjati, kevalāraṅṅasīmāyeva tattha saṅghena kammanā kattabbam nadī ādisupi eseva nayo. Vakkhati hi sace nadī nātidīghā hoti. Pabhavato paṭṭhāya yāva mukhadvārā sabbattha saṅho nisīdati, udaḅkukkhepasīmākammanā natthi’tiādim, iminā eva vacanena vaggakammaparihārattham sīmāpekkhāya sati eva udaḅkukkhepasīmā sattabbhantarasīmā uppajjanti, nāsātīti daṭṭhabba’nti vuttattā udaḅkukkhepaṃ vināva parisariyantato paṭṭhāya sīmāpekkhāya saheva udaḅkukkhepasīmā uppajjati tasmā udaḅkukkhepaṃ payoḅjanam natthēvāti te evam vattabbā “mā sappurisā evam vadeyyātha ācariyavaraṅca mā abbhācikkhatha idaṅca vacanam ācariyavarassa neyyavacanam, paratopi ācariyavaro sannīṭṭhānam vakkhati vinayaṭṭhakathāsuceva sārattadīpaniyaṅca vuttavacanēhipi tava vacanam asaṃsadeva, vimativinodaniyameva parato vuttavacanēpi na ghaṭiyati. Katham neyyavacanam hotīti. “Sīmāpekkhāya sati eva...pe... nassati”ti ettha sīmāpekkhāya vinā maggagamananānādi atthehi bhikkhūhi araṅṅe vā nadīādisupivā pavīṭṭhakkaṅeyeva nuppajjati, sīmāpekkhāya satieva araṅṅe samantā sattabbhantarā’ti paññattasikkhāpadānūrūpaṃ abbhantarasīmā uppajjati’ nadīsamuddajātassaresupi majjhimassa purisassa samantā udaḅkukkhe’pāti paññatta sikkhāpadānūrūpaṃ udaḅkukkhepaṃ saha udaḅkukkhepasīmā uppajjati, na udaḅkukkhepaṃ vināti ayam neyyattho. Nāsātīti ettha udaḅkukkhepaṃ vināti atthopi na labbhathe. Evaṅca sati vimativinodaniyam yeva puna tatthāti lokavohārasiddhāsu etāsu nadīādisu tīsu abaddhasīmāsu punavaggakammaparihārattham sāsanaḅvohārasiddhāya abaddhasīmāya paricchedam dassentoti adhippāyo. Pāliyam “yam majjhimassa purisassa”ti ādisu udakam ukkhipitvā khipiyati etthāti udaḅkukkhepo, udakassa pathanokāso, tasmā udaḅkukkhepā. Ayañhettha padasambandhavasena attho... “parisa pariyantato paṭṭhāya samantā yāva majjhimassa purisassa udaḅkukkhepo udakapanaṭṭhānam, tāva yam taṃ paricchinnam ṭṭhānam, ayam tattha nadīādisu aparā samānasamvāsā udaḅkukkhepasīmā”ti vuttaatthapadehipi samānam bhavēya ācariyameva hi kecipana samantā abbhantaram minitvā paricchedakaraṅeneva sīmā sañjāyati, na sayamevāti vadanti, taṃ na gahetabbhantayādinā kecivādam paṭikkhipitvā minanakhipane dosam dassetvā ca yam panettha abbhantaraminanappamāṅassa vālikādikhīpanakammasa ca dassanam,

taṃ sayamañjātasīmānaṃ t̥hitat̥thānaparicchedadassanattamaṃ kataṃ,
gāmūpacāragharūpacārajānanattamaṃ leḍḍusuppādikhīpanavijānanadassanaṃ viya, teneva
mātikāṭṭhakathāyaṃ sīmaṃ vā bandhanti udakukkhepaṃ vā pariccheda'nti vuttaṃ, evaṃ katepi tassa
paricchedassa pabhavato ñātumaṃ asakkuṇeyyattena thūlato ñatvā antotiṭṭhantehi nirāsaṅkaṭṭhāne
ṭhātabbaṃ aññaṃ bahikarontehe atidūre nirāsaṅkaṭṭhāne pesetabbanti vā, tasmā yathā
vuttasīmāpekkhavaseneva tāsamaṃ sattabbhantaraudakukkhepasīmānaṃ uppatti, tabbigamena vināso
ca gahetabboti amhākaṃ khanti, vīmaṃsitvā gahetabbamaṃ, añña vā pakāro ito yuttataro gavesitabbo'ti
āha. Vīmaṃsitvā gahetabbamaṃ. Añña vā pakāro ito yuttataro gavesitabbo'ti iminā ācariyassa
vacanena imassa vacanassa attanomatibhāvañca ācariyassa apaṭisambhidāpattabhāvañca dasseti.
Idaṅca vacanaṃ na bhagavato paccakkhavacanaṃ, nāpidhammasaṅgāhakattherānaṃ vacanaṃ,
tissopi saṅgītiyo anārūḷhā, nāpi aṭṭhakathāya saṃvaṇṇanācariyassa vādappakāsanameva tasmā
asallakkhitabbameva sārattadīpaniyampi sace nadī nātidīghā hotīti imissā saṃvaṇṇanādīkāre
udakukkhepasīmā kammaṃ natthīti yasmā sabbopi nadīpadeso bhikkhūhi ajjhotthaṭo, tasmā
samantato nadiyā abhāvā udakukkhepena payojanaṃ natthī'ti vuttaṃ tathā hi samantato nadiyā
abhāvā udakukkhepena payojanaṃ natthī'tiimassa anvayavasena vā atthāpattivasena vā samantato
nadiyā bhāve sati udakukkhepena payojanaṃ attheva vaggakamma-parihāratthanti attho labbhate
mātikāṭṭhakathāya līnatthappakāsaniyampi “samantā udakukkheparicchedo kātabboti
pahonakaṭṭhānaṃ sandhāya vuttaṃ yattha pana kunnadiyaṃ nappahoti. Tattha pahonakaṭṭhāne
udakukkheparicchedo kātabbo'tivuttaṃ. Udakukkheparicchedo kātabbo'ti iminā vacanena
sīmāpekkhāya saha udakukkhepaṃ vinā attano sabhāveneva nuppajjati viññāyati, tathā hi
udakukkheparicchedake kattāre asati kathaṃ udakukkheparicchedo kātabbo bhavye tasmā
“vaggakamma-parihāratthamaṃ sīmāpekkhāya sati eva udakukkhepasattabbhantarasiṃā uppajjanti,
nāsati'ti idaṃ vacanaṃ sārattadīpaniyañca mātikāṭṭhakathāyañca vuttavacanehi
aññamaññaviruddhaṃ viya dissati vimativinodaniyaṃyeva ca “mahoghena pana unnataṭṭhānato
ninnat̥thāne patantena khato khuddako vā mahanto vā lakkhaṇayutto jātassarova etthāpi khuddake
udakukkhepakiccaṃ natthi samudde pana sabbathā udakukkhepasīmāyameva kammaṃ kātabbaṃ,
sodhetumaṃ dukkarattā'ti vuttaṃ tathā hi ayamācariyavaro pubbe “vaggakamma-parihāratthamaṃ
sīmāpekkhāya sati eva udakukkhepasattabbhantarasiṃā uppajjanti, nāsati'ti vatvā parato
kathamācariyavarena “etthāpi khuddake udakukkhepakiccaṃ natthi'tyādivacanamuccate, tatthāyaṃ
viggaho udakaṃ ukkhipitvā khipiyati etthāti udakukkhepo udakassa patanokāso kintumaṃ, ṭhānaṃ
karitabbamaṃ kiccaṃ karaṇeti dhātu riccapaccayo yaṃ. “Ajjeva kiccaṃ ātappa'nti yathā,
udakukkhepassa kiccaṃ karaṇamaṃ udakukkhepakiccaṃ. Samudde panā ti ettha pana saddo visesattho,
pakkhantarattotipi apare visesatthe pana nadījātassaresu mahantesu udakukkhepasīmāyameva
kātabbaṃ, khuddake pana kevale nadījātassarepi kātabbaṃ samudde pana visesato
udakukkhepasīmāyameva kātabbanti ayamaṃ pana saddassa visesattho. Sabbathā ti sabbena sabbamaṃ.
Udakukkhepasīmāyamevā ti ettha evakāro sanniṭṭhānattho, udakukkhepasīmāyameva kammaṃ
kātabbaṃ, na samuddasiṃāya kadācīti attho yujjateva. Nadījātassaresu pana mahantesu
udakukkhepasīmāya kātabbaṃ, khuddake nadījātassareyeva na kātabbanti ayamaṃ attho sāmattiyato
labbhateva nadījātassaresu khuddakamahantabhāvena nadījātassaraudakukkhepāti dve dve sīmā
labbhanti samudde pana kasmā samuddaudakukkhepavasena dve na labbhantīti samudde pana kasmā
samuddaudakukkhepavasena dve na labbhantīti codanaṃ manasisandhāyāha “sodhetumaṃ
dukkarattā'ti. Tattha sodhetumaṃ dukkarattā ti samuddassa atimahantabhāvena samuddamotiṇṇe
bhikkhū hatthapāsanaṃyamaṃ vā bahisamuddakaraṇamaṃ vā kātumaṃ atidukkamaṃ tasmā sabbathā sabbena
sabbamaṃ udakukkhepasīmāyameva kātabbanti ayamācariyavarassa adhippāyo. Yadi
vaggakamma-parihāratthamaṃ sīmāpekkhāya sati eva udakukkhepasīmā uppajjeyya, evaṃ sati
samuddamotiṇṇe bhikkhusamūheva hatthapāsato bahi kareyya, evaṅca sati sodhetumaṃ dukkarattā'ti
hetupadampi niratthakaṃ bhavye na panevamaṃ sakkā vattumaṃ, tena ñāyati
“vaggakamma-parihāratthamaṃ udakukkhepayojana'nti. Apica tesamaṃ ācariyānaṃ adhippāyena
“mayamaṃ udakukkhepasīmāya na karoma, kevalamaṃ samuddeyeva karomā'ti icchamāne sati kathaṃ
karissanti. Tasmā tesamaṃ matena sīmāpekkhāya saheva udakukkhepasīmāya sambhavato
gatagataṭṭhāne udakukkhepasīmā bhavye evaṅca sati “samudde pana sabbathā
udakukkhepasīmāyameva kammaṃ kātabbaṃ, sodhetumaṃ dukkarattā'ti vacanampi niratthakaṃ
bhavye evaṅca pana vadeyya... sabbaso samuddasiṃāya alabbhamānataṃ sandhāya “samudde
panā'tyādivacanaṃ ācariyavarena vuttanti tathāpi na vattabbamaṃ kasmā evaṅca atthe icchamāne sati
“samudde pana sabbattha udakukkhe pasīmāya labbhati'ti vattabbamaṃ siyā nanevamaṃ vuttaṃ. Athavā

pakaraṇādivasena saddatthe vibhajjīyamānepi virujjhateva kathaṃ saṃyogavasena “savacchaṃ dhenumānehī”ti vutte “gāvī”ti viññāyati, na vaḷavā. “Avacchaṃ dhenu”nti vutte gāvīti viññāyati, na vaḷavāti ettha viya kadācīpi evasaddena nivattetabbassa samuddassa nadiyamiva nātidīghabhāve alabbhamāne sati “samudde pana sabbathā udakukkhepasīmāyameva kammaṃ kātabba”nti evakārena avattabbaṃ siyā, tathā hi saṃyogavippayogavasena “savacchaṃ dhenum, avacchaṃ dhenu”nti vutte gāvīti viññāyati, na vaḷavā. Vaḷavā ca nāma yonimagassa atisambādhattā vijāyitum na sakkonti, gabbhassa pariṇatakāle kucchim phāletvā ājaññapotakaṃ gaṇhanti evaṃ ekagabbheneva maranti tasmā “vaḷavaṃ savaccha”ntivā avaccha”nti vā vattum nārahati evameva kadācīpi nātidīghasamuddassapi anupalabbhamānattā taṃ nivattāpakena evasaddena “samudde pana sabbathā udakukkhepasīmāyameva kammaṃ kātabba”nti apadisitum nārahatiyeva tasmā udakukkhepena sīmā uppajjati tiṇṇhamethhāva gantabbaṃ tena vuttaṃ “evañca atthe icchamāne sati samudde pana sabbathā udakukkhepasīmāva labbhatīti vattabbaṃ siyā na panevaṃ vutta”nti tena ñāyati vaggakamma parihāratthaṃ vālikādīhi khipananti apica vimativinodaniyaṃyeva “gacchantiyā pana nāvāya kātum na vaṭṭati. Kasmā udakukkhepamattameva hi sīmā, taṃ nāvā sīghameva atikkameti evaṃ sati aññissā sīmāya ñatti, aññissā anusāvanā hotī”ti imassa saṃvaṇṇanādhikāre tanti sīmaṃ. Sīghameva atikkameti iminā taṃ anatikkamitvā anto eva parivattamānāya kātum vaṭṭatīti dasseti. Etadatthameva hi vālikādīhi sīmāparicchindanaṃ. Itarathā “bahiparivattā nukho no vā”ti kammakopasankā bhavēyya. Aññissā anusāvanāti kevalāya nadīsīmāya anusāvanā”ti ācariyavarena vuttaṃ. Yadisī māpekkhāya saha attano sabhāvena udakukkhepasīmā uppajjēyya, evaṃ sati nāvāya gatagataṭṭhāne samantato sabhā viya parikhipitvā udakukkhepasīmā uppajjēyya, uppajjamānepi ca aññissā anusāvanāti ca aparāya udakukkhepasīmāya anusāvanāti vattabbaṃ bhavēyya na panevaṃ vuttaṃ athāpi vadeyya “paṭhamotiṇṇaṭṭhāneyeva sīmāpekkhā hoti, gatagataṭṭhāne natthī”ti, tampi vacanaṃ ayuttameva. Kasmā yāva kammaṃ na nipphannaṃ, tāva sīmāpekkhāya vinā asambhavato tena ñāyati “vaggakamma parihāratthaṃ udakukkhepaṃ vinā sīmāpekkhāya saheva attano sabhāvena udakukkhepasīmā nuppajjati”ti tiṇṇhamethhāva gantabbaṃ tasmā nāvāya kammaṃ karonte hi thirataṃ katvā nāvaṃ agamaṇīyaṃ katvāva kātabbaṃ. Sāratthadīpaniyampi “gacchantiyā pana nāvāya kātumnavatṭatīti ettha udakukkhepaṃ anatikkamitvā parivattamānāya kātum vaṭṭatīti veditabba”nti vuttaṃ. Evañca pana vadeyya “yāva parisā vaḍḍhati, tāva sīmāpi vaḍḍhati parisapariyantato udakukkhepoyeva pamāṇanti vinayaṭṭhakathāyaṃ vuttatīti parisavasena vaḍḍhamānā udakakhipanaṃ vināyeva vaḍḍhati upacārasīmā viya tasmā udakukkhepena payojanaṃ natthevā”ti. Taṃ nu, ayañhetthattho... udakukkhepasīmā nāmesā vaḍḍhamānā parisavaseneva vaḍḍhati baddhasīmāyaṃ pana vaḍḍhamānā samūhavasena vaḍḍhati. Kasmā parisavasena vaḍḍhamānā parisapariyantato udakukkhepo kātabboti. Apare evaṃ vadanti pubbe udakukkhepoyeva pamāṇaṃ, puna udakukkhepakiccaṃ natthi, kathinatthasāṭakadānakammavācāviya tathā hi kathinatthasāṭakadānakāle vuttakammavācā ekāyevavaṭṭati, atthateyeva kathine puna varasāṭakaṃ labhitvā kammavācāya dānakiccaṃ natthi evameva etthāpi pubbe udakukkhepoyeva pamāṇaṃ, puna udakukkhepakiccaṃ natthīti te upacārasīmāyameva maññitvā vadanti upacārasīmāyañhi purisāya nisinnaṭṭhānameva upacārasīmābhāvena vaḍḍhati idha pana parisapariyantato udakukkhepappamāṇena vaḍḍhatiyeva na udakukkhepaṃ vināva ijjhate “kathaṃ pana udakaṃ ukkhipitabbaṃ yathā akkhadhuttā dāruḷaṃ khipanti, evaṃ udakaṃ vā vālikaṃ vā hatthena gahetvā thāmamajjhimeṇa purisena sabbathāmeṇa khipitabbaṃ, yattha evaṃ khittāṃ udakaṃ vā vālikaṃ vā patati, ayameko udakukkhepo”ti aṭṭhakathāvacanaṃ bhindanti nāma. Kimivāti ce, ye pana “kammameva kammakaraṇaṃ karoti, natthi nirayapālā”ti vadanti, te “atthi bhikkhave niraye nirayapālā”ti devadūtasuttaṃ bhindanti viyāti. Evañcapana vadeyya ye udakukkhepena saha ijjhanti, tepi “sacepi hi bhikkhusahassaṃ tiṭṭhati, tassa ṭhitokāsassa bāhirantato paṭṭhāya bhikkhūnaṃ vaggakamma parihāratthaṃ sīmāpekkhāya uppannāya tāya saha sayameva sañjātā sattabbhantarasīmā samānasaṃvāsakāti adhippāyo. Yattha pana khuddake araññe mahantehi vā bhikkhūhi paripuṇṇatāya vaggakammasaṅkabhāvena sattabbhantarasīmāpekkhā natthi, tattha sattabbhantarasīmā na uppajjati, kevalāraññasīmāyameva tattha saṅghena kammaṃ kātabbaṃ nadīdīsipi esevanayo”ti vimati vinodaniyaṃ vuttavacanaṃ bhindanti nāmāti. Taṃ na, tena no kā hāni evampi amhākaṃ vāde koci virodho na vijjateva. Kasmāti ce, ime dve saddaracānāpi asambandhāva bhinnalakkhaṇā bhinnavisayā cetā sīmā. Kathaṃ saddaracānā asambandhā. Yathā araññe tattha sattabbhantarasīmā na uppajjati, kevalāraññamevāti vuccati, eva meva “nadiyāpi sabbattha saṅgho nisīdati, udakukkhepasīmā nuppajjati”ti avatvā “udakukkhepasīmā kammaṃ natthī”ti kriyāparāmasanavasena vuttaṃ. Karitabbaṃ kammaṃ. Kiṃ taṃ, khipanaṃ. Evampi saddaracānā

asambandhāva. “Vaggakammāparihāratthaṃ...pe... udakukkhepasīmā sattabbhantarasīmā uppajjati, nāsati”ti ettha “nāsati”ti imassa udakukkhepena vināpīti atthopi yujjateva. Kasmāti ce “sīmāpekkhāya satievā”ti iminā anulomanayavasena “sīmāpekkhāya asati nuppajjati”ti attho yujjateva. Kecipana “samantā abbhantaraṃ minivā paricchedakaraṇeṇeva sīmā sañjāyati, na sayamevā”ti vadanti taṃ na gahetabbaṃ. Yadi hi...pe... yathā cettha, evaṃ udakukkhepasīmāyapi nadīādīsūpi tathāpi hi majjhimapurisō na ñāyati, tathā sabbathāmena khipananti imināpi vacanena ācariyavarassa udakukkhepena saheva sīmāpekkhāya sati udakukkhepasīmā uppajjati, nāsati adhippāyo ñāyati. Kathaṃ bhinnalakkhaṇā, gāmasīmasattabbhantaraudakukkhepasīmā kiñcāpi abaddhasīmasāmañña samānā, na pana samānalakkhaṇā tathā hi “asammatāya bhikkhave sīmāya aṭṭhapitāya yaṃ gāmaṃ vā nigamaṃ vā upanissāya viharati, yā tassa gāmassa vā gāmasīmā, nigamassa vā nigamasīmā, ayaṃ tatha samānasamvāsā ekūposathā”ti imasmiṃ sikkhāpade khuddako vā mahanto vā sabbopi gāmapadeso gāmasīmāti anuññātā, na sattabbhantarasīmāya viya samantā leḍḍupātukkhepena anuññātā abbhantarasīmāyapi agāmake ce araññe yaṃ nissāya viharati, tassa araññassa araññasīmāti nānuññātā tathā nadīsamuddajātassaresūpi gāmasīmāyamiva sabbo nadīsamuddajātassarapadeso nadīsamuddajātassa rasīmāti evameva na anuññātā tathā abbhantarasīmāyamiva samantā sattabbhantarāti vā nānuññātā evamimā gāmasīmasattabbhantaraudakukkhepasīmā bhinnalakkhaṇā, tasmā bhagavatā paññattasikkhāpadānusāreṇeva gāmasīmāyapi khuddako vā mahanto vā sabbo gāmapadeso gāmasīmāva hoti, sattabbhantarasīmāyapi “samantā sattabbhantarā”ti paññattasikkhāpadānusāreṇa samantā sattabbhantarasīmā sīmāpekkhāya saha sayameva uppajjati”ti minanāminanavicāraṇā pana nīratthakāva tathā udakukkhepasīmāyapi “majjhimassa purisassa samantā udakukkhepā”ti paññattasikkhāpadānurūpaṃ udakukkhepena saheva uppajjati natthi khipanākipana vicāraṇāya payojananti. Kathaṃ bhinnavisayā sattabbhantarasīmā araññavisayā, udakukkhepasīmā nadīsamuddajātassaravisayā, evampi etā gāmasīmasattabbhantaraudakukkhepasīmā bhinnavisayāva tasmā “nadīādīsū eseva nayo”ti vuttepi sattabbhantarasīmā apekkhāya saheva attano sabhāveṇeva sattabbhantarasīmā uppajjati yathā. Evameva udakukkhepasīmāyapi apekkhāya saha udakukkhepaṃ katvāva vaggakammāparihāratthaṃ udakukkhepasīmā uppajjati, na vināti sannīṭṭhānaṃ kātabbaṃ. Nanu ca mātīkāṭṭhakathāyaṃ paricchedabbhantare hatthapāsāṃ vijahitvā ṭhitopi, paricchedā bahi aññaṃ tattakāmyeva paricchedaṃ anatikkamitvā ṭhitopi kammaṃ kopeti, idaṃ sabbaaṭṭhakathāsu sinnīṭṭhāna’nti vuttavacane navirujjhatīti ce. Taṃ na, mātīkāṭṭhakathāyaṃ “sace pana dvesaṅghā viṣuṃviṣuṃ uposathādīkammaṃ karonti, dvinnāṃ udakukkhepānaṃ antare añño eko udakukkhepo upacārathāya ṭhapetabbo”ti dvinnāṃ saṅghānaṃ viṣuṃ viṣuṃ kammakaraṇādīkāre vuttattā. Sāratthadīpaniyampi “tatha aññaṃ tattakāmyeva paricchedaṃ anatikkamitvā ṭhitopi kammaṃ kopetīti idaṃ neva pāliyaṃ, na aṭṭhakathāyaṃ upalabbhati. Yadi cetāṃ dvinnāṃ saṅghānaṃ viṣuṃviṣuṃ uposathādīkammakaraṇādīkāre vuttattā udakukkhepato bahi aññaṃ udakukkhepaṃ anatikkamitvā uposathādīkaraṇatthaṃ. Ṭhito saṅgho sīmāsambhedasambhavato kammaṃ kopetīti iminā adhippāyena vuttaṃ siyā. Evaṃ sati yujjeyya, teneva mātīkāṭṭhakathāyaṃ līnatthappakāsaniyaṃ aññaṃ tattakāmyeva paricchedanti dutiyaṃ udakukkhepaṃ anatikkamantopi kopeti. Kasmā, attano udakukkhepasīmāya paresāṃ udakukkhepasīmāya ajjhotthatattā sīmāsambhedo hoti, tasmā kopetīti “idaṃ sabbaaṭṭhakathāsu sannīṭṭhāna’nti ca iminā adhippāyena vuttanti gahetabbaṃ. Sabbāsūpi aṭṭhakathāsu sīmāsambhedassa anicchitattā teneva attano ca aññesaṅga udakukkheparicchedassa antarā añño udakukkhepo sīmantarikatthāya ṭhapetabboti vuttaṃ. Aññaṃ panettha aññathāpi papañcenti, taṃ na gahetabba’nti vatvā paṭikkhattaṃ. Tassa “antohatthapāsāṃ vijahitvā ṭhito kammaṃ kopetīti iminā paricchedato bahi yatthakatthaci ṭhito kammaṃ na kopetīti dīpetīti sārathadīpanīvacanenāpi ekasmiṃ saṅghasannipāte paricchedato bahi aññaṃ tattakāmyeva paricchedaṃ anatikkamitvā ṭhitopi kammaṃ na kopetīti vedītabbameṭaṃ sārathadīpaniyaṃyeva imamatthaṃ daḥhikaraṇavasena udakukkhepappamāṇā sīmantarikā suviññeyyatarā hoti, sīmāsambhedasaṅkā ca na siyāti sāmīcidassanattāṃ añño udakukkhepo sīmantarikatthāya ṭhapetabbo’ti vuttaṃ. Yattakena pana sīmāsambhedo na hoti, tattakāṃ ṭhapetuṃ vaṭṭatiyeva, tenāhu porāṇā “yattakena sīmasaṅkaro na hoti, tattakampi ṭhapetuṃ vaṭṭati. Khuddakaṃ pana na vaṭṭati”ti idampi udakukkhepasīmāya parisavasena vaḍḍhanato sīmasambhedasaṅkā siyā. Taṃ nivāraṇatthameva vuttanti.

Pāliṃ aṭṭhakathāñceva, ṭīkāvimatiādike;
Oloketvā punappunaṃ, maññantu kavipuṅgavāti;

Ayamettha udakukkhepasīmāya vicāraṇā.

Janapadasīmā nāma ekassa rañño vijite pavatto mahāmaccānaṃ nivāsabhūto ekameko padeso janapadasīmā nāma.

Raṭṭhasīmā nāma kāsikosalādikā soḷasa mahājanapadā. “Soḷasamahānagara”ntipi tesam nāmaṃ. Tattha soḷasa mahājanapadāni nāma. Aṅgaraṭṭhaṃ, magadharaṭṭhaṃ, kosalarāṭṭhaṃ, vajjiraṭṭhaṃ, cetiyaraṭṭhaṃ, kururaṭṭhaṃ, pañcālaraṭṭhaṃ, majjharaṭṭhaṃ, surasenaraṭṭhaṃ, assakaraṭṭhaṃ, avantiraṭṭhaṃ, gandhālaraṭṭhaṃ, mallaraṭṭhaṃ, kambojaraṭṭhanti imāni soḷasamahājanapadāni nāma. Ime soḷasamahājanapadā majjhimapadeseyeva pavattā mahāraṭṭhā nāma tadaññepi sunāparantaraṭṭhādikā bahutarāva. Tathā paccantavisayepi rāmaññādikā anekappabhedā mahāraṭṭhā attheva tepi sabbe raṭṭhasīmā nāma. Lokiyasatthesu pana yasmim padese khattiyabrāhmaṇavessasuddavasena catuvaṇṇāni vasanti, so padeso “mahāraṭṭho”ti pavuccati. Vuttañhe taṃ porāṇehi.

“Pavattā catuvaṇṇānaṃ, yasmim padese na vijjate;
So milakkhadeso vutto, puññabhūmi tato para”nti.

Rajjasīmā nāma ekassa rañño āṇāpavattaṭṭhānaṃ rajjasīmā nāma.

Dīpasīmā nāma samuddantare vā nadimajjhe vā pavattā dīpā dīpasīmā nāma. Yasmim pana dīpe gāmā vasanti, so gāmasīmātveva saṅkhyāṃ gacchati, vakkhati hi sukkhe jātassare vāpim vā khaṇanti vappaṃ vā karonti, taṃ thānaṃ gāmakhettaṃ hotīti.

Cakkavāḷasīmā nāma “āyāmato ca vitthārato ca yojanānaṃ dvādasasatasahassāni tīṇisahassāni cattārisatāni paññāsañcayojanāni.

Parikkhepato

“Sabbam satasahassāni, chattiṃsaparimaṇḍalaṃ;
Dasañceva sahasāni, aḍḍhuḍḍhāni satānicā”ti.

Vuttaṃ ekaṃ cakkavāḷaṃ cakkavāḷasīmā nāma. Evaṃ pannarasappabhedā hoti sīmā. Tattha iddhiṃ puggalo yasmim yasmim vā sīme uposathādisaṅghakammaṃ karoti, tattha tattha gate bhikkhū hatthapāsanayanaṃ vā bahisīmakaraṇaṃ vā kātuṃ chandārahānaṃ, chandaṃ āharitvā kātuṃ sakuṇeyyabhāvoyeva pamāṇaṃ. Evamasakkonte aniddhimapuggale sandhāya atimahantāraññe samantā sattabbhantarasīmā anuññātā. Tattha sīmāpekkhāya saha samantā sattabbhantarasīmā attano sabhāveneva jātā tathā nadīsamuddajātassaresupi majjhimassa purisassa samantā udakukkhepasīmā anuññātā tatthapi vaggakammaparihāratthaṃ sīmāpekkhaṃ katvā udakukkhepena saha udakukkhepasīmā uppajjati tathā gāmanigamajanapadanagararaṭṭharajjasīmāsupi vaggakammaparihāratthaṃ baddhasīmā anuññātā. Tato paresu pana gāmasīmasattabbhantaraudakukkhepasīmā nuññātasuttānulomanayasāmatthiyato khuddakesu gāmanigamajanapadanagaresu tattha tattha gate bhikkhū sodhetvā chandārahānaṃ chandaṃ āharitvā samaggassa saṅghassa anumatiyāva uposathādisaṅghakammaṃ kātabbameva tathā khuddake araññepi nadījātassarepi yathāsukhaṃ uposathādisaṅghakammaṃ kātabbamevāti.

Evaṃ paricchindanalakkhaṇena abhedepi baddhābaddhavasena duvidhā. Tappabhedena pannarasavidhā, sarūpavasena pana khaṇḍasīmā, upacārasīmā, samānasamvāsasīmā, avippavasasīmā, lābhasīmā, gāmasīmā. Nigamasīmā, nagarasīmā, abbhantarasīmā, araññasīmā, udakukkhepasīmā, nadīsīmā, jātassarasīmā, samuddasīmā, janapadasīmā, raṭṭhasīmā, rajjasīmā, dīpasīmā, cakkavāḷasīmāti ekūnavīsappabhede pi sīme vipattilakkhaṇaṃ pahāya sampattilakkhaṇappakāsakaṃ sīmavisodhanīnāma pakaraṇaṃ samattaṃ.

Iti

“Sīmavisodhaniṃ nāma, nānāganthasamāhaṭaṃ;
Karissaṃ me nisāmentu, sādhave kavipuṅgavā.

Pāliṃ aṭṭhakathañceva, mātikāpadabhājanīṃ;
Ogāhetvāna taṃ sabbam, punappunamasesato.

Attanomatiganthesu, ṭikāgaṇṭhipadesu ca;
Vinicchayavimatīsu, mātikāṭṭhakathāsupi.

Sabbam asesakam katvā, saṃsanditvāna ekato;
Pavattā vaṇṇanā esā, tosayantī vicakkhaṇe”ti.

Imesaṃ gāthāpadānaṃ attho sabbaso saṃvaṇṇito hoti.

Sīmasampattikathā niṭṭhitā.

Parisasampattināma ekavīsativajjanīyapuggale vajjetvā etarahi ñatticatutthakammena upasampannā bhikkhū paccantimesu janapadesu pañcavaggato paṭṭhāya, majjhimesu janapadesu dasavaggato paṭṭhāya sabbe hatthapāsam avijahitvā nisinnā honti, ayaṃ parisasampatti nāma. Tattha ekavīsati vajjanīyā nāma “na bhikkhave saga ṭṭhāya parisāyā”ti vacanato heṭṭhā “na bhikkhave bhikkhuniyā nisinnaparisāya pātimokkham uddisitabba”nti ādināyena vuttā bhikkhunī, sikkhamānā, sāmaṇero, sāmaṇerī, sikkhāpaccakkhātako, antimavatthuajjhāpannako, āpattiyā adassane ukkhittako, āpattiyā appaṭikamme ukkhittako, pāpikāya diṭṭhiyā appaṭinissagge ukkhittako, paṇḍako, theyyasamvāsako, titthiyapakkantako, tiracchānagato, māghātutako, pitughātako, arahantaghātako, bhikkhunidūsako, saṅghabhedako, lohituppādako, ubhatobyañjanakoti te bahisīmakaraṇavasena nisinnāti attho. Yadi te hatthapāse vā sīmeyeva vā honti, te avajjetvā pañcavaggādiko pakatattagaṇo hatthapāsam avijahitvā nisinnā hoti, kārakasaṅgho sāvajjo, kammaṃpana na kuppātī kasmā avaggārahattā. Aparepana evaṃ vadanti antimavatthuajjhāpannassa avandanīyesu avuttattā, tena saddhiṃ sayantassa sahaseyyāpattiyā abhāvato tassa ca paṭiggahaṇassa rūhanatoti tadeva yuttataranti viññāyati, kiñcāpi yāva so bhikkhubhāvaṃ paṭijānāti, tāva vanditabbo. Yadā pana “assamaṇomhī”ti paṭijānāti, tadā na vanditabboti ayamettha viśeso veditabbo. Antimavatthuajjhāpannassa hi bhikkhubhāvaṃ paṭijānantasseva bhikkhubhāvo, na tatoparaṃ. Bhikkhubhāvaṃ paṭijānanto hi anupasampannapakkham bhajatīti majjhimagāṇṭhipade sārattadīpaniyañca vuttattā antimavatthuajjhāpannapubbo bhikkhu attano kāraṇaṃ ajānitvāva tena saha pañcavaggagaṇo uposathādisaṅghakammaṃ karoti, kārakasaṅgho anavajjo, kammampi na kuppātīti, tesam matimattameva. Kasmā sahaseyyāpatti abhāvopi tassa bhikkhusaññāya paṭiṭṭhitattā, paṭiggahaṇaruhaṇassa ca tasmīṃ puggale bhikkhūti saddahitattā tena puggalena sahaseyyāpattipi natthi, paṭiggahaṇaṇca ruhati, ekavīsativajjanīyapuggalepi tathāvidhassa avicārikattā tena saha pañcavaggagaṇo uposathādisaṅghakammaṃ karonto kārakasaṅgho asañicca anupavajjo. Kammaṃ pana kuppātīti amhākaṃ khanti, ito yuttataro labbhamāno pariyesitabbova.

Parisasampattikathā niṭṭhitā.

Evaṃ vatthuñattianusāvanasīmaparisasampattivasena pañcahi aṅgehi sampannoti pañcaṅgoti vā samaggena saṅghena ñatticatutthena kammena akuppēna ṭhānārahena uparibhāvaṃ samāpannoti vā dvīhi kāraṇehi laddhanāmo ñatti catutthaupasampannabhāvo atidullabhova.

Evaṃ buddhuppādo dullabho, tato pabbajjā ca upasampadā cā ti imesaṃ tiṇṇaṃ padānaṃ atto vuttoyeva hoti.

Iti sāgarabuddhittheraviracite sīmavisodhane

Upasampadākaṇḍo paṭhamo paricchedo.

2. Kappavināsakaṇḍo

Idāni **buddhuppādadullabhakathā**

‘‘Buddho ca dullabho loke, saddhammasavanampi ca;
Saṅgho ca dullabho loke, sappurisāti dullabhā’’ti.

Imissā gāthāya samvaṇṇanākkamo sampatto. Tattha imasmiṃ sattaloke okāsaloke vā sabbaññusammāsambuddho dullabhova tathā hesa loko saṅkhāraloko, sattaloko, okāsalokoti tippabhedo hoti tesam sampattivipatti ca evaṃ veditabbā tattha lujjati palujjati lokoti vacanatthena sattaloko veditabbo. Lokiyanti patitṭhahanti ettha sattanikāyāti vacanatthena okāsaloko veditabbo. Tathā hesa sattā avakasanti etthātiokāsoti vuccati so bhūmivasena apāyabhūmi, kāmasugatibhūmi, rūpāvacarabhūmi, arūpāvacarabhūmiceti catubbidhā hoti. Tattha nirayaṃ, tiracchānayoṇi, pettivisayo, asurakāyo, ti catasso apāyabhūmi nāma. Manussā, cātumahārājikā, tāvatimsā, yāmā, tusitā, nimmānarati, paranimmitavasavattī ceti sattavidhā hoti kāmasugatibhūmi sāpanāyaṃ ekādasavidhāpi kāmataṇhā avacarati etthāti vacanatthena kāmāvacarabhūmi nāma. Brahmaṃpārisajjā, brahmapurohitā, mahābrahmā ca paṭhamajjhānabhūmi idaṃ agginā pariggahitaṭṭhānaṃ. Parittābhā, appamāṇābhā, ābhassarā ca dutiyajjhānabhūmi idaṃ āpena pariggahitaṭṭhānaṃ. Parittasubhā, appamāṇasubhā, subhakiṇhā ca tatiyajjhānabhūmi idaṃ vātena pariggahitaṭṭhānaṃ, tesam vipattiṃ parato vaṇṇayissāma. Vehapphalā, asaṅghasattā, suddhāvāsā ca catutthajjhānabhūmiceti rūpāvacarabhūmi soḷasavidhā hoti. Avihā, atappā, sudassā, sudassī, akaniṭṭhāceti suddhāvāsabhūmi pañcavidhā hoti. Ākāsānañcāyatanabhūmi, viññāṇañcāyatanabhūmi, ākiñcaññāyatanabhūmi, nevasaññānāsaññāyatanabhūmiceti catubbidhā hoti arūpabhūmi. Ettāvatā ekatimsappabhedāpi bhūmi avakasanti ettha sattanikāyāti vacanatthena okāsoti vuccati. Tattha aṭṭha mahānirayāni apāyabhūmi nāma. Tiracchānaṃ pettivisayo asurakāyoti imesaṃ visuṃ bhūmi nāma natthi, manussabhūmiyaṃyeva yattha katthaci araṅghavanapatthādīsu nibaddhāvāsam vasanti soyeva padeso tesam bhūmi. Manussabhūmito dvetālīsahassayojoṇo yugandharappamāṇo sineruno pañcamāḷindho cātumahārājikabhūmi. Tatupari dvetālīsahassayojoṇaṃ sinerumatthakaṃ tāvatimsānaṃ bhūmi. Tatupari dvetālīsahassayojoṇaṃ ṭṭhānaṃ yāmānaṃ bhūmi. Iminā nayena yāva vasavattibhūmi dvetālīsahassayojoṇe tiṭṭhati, tasmā manussabhūmito yāva vasavattibhūmi dvesahassānipañcana hutāni duvesatasahassāni yojanāni honti, tenetaṃ vuccati.

‘‘Manussabhūmito yāva, bhūmi vasavattantarā;
Dve satasahassāni, pañcanahutameva ca.

Dvesahassaṅga madhikaṃ, yojanānaṃ pamāṇato;
Gaṇanā nāma bhūmīsu, saṅkhyā evaṃ pakāsītā’’ti.

Tatupari brahmaṃpārisajjādayo tayo brahmuno pañcapanñāsasatasahassa aṭṭhasahassayojoṇe samatale ṭṭhāne tiṭṭhanti. Dutiyatatiyabhūmībrahmunopi tappamāṇesu samatalesu tiṭṭhanti. Catutthabhūmiyaṃ pana vehapphalaasaṅghasattā tappamāṇe samatale ṭṭhāne tiṭṭhanti. Tatuparisuddhāvāsabhūmiyo taṃtaṃ pamāṇe ṭṭhāne uparūpari tiṭṭhanti. Catassopi arūpabhūmiyo tappamāṇe ṭṭhāne uparūpari tiṭṭhanti. Ettāvatā ca manussabhūmito yāva bhavaggā yojanānaṃ sattakoṭi ca aṭṭhārasalakkhā ca pañcanahutāni ca chasahassāni ca honti tenetaṃ vuccati porāṇehi.

‘‘Heṭṭhimā brahmalokamhā, patitā mahatī silā;
Ahorattena ekena, uggatā aṭṭhatālīsam.

Yojanānaṃ sahasāni, cātumāsehi bhūmi;
Evaṃ vuttappamāṇena, sāyaṃ heṭṭhimabhūmi.

Ito satasahassāni, sattapaññāsa cāparaṃ;
Saṭṭhi ceva sahasāni, ubbedhena pakāsītā.

Yojanesupi vuttesu, hitvā kāmappamāṇakam;
Sesāni vasavattīnam, pārissajjāna mantaram.

Taṅca pañcahi paññāsa, satahassāni cāparam;
Aṭṭha ceva sahasāni, yojanāni pavuccare.

Ito parāsu sabbāsu, brahmabhūmīsu yojanā;
Tappamāṇāva daṭṭhabbā, nayaggāhena dhīmatā.

Bhūmito ābhavaggamhā, sattakoṭi aṭṭhārasa;
Lakkhā pañca nahutāni, chasahassāni sabbadāti.

Esā ca vicāraṇā ṭīkā cariyamatena katā;
Idameva sandhāya, yāvatā candimasūriyā.

Pariharanti disā bhanti, virocāmānā yāvatā;
Tāva sahasadhā loke, ettha te vattatī vaso''ti.

Vuttaṃ. Etthantare sattā tiṭṭhanti, tesam vitthāro apubbam katvā kathetum asakkuṇeyyattā na vakkhāma imasmiṃ sattaloke okāsaloke ca sabbaññusammāsambuddhova dullabho, tathā hi cattāro buddhā anubuddho, sāvakabuddho, paccekabuddho, sammāsambuddhoti. Tattha bahussutaṃ bhikkhum pasamsantena ca na so tumhākam sāvako nāma, buddhonāmesa cundāti bahussutassa bhikkhuno buddhabhāvaṃ anujānantena ca.

Dhammakāyo yato satthā, dhammo satthukāyo mato;
Dhammāsikoso saṅho ca, satthusāṅkhyampi gacchatīti.

Vutte puthujjanopi upacāravasena vācanāmaggassa bodhattā anubuddho nāma. Ariyasāvako pana parato yosavasena cattāri saccāni bujjhati bujjhanamattameva vāti vacanatthena bujjhanasabhāvattā sāvakabuddho nāma. Yo pana khaggavisāṇakappo sayambhūñāṇena anaññabodhako hutvā sāmaṃ bujjhanatthena paccekabujjhattā paccekabuddho nāma. Sambuddhotipi etasseva nāmaṃ. Yo pana saṅkhatāsaṅkhatappabhedam sakalampi dhammajātam yāthāvasarasalakkhaṇappaṭivedhavasena sammā pakārena sayam pacitupāramitāsayambhūtena sayambhūñāṇena sayameva anaññabodhito hutvā savāsanasammohaniddāya accantam vigato dīnakarākiraṇasamāgamena paramarucirasirīsobhaggappattiyā vīkasitamiva padumaṃ aggamaggañāṇasamāgamena aparimitaguṇagaṇālaṅkatasabbaññūtaññāṇappattiyā sabbadhamme bujjhi abujjhi aññāsīti sammāsambuddho, bhagavā, sova loke dullabho paccekasambuddhānampi hi ekasmiṃ kāle satahassādivasena ekato pavattattā te dullabhāpi anacchariyajātattā paresam maggaphalādhigamāya upanissayarahitattā ca sammāsambuddhova loke dullabho, ayam lokasampattivicāraṇā.

Katham lokassa vipatti veditabbā tathā hesa loko vinassamāno tejenapi āpenapi vāyunāpi vinassati. Tassa vitthāro visuddhimaggādīsu vuccamānopi kesañci puggalānam matena micchāgāhattā brahmūnam āyunā minitepi asamānam saṃvaṭṭasīmāpi viruddhā, tasmā tesam vādam apanetvā ganthato samānetvā vakkhāma. Tattha cattāri asaṅkhyeyyāni. Katamāni cattāri asaṅkhyeyyāni saṃvaṭṭo, saṃvaṭṭaṭṭhāyī, vivaṭṭo, vaṭṭaṭṭhāyīti. Tayo saṃvaṭṭā āposamvaṭṭo, tejosamvaṭṭo, vāyosamvaṭṭo. Tisso saṃvaṭṭasīmā ābhassarā, subhakiṇhā, vehapphalāti. Ayamettha uddeso. Tattha saṃvaṭṭo nāma parihāyamāno kappo. Tena saṃvaṭṭaṭṭhāyīpi gahito hoti, tam mūlakattā. Vaḍḍhayamāno vivaṭṭakappo nāma. Tena vivaṭṭaṭṭhāyīpi gahito tam mūlakattā. Tattha saṃvaṭṭoti vināso. Yadā kappo vinassamāno tejena saṃvaṭṭati, ābhassarato heṭṭhā paṭhamajjhānabhūmi agginā dayhati. Yadā āpena saṃvaṭṭati, subhakiṇhato heṭṭhā yāva dutiyajjhānabhūmi udakena vilīyati. Yadā vāyunā saṃvaṭṭati, vehapphalato heṭṭhā yāva tatiyajjhānabhūmi vātena saṃvaṭṭati. Vitthārato pana jātikhetta añākhettavisayakhettavasena tiṇṇam buddhakhettānam añākhettam vinassati. Tasmiṃ vinaṭṭhe jātikhetampi vinassateva. Tattha jātikhettam dasasahassacakkavāḷapariyantam hoti. Tam tathāgatassa

paṭisandhiggahaṇaāyusāṅkhārossajjanādikālesupi kampati. Āṇākhettam
koṭisatasahassacakkavāḷapariyantam. Yattha ratanasuttam khandhaparittam dhajaggaparittam
āṭṇāṇīyaparittam moraparittanti imesam parittānam ānubhāvo pavattati. Visayakhetam anantam
aparimānam. Tattha jātikhetāāṇākhettāvasena dve khettāni ekato vinassanti. Saṅghahantampi ekato
saṅghahati. Tassa vināsoca saṅghahantañca evam vedittabam yasmim samaye kappo agginā nassati,
tadā ādito kappavināsakamahāmegho vuṭṭhahitvā koṭisatasahassacakkavāḷam ekameghavassam vasi,
tuṭṭhā manussā bījāni vappenti, sassesu gokhāyitamattesu jātesu gadrabharavam viravanto
ekabindupi na patati. Yadā pacchinnameva hoti tadā vassūpajīvino sattā kālam katvā parittābhesu
brahmabhūmīsu uppajjanti puññaphalūpajīvinopi devatā tattheva brahmaloke uppajjanti, evam
dīghassa addhuno accayena tattha tattha udakam parikkhayam gacchati, macchakacchapādi
udakanissitā pāṇā kālam katvā manussadevalokesu nibbattitvā jhānam uppādetvā brahmaloke
nibbattanti. Nerayikasattāpi sattamasūriyapātubhāvā vinassanti, tepi devaloke
paṭiladdhajjhānavasena brahmaloke uppajjanti, tadā hi lokabyūhā nāma kāmāvacaradevā ukkhittasirā
vikiṇṇakesā rudamukhā assūni hatthehi muñcamānā rattavatthanivatthā ativiya virūpavesadhārino
hutvā manussapathe vicarantā evam ārocenti “mārisā bho ito vassasata sahasaccayena
kappavuṭṭhānam bhavissati ayam loko vinassissati mahāsamuddopississati ayañca mahāpathavī
sinerupabbatarājā ḍayhissati vinassissati yāvabrahmalokā vināso bhavissati mettam mārisā bhāvettha.
Karuṇam, muditam, upekkham mārisā bhāvettha mātaram upaṭṭhahatha, pitaram upaṭṭhahatha, kule
jetṭhāpacāyino hothā”ti. Tesam vacanam sutvā yebhuyyena manussā ca bhummadevatā ca
saṃvegajātā aññamaññam muducittā hutvā mettādīni puññāni karitvā devaloke nibbattanti. Tattha
sudhābhojanam bhuñjitvā vāyo parikkhamam katvā jhānam paṭilabhanti, evam nerayikasattāpi
aparāpariyakammena devalokam nibbattanti. Ye pana niyatamicchādīṭṭhikā tesam kammassa
aparikkhayā aññacakkavāḷesu attano kammānurūpam vipākamanubhonti. Teneva ahosikamme
micchādīṭṭhivasena akattabam nāma pāpam natthi, yato saṃsārakhāṇubhāvova nāma hotīti āha
“dīṭṭhi paramāni bhikkhave vajjāni”ti. “Aparāpariyavedanīyakammarahitopi saṃsaranto satto nāma
natthī”ti vuttatā. “Aparāpariyakammavasena yato micchādīṭṭhisamādānato
sappurisūpanissayavasena virājetvā bhavato vuṭṭhānam nāma bhavyeyyāti amhākam khanti. Evam
devaloke paṭiladdhajjhānavasena sabbepi brahmaloke nibbattanti. Vassupacchedato pana uddham
dīghassa addhuno accayena dutiyo sūriyo pātubhavati. Pātubhūte ca tasmim neva rattiparicchedo, na
divā paricchedo paññāyati, eko sūriyo utṭheti, eko sūriyo attham gacchati.
Avicchinnasūriyasantāpova loko hoti.

Pakatisūriye sūriyadevaputto atthi kappavināsakasūriye pana natthi. Pakatisūriyobhāsena ākāse
valāhākā dhūmasikhāpi caranti. Kappavināsakasūriyobhāsena vigatadhūmavalāhākam
ādāsamaṇḍalam viya nimmalam hoti nabham ṭhapetvā gaṅgā, yamunā, sarabhū, aciravatī, mahīti,
imā pañca mahānadiyo ṭhapetvā avasesapañcasatakunnadīdīsū udakam sussati tato dīghassa
addhuno accayena tatiyo sūriyo pātubhavati tasmim pātubhūte pañca mahānadiyopi sussanti. Tato
dīghassa addhuno accayena catuttho sūriyo pātubhavati. Yassa pātubhāvā himavatī mahānadinam
pabhavā sīhapatano, haṃsapatano, mandākinī, kaṇṇamuṇḍako, rathakāradaho, anotattadaho,
chaddantadaho, kuṇāladahoti ime satta mahāsarā sussanti. Tato dīghassa addhuno accayena pañcamo
sūriyo pātubhavati, yassa pātubhāvā anupubbena mahāsamuddo aṅgulipabbatemanamattampi
udakam na saṅghāti. Tato dīghassa addhuno accayena chaṭṭho sūriyo pātubhavati, yasmim pātubhāve
sakalacakkavāḷam ekadhūmam hoti, pariādinnasinehadhūmena yathā ca evam
koṭisatasahassacakkavāḷampi. Tatopi dīghassa addhuno accayena sattamo sūriyo pātubhavati, yassa
pātubhāvā sakalacakkavāḷam ekajalam hoti saddhim koṭisatasahassacakkavāḷehi yojanasatikādibhedā
sinerukūṭāni palujjitvā ākāseyeva antaradhāyanti. Sāpi aggijālā utṭhahitvā cātumahārājike gaṇhāti,
tattha kanakavimānaratanavimānāni jhāpetvā tāvatimsabhavanam gaṇhāti etenūpāyena yāva
paṭhamajjhānabhūmi gaṇhāti. Tattha tayopi brahmaloke jhāpetvā ābhassare āhacca aṭṭhāsi. Sā yāva
aṇumattampi saṅkhāragatam atthi, tāva nanibbāyi. Sabbasaṅkhāraparikkhayā pana
sappitelajjhāpanaaggisikhā viya chārikampi anavasesetvā nibbāyi. Heṭṭhā ākāse saha upari ākāso
eko hoti mahandhakāro. Evam kappavināsakamahāmeghato yāvajjalaparicchedā saṃvaṭṭo nāma
ekamasāṅkhyeyyam nāma. Atha dīghassa addhuno accayena mahāmegho vuṭṭhahitvā paṭhamam
sukhumam vassati. Anupubbena kumudanālayaṭṭhimusalatālakhandhādippamāñāhi dhārāhi
vassanto koṭisatasahassacakkavāḷesu sabbaḍaḍḍhaṭṭhānam pūretvā antaradhāyati. Tam udakam
heṭṭhā ca tiriyañca vāto samuṭṭhahitvā ghanam karoti. Parivaṭṭumam paduminipatte

udakabindusadisam. Evaṃ aggijālanibbāyanato yāva koṭisatasahassacakkavāḷaparipūrato sampattimahāmegho, idaṃ samvaṭṭaṭṭhāyī nāma, dutiyamasāṅkhyeyyaṃ nāma. Kathaṃ tāva mahantaṃ udakarāsiṃ vāto ghaṇaṃ karotīti ce. Vivarasampadānato taṃ vā tena piṇḍiyamānaṃ ghaṇaṃ kariyamānaṃ parikkhayamānaṃ anupubbena heṭṭhā otarati. Otiṇṇotiṇṇe uduke pubbe brahmalokaṭṭhāne brahmapāri sajja-brahmapurohitamahābrahmāvasena paṭhamajjhānabhūmi paṭhamaṃ pātubhavati. Tato otiṇṇotiṇṇe uduke catukāmāvacaradevalokaṭṭhāne anukkamena paranimmitavasavattī, nimmānaratī, tusitā, yāmāti cattāro kāmāvacaradevalokā pātubhavanti. Tato purimathaviṭṭhānaṃ otiṇṇe pana uduke balavavātā uppajjanti. Te taṃ pidahitadvāre dhamakaraṇe ṭhitaudakamiva nirussāsaṃ katvā nirujjhanti. Madhurodakaṃ parikkhayaṃ gacchamānaṃ upari rasapathaviṃ samuṭṭhāpeti sā vaṇṇasampannāceva hoti gandharasasampannā ca, nirudakapāyāsassa upari paṭalaṃ viya tadā ca ābhassarabrahmaloke paṭhamatarābhiniṃbattā sattā āyukkayaṃ vā puññakkhayaṃ vā tato cavitvā idhūpapajjanti. “Puññakkhayaṃ vā”ti iminā brahmūnaṃ āyuparicchedaṃ appatvāva kammakkhayaena maraṇaṃ viññāyati. Te honti sayampabhā antalikkhacarā. Te aggaññasutte vuttanayena taṃ rasapathaviṃ sāyitvā taṇhābhābhūtā āluppakāraṃ paribhuñjitum upakkamanti. Atha nesaṃ sayam pabhā antaradhāyati, andhakāro hoti te andhakāraṃ disvā bhāyanti. Tato nesaṃ bhayaṃ nāsetvā sūrabhāvaṃ janayantaṃ paripuṇṇapaṇṇāsayojanaṃ sūriyamaṇḍalaṃ vā pātubhavati. Te taṃ disvā “ālokaṃ paṭilabhimhā”ti haṭṭhatuṭṭhā hutvā “amhākaṃ bhayaṃ nāsetvā sūrabhāvaṃ janayanto uṭṭhito, tasmā sūriyo hotū”ti sūriyo tvevassa nāmaṃ karonti. Atha sūriye divasaṃ ālokaṃ katvā atthaṅgate “yampi ālokaṃ labhimhā, sopi no naṭṭho”ti puna bhītā honti. Tesam evaṃ hoti “sādhuvatassa aññaṃ ālokaṃ labheyyāma”ti. Tesam cittaṃ ñatvā viya ekūnapaññāsayojanaṃ candamaṇḍalaṃ pātubhavati. Te taṃ disvā bhīyosomattāya haṭṭhatuṭṭhā hutvā “amhākaṃ chandaṃ ñatvā viya uṭṭhito, tasmā cando hotū”ti candotvevassa nāmaṃ karonti. Tato pabhuti rattidivā paññāyanti. Anukkamena ca māśaddhamāsautusaṃvaccharā. Candimasūriyānaṃ pana pātubhūtaḍḍivaseyeva sinerucakkavāḷahimavantapabbatā pātubhavanti, te ca kho apubbaṃ acarimaṃ phagguṇapūṇṇamadivaseyeva pātubhavanti. Kathaṃ yathānāma kaṅgubhatte paccamāne ekappahāreṇeva bubbulakāni uṭṭhahanti. Eke padesā thūpathūpā honti, eke ninnaninnā, eke samasamā evameva thūpathūpaṭṭhāne pabbatā honti, ninnaninnaṭṭhāne samuddā, samasamaṭṭhāne dīpāti evaṃ manussaloke saṅṭhite cātumahārājikā, tāvatimsāti dve kāmāvacaradevalokā pacchato pātubhavanti. Bhūmanissitā nāma hete dve devalokā. Evaṃ sampattimahāmeghato yāva candimasūriyapātubhāvo, idaṃ vivaṭṭo nāma tatiyamasāṅkhyeyyaṃ nāma. Atha tesam sattānaṃ rasapathaviṃ paribhuñjantānaṃ kammaena ekacce vaṇṇavanto, ekacce dubbaṇṇā honti tattha vaṇṇavanto dubbaṇṇe atimaññanti. Tesam mānātimānapaccayā sāpi rasapathavī antaradhāyati. Bhūmipappaṭako pātubhavati atha nesaṃ teneva nayena sopi antaradhāyati, patālatā pātubhavati, teneva nayena sāpi antaradhāyati. Akatṭhapāko sāli pātubhavati akaṇo athuso suddho sugandho taṇḍulapphalo. Tato nesaṃ bhājanāni uppajjanti te sāli bhājane ṭhapetvā pāsānapitṭhiyā ṭhapenti, sayameva jālasikhā uṭṭhahitvā pacati. So hoti odano sumanajātipupphasadiso, na tassa sūpena vā byañjanaṃ vā karaṇiyaṃ atthi. Yaṃyaṃ rasaṃ bhuñjitukāmā honti, taṃtaṃ rasova hoti. Tesam taṃ oḷārikaṃ āhāraṃ āharataṃ tato pabhuti muttakarīsaṃ sañjāyati. Atha nesaṃ tassa nikkhamanattāya vaṇamukhāni pabhijjanti. Purisassa purisabhāvo, itthiyā itthibhāvo pātubhavati. Tatraṣudam itthi purisaṃ, puriso ca itthiṃ ativelaṃ upanijjhāyati. Tesam ativelaṃ upanijjhāyanabhāvā kāmāpariḷāho uppajjati. Tato methunadhammaṃ paṭisevanti. Te asaddhammapaṭisevanapaccayā viññūhi garahiyamānā viheṭṭhiyamānā tassa asaddhammassa paṭicchādanahetu agārāni karonti.

Te agāraṃ ajjhāvasamānā anukkamena aññatarassa alasaṅgātikassa sattassa diṭṭhānugatiṃ āpajjantā sannidhiṃ karonti. Tato pabhuti kaṇopi thusopi taṇḍulaṃ pariyoṇaddhanti, lāyitaṭṭhānampi nappaṭivirūhati. Te sannipatitvā anuṭṭhunanti “pāpakā vata bho dhammā sattesu pātubhūtā, mayaṃ pubbe manomayā ahumhā”ti. Aggaññasutte vuttanayena vittharetabbaṃ. Tato mariyādaṃ ṭhapenti. Athaññataro satto aññassa bhāgaṃ adinnaṃ ādiyati. Taṃ dvikkhattum paribhāsivā tatiyavāre leḍḍudaṇḍehi paharanti. Te evaṃ adinnādānakalahamusāvādadaṇḍadānesu uppannesu sannipatitvā cintayanti, “yaṃnūna mayaṃ ekaṃ sattaṃ sammaneyyāma, yo no sammā khiyitabbaṃ khiyeyya, garahitabbaṃ garaheyya, pabbājetabbaṃ pabbājeyya, mayaṃ panassa sālīnaṃ bhāgaṃ anupadassāma”ti. Evaṃ katasanniṭṭhānesu pana sattesu imasmim tāva kappe ayameva bhagavā bodhisattabhūto tena samayena tesu sattesu abhirūpataro ca dassanīyataro ca mahesakkhataro ca buddhisampanno paṭibalo niggahapaggahaṃ kātum te taṃ upasaṅkamitvā yācitvā sammaniṃsu. So

tena mahājanena sammatotipi mahāsammato, khettānaṃ adhipatīti khattiyo, dhammena samena paresaṃ rañjetīti rājāti, tīhi nāmehi paññāyittha. Yañhi loke acchariyaṃ ṭhānaṃ bodhisattova tattha ādi purisoti evaṃ bodhisattaṃ ādiṃ katvā khattiyamaṇḍale saṅghite anupubbena brāhmaṇādayopi vaṇṇā saṅghahimsu. Evaṃ candimasūriyapātu bhāvato yāva puna kappavināsakamahāmegho, idaṃ vivaṭṭaṭṭhāyī nāma catutthamasāṅkhyeyaṃ nāma. Tenetaṃ vuccati megho jālaparicchinno saṃvaṭṭoti jālā meghaparicchinno saṃvaṭṭaṭṭhāyīti vuccati. Meghā sūriyaparicchinno vivaṭṭoti vuccati. Sūriyā meghaparicchinno vivaṭṭaṭṭhāyīti vuccati. Cattāri imāni kappāni mahākappoti vuccati. Vivaṭṭaṭṭhāyikappeyeva uppajjanti buddhādayoti. Tathā hi imasmiṃyeva vivaṭṭaṭṭhāyiasāṅkhyeyyakappe buddhapacceka buddhasāvakaakkavattino uppajjanti, na tīsu asaṅkhyeyyakappesu. Tañca kho asuññakappeyeva, na suññakappe. Tattha buddhapaccekabuddhasāvakaakkavattīhi puññavantapuggalehi asuññattā asuññakappo nāma. Tabbigamena suññakappo veditabbo. Tesupi asuññakappo pañcavidho hoti sarakappo, maṇḍakappo, varakappo, sāramaṇḍakappo, bhaddakappoti, tesu yasmimṃ kappe ekova buddho uppajjati, so sarakappo nāma. Yasmimṃ kappe dve buddhā uppajjanti, so maṇḍakappo nāma. Yasmimṃ kappe tayo uppajjanti, so varakappo nāma. Yasmimṃ kappe cattāro buddhā uppajjanti, so sāramaṇḍakappo nāma. Yasmimṃ kappe pañca buddhā uppajjanti, so bhaddakapponāma. Imāni pañcakappāniyeva saheva samodhānetvā jātattakīṣotattakiyā nidāne.

‘‘Nando sunando pathavī, maṇḍo dharaṇī sāgaro;
Puṇḍarīko ime satta, asaṅkhyeyyā pakāsītā.

Pañca buddhasahassāni, honti nande asaṅkhyeyye;
Nava buddhasahassāni, sunandamhi asaṅkhyeyye.

Dasa buddhasahassāni, pathavimhi asaṅkhyeyye;
Ekādasa sahasāni, tamhi maṇḍe asaṅkhyeyye.

Vīsati buddhasahassāni, dharaṇimhi asaṅkhyeyye;
Tiṃsa buddhasahassāni, sāgaramhi asaṅkhyeyye.

Cattālīsa sahasāni, puṇḍarīke asaṅkhyeyye;
Asaṅkhyeyyesu sattasu, ettakāti pavuccati.

Ekamsatasahassāni, vīsati ca sahasaṅca;
Sesā pañcasahassāni, sabbabuddhehi maṇḍitā’’ti.

Vuttaṃ. Aparampi vuttaṃ.

‘‘Bhaddo sabbaphullo, sabbaratano usabhakkhandho;
Mānitabhaddo ca padumo, usabhakkhantuttameva ca;
Sabbabhāso asaṅkhyeyyo, navamoti pavuccati.

Paṇṇāsa buddhasahassāni, sabbabhadde asaṅkhyeyye;
Saṭṭhi buddhasahassāni, sabbaphulle asaṅkhyeyye.

Sattati buddhasahassāni, sabbaratane asaṅkhyeyye;
Asīti buddhasahassāni, usabhakkhandhe asaṅkhyeyye.

Navuti buddhasahassāni, mānitabhadde asaṅkhyeyye;
Vīsati buddhasahassāni, padumamhi asaṅkhyeyye.

Dasa buddhasahassāni usabhamhi asaṅkhyeyye;
Pañca buddhasahassāni, khantuttame asaṅkhyeyye.

Dve ca buddhasahassāni, sabbabhāse asaṅkhyeyye;
Aṅkhyeye navasmim, ettakāti pavuccati.

Tīṇi sataśahassāni, sattāsītisahassaṅca;
Gaṇanānaṅca buddhānaṃ, sabbabuddhehi maṇḍitā’’ti.

Te sabbepi sammāsambuddhe yāva arimetteyyā samodhānetvā

“Sambuddhe aṭṭhavāsaṅca, dvādasaṅca sahasake;
Pañcasatasahassāni, namāmi sirasā maham;
Tesaṃ dhammaṅca saṅghaṅca, ādarena namāmaham.

Namakkārānubhāvena, hitvā sabbe upaddave;
Anekaantarāyāpi, vinassantu asesato’’ti.

Namassanagāthā pavattā sā ūnaṅkhyāvaseneva katāva bhavitabbaṃ, tathā hi amhākaṃ bhagavā porāṇabrahmadevabuddhaṃ ādim katvā yāva porāṇasakyagotamā manasāva cintentassa sattaasaṅkhyeyyāni vītivattāni porāṇasakyagotamabuddhaṃ ādim katvā yāva majjhimadīpaṅkarā vācāmattena nava asaṅkhyeyyāni vītivattāni. Majjhimadīpaṅkarato paṭṭhāya yāva padumuttarabuddhā kāyaṅgavācaṅgavasena cattāri asaṅkhyeyyāni vītivattāni. Padumuttarabuddhato yāva kakusandhā ekamaṅkhyeyyaṃ vītivattaṃ. Evamimesu vīsatiasaṅkhyeyyesu brahmadevaporāṇasakyagotamabuddhānamantare satta asaṅkhyeyye sabbam sampiṇḍetvā ekasatasahassaṅca vīsati sahasaṅca pañcasahassāni ca honti. Porāṇasakyagotamamajjhimadīpaṅkarānamantare nava asaṅkhyeyye sabbam sampiṇḍetvā tīṇisatasahassāni sattāsītisahassāni ca honti. Majjhimadīpaṅkarato yāva metteyyā aṭṭhavāsati sabbam samodhānetvā aṭṭhavāsaṅca dvādasasahassaṅca pañcasatasahassāni ca honti tasmā ūnaṅkhyāti veditabbā. Paripuṇṇasaṅkhyāvasena icchamānehi cintetabbāva. Esā ca saṅkhyāvicāraṇā nidāne vuttāva.

Evam “cintitaṃ sattaasaṅkhyeyyaṃ, navasaṅkhyeyyavācakaṃ;
Kāyavācā catusaṅkhyeyyaṃ, buddhattaṃsamupāgamī’’ti.

Vuttasu vīsatiasaṅkhyeyyesu pavattaasaṅkhyeyyakappavaseneva katā. Atthato pana sārakappamaṇḍakappavarakappasāramaṇḍakappabhaddakappavasena pañcavidhāti veditabbā. Imāni pañcanāmāni buddhuppādakappeyeva labbhanti, anuppannakappe pana suññakappotveva nāmaṃ labbhanti tathā hi kappasaṅghahanakāle sabbapaṭhamam mahābodhipallaṅkaṭṭhāneyeva paduminigabbhā uppajjati. Sā yasmim kāle eko buddho uppajjissati, eko paduminigabbho aṭṭhaparikkhārehi saha uppajjati. Taṃ disvā suddhāvāsabrahmuno nemittapaṭṭhakā arahanto imasmim kappe eko buddho uppajjissatī sañjātapītisomanassā hutvā aṭṭhaparikkhāre gahetvā brahmaloke ṭhapenti “yadā buddho uppajjissati, tadā dassāmā’’ti. Evam dve tayo cattāro pañca buddhā uppajjissanti, tadā dve tīṇi cattāri pañca paduminigabbhā aṭṭhaparikkhārehi saha uppajjanti. Taṅca kho ekasmim yeva nālekeka baddhā hutvā uppajjanti. Evam kappasaṅghahanakālato paṭṭhāyeva imāni pañca nāmāni labbhanti veditabbāni. Ettāvatā imasmimeyeva vivaṭṭaṭṭhāyāsaṅkhyeyyakappe buddhādayo mahesakkhā puññavanto cakkavattirājāno uppajjanti, tathā āyukappantarakappāni. Tattha āyukappo nāma tesam tesam sattānaṃ āyuparicchedo. Antarakappo nāma tattha sattharogadubbhikkhānaṃ aññatarasaṃvaṭṭanena bahūsu vināsamupagatesu avasiṭṭhasattasantā nappavattakusalakammānubhāvena dasavassato paṭṭhāya anukkamena asaṅkhyeyyāyukappamāṅesu sattesu pana adhammasamādānavasena kamena parihāyitvā dasavassāyukesu jātesu rogādīnāmaññatarasaṃvaṭṭanena sattānaṃ vināsapatti yāva ayameko antarakappo. Evam paricchinnāntarakappavasena catusaṭṭhiantarakappo eko asaṅkhyeyyakappo vīsati antarakappamāṇoti apare vadanti. Imāni cattāri asaṅkhyeyyakappāni eko mahākappo nāma. Evam tejo saṃvaṭṭavasena tāva mahākappānaṃ antaram aggināva vinassati. Yasmim pana samaye kappo udakena nassati, tadā āditova kappavināsakamahāmegho vuṭṭhahitvāti pubbe vuttanayeneva vitthāretabbaṃ ayaṃ pana viseso yathā tattha dutiyasūriyo, evamidhapi kappavināsako khārudakamahāmegho vuṭṭhāti so ādito sukhumaṃ vassanto anukkamena mahādhārāhi

koṭisatasahassacakkavāḷaṃ pūrento vassati. Khārudakena phutṭhaphutṭhā pathavīpabbatādayo vilīyanti taṃ udakaṃ vātena samantato dhāritaṃ pathavito yāva parittābhā appamāṇābhā ābhassarāti tayopi dutiyajjhānabhūmi udakaṃ gaṇhāti. Tattha tayopi brahmaloke vilīyāpetvā subha kiṇhe āhacca tiṭṭhati yāva aṇumattaṃ saṅkhāragataṃ atthi, tāva na vūpasamati. Udakānugataṃ pana sabbasaṅkhāragataṃ abhibhavitvā sahasā vūpasamati antaradhānaṃ gacchati, heṭṭhā ākāseṇa saha upari ākāso eko hoti mahandhakāroti sabbam vuttasadisameva. Kevalaṃ panidha otiṇṇotiṇṇe udake ābhassarabrahmalokaṃ ādiṃ katvā lokapātubhāvo veditabbo. Subhakiṇhato cavitvā ābhassaratṭhānādīsu sattā nibbattanti etthāpi kappavināsakamahāmeghato yāva kappavināsakaudakaparicchedo saṃvaṭṭo nāma paṭhamamasāṅkhyeyyakappo nāmāti cattāriasaṅkhyeyyakappāni vuttasadisāni evaṃ satta mahākappāni sattakkhattuṃ agginā vilīyitvā aṭṭhame mahākappe udakenapi vināso ca saṅghahanañca veditabbaṃ, evaṃ sattasattamahākappo sattasattavāraṃ agginā vilīyitvā aṭṭhame aṭṭhame vāre āpena vilīyitvā anukkamena tesatṭhimahākappāni paripuṇṇāni tadā āpavāraṃ paṭibāhitvā catusatṭhime mahākappe vātena vinassati tadā ādito kappavināsakamahāvāto vuṭṭhahitvāti sabbam pubbe vuttanayameva. Ayaṃ pana viseso yathā agginā vināsakappe dutiyasūriyo, evamidhāpi kappavināsanatthaṃ vāto samuṭṭhāti so paṭhamaṃ sukhumarajaṃ utṭhāpeti, tato thūlarajaṃ saṅharajaṃ sukhumavālikaṃ sakkharapāsāṇādayoti yāva kūṭāgāramatte pāsāṇepi visamaṭṭhāne ṭhitamahārukkeca utṭhāpeti, te pathavito nabhamuggatā na puna patanti, tattheva cuṇṇavicuṇṇā hutvā abhāvaṃ gacchanti. Yathānukkamena heṭṭhā mahāpathaviyā vāto samuṭṭhahitvā pathaviṃ parivattetvā uddhammūlaṃ katvā ākāse khipati yojanasatappamāṇāpi pathavippadesā dviyojanatiyojanacatuyojanapañcayojanachayojanasattayojanappamāṇāpi bhijjitvā te vegakkhittā ākāseyeva cuṇṇavicuṇṇā hutvā abhāvaṃ gacchanti cakkavāḷapabbatampi vāto ukkhipitvā ākāse khipati te aññamaññaṃ ghaṭṭayantā cuṇṇavicuṇṇā hutvā vinassanti eteneva bhūmaṭṭhakavimānāni ākāsatṭhakavimānāni ca vināseṇo chakāmāvacaradevaloke nāsetvā koṭisatasahassacakkavāḷāni vināseti. Tattha cakkavāḷā cakkavāḷehi, himavantā himavantehi, sinerū sinerūhi aññamaññaṃ samāgantvā cuṇṇavicuṇṇā hutvā vinassanti. Pathavito yāva parittasubhā, appamāṇasubhā, subhakiṇhāti tayopi tatiyajjhānabhūmī vāto gaṇhāti tattha tayopi brahmaloke vināsetvā vehapphalaṃ āhacca aṭṭhāsi. Evaṃ sabbam saṅkhāragataṃ vināsetvā sayam vinassati, heṭṭhā ākāseṇa saha upari ākāso eko hoti mahandhakāroti sabbam vuttasadisam. Idha pana subhakiṇhabrahmalokaṃ ādiṃ katvā loko pātubhavati. Vehapphalato cavitvā subhakiṇhādīsu sattā nibbattanti, tatthakappavinā sakamahāmeghato yāva kappavināsakavātupacchedo, idaṃ saṃvaṭṭo nāma, paṭhamamasāṅkhyeyyaṃ nāmāti cattāri asaṅkhyeyyakappāni eko mahākappo nāmāti sabbam tejosamvaṭṭe vuttanayameva.

Vuttampi cetam.

“Satta satta gginā vārā, aṭṭhame aṭṭhame dakā;
Catusatṭhi yadā puṇṇā, eko vāyuvaro siyā.

Agginā’bhassarā heṭṭhā, āpena subhakiṇhato;
Vehapphalato vātena, evaṃ loko vinassatī’ ti.

Tasmā tiṇṇampi paṭhamajjhānatalānaṃ ekakappepi avināsābhāvato sakalakappe tesam sambhavo natthīti asaṅkhyeyya kappavasena tesam āyuparicchedo daṭṭhabbo. Dutiyajjhānatalato paṭṭhāya pana paripuṇṇamahākappavasena āyuparicchedo daṭṭhabbo, na asaṅkhyeyyakappavasena. Yadi dutiyajjhānatalato paṭṭhāya paripuṇṇamahākappavasena āyuparicchedo siyā, kathaṃ ābhassarādīsu brahmūnaṃ aṭṭhamahākappādivasena āyu paripuṇṇam siyā, tathā hi paṭhamajjhānatalaṃ sattasu vāresu agginā vinassati. Aṭṭhame vāre yāva ābhassarā udakena vinassati puna sattavāresu agginā paṭhamajjhānatalaṃ, puna aṭṭhamevāre udakena dutiyajjhānatalaṃ vinassatīti evaṃ aṭṭhame vāre āpavāraṃ paṭibāhitvā yāva subhakiṇhā vātena vinassati evaṃ catusatṭhi paripuṇṇā hotīti saccam, heṭṭhāvivaṭṭatṭhāyī asaṅkhyeyyakappavasena eko satta mahākappāni cāti aṭṭha kappāni ābhassarabrahmūnaṃ āyuppamāṇam hoti. Catusatṭhikappesupi vivaṭṭatṭhāyīasaṅkhyeyyakappavasena eko te satṭhimahākappāni cāti catusatṭhikappāni subhakiṇhānaṃ brahmūnaṃ āyuppamāṇam hoti tena vuttam porāṇehi.

Satta satta’gginā vārā, aṭṭhame aṭṭhame dakā;

Catusaṭṭhi yadā punṇā, eko vāyuvāro siyā'ti.

Keci pana.

“Agginā'bhassarā heṭṭhā, āpena subhakiṇhato;
Vehapphalato vātena, evaṃ loko vinassatī'ti.

Imissā gāthāya “ābhassarāti” ca “subhakiṇhato” ti ca “vehapphalato” ti ca abhividhivasena vuttabhāvaṅca samatalabhāvepi seṭṭhabhūmittā paṭṭhānavasena vuttabhāvaṅca amaññitvā suddhāvāsabhūmīsu viya uparūparivasena bhūmikkamoti maññitvā.

“Pañcabhūmi naṭṭhā aggi, aṭṭha bhūmi naṭṭhā dakā;
Navabhūmi naṭṭhā vātā, lokanaṭṭhā tadā siyuṃ.

Paṭhame aggi dvattiṃsa, dutiye ādi soḷasa;
Dutiyabhūme majjhe aṭṭhamam, taṃ chappaññāsa vāraṃ.

Ābhassaramhi catuttham, parittasubhamhi dve jalam;
Appamāṇasubham ekavāram, mataṃ udakasattama”nti.

Vadanti tesam vāde ābhassarato heṭṭhā pañcabhūmi agginaṭṭhā, subhakiṇhato heṭṭhā aṭṭhabhūmi udakanaṭṭhāti vadanti. Samataladīpanattham sandehacchedanattham evaṃ gahitāti ekabhavapariyosānam sandhāya paṭisandhibhavaṅcāti ādi vuttanti. Imissāpi attham duggahitena gahetvā paṭisandhibhavaṅgavasena sadisabhāvameva sandhāya vuttanti parikappenti so ayuttarūpo viya dissati ativiya micchāgāho ca hoti aggaññasuttavisuddhimaggādīhi virujjhanato saṃvaṭṭasīmāpi viruddhā tatha paṭhamajjhānataṃ upādāya agginā, dutiyajjhānataṃ upādāya udakena, catutthajjhānataṃ upādāya vātena vinassatīti vuttavacanenāpi virujjhateva tasmā “ābhassarā” ti ca “subhakiṇhato” ti ca “vehapphalato” ti ca etthābhividhivasena attho gahetabbo. Aññathā “upari pabbatā devo vassatī” ti ettha viya ābhassarasubhakiṇhavehapphalānam tena tena saṃvaṭṭena vināsopi na bhaveyya. Ayaṃ lokavipattiparicchedo. Evaṃ buddho ca dullabho loko ti imassa attho vuttoyeva.

Iti sāgarabuddhittheraviracite sīmavisodhane

Kappavināsakaṇḍo dutiyo paricchedo.

3. Nibbānakaṇḍo

Idāni “saddhammasāvanampi cāti imassa saṃvaṇṇanākkamo sampatto tatha saddhammasāvanampi ca loko dullabhameva tathā hi saddhammo nāma tividho hoti. Pariyattisaddhammo, paṭipattisaddhammo, paṭivedhasaddhammoti. Tatha pariyattisaddhammo nāma tepiṭakam buddhavadanam. Paṭipattisaddhammo nāma terasadhutaṅgāni asīti khandhakavattādayo abhisamācāravattādīni. Paṭivedhasaddhammo nāma catusaccappaṭivedho. Tesu pariyattisaddhammo dvinnam saddhammānam pubbaṅgamoyeva padaṭṭhānaṅca. Kasmā taṃmūlakattā tathā hi pariyattiyā asati paṭivedho nāma natthi. Pariyattiyā antarahitāya paṭipatti, paṭipattiyā antarahitāya adhigamo antarahitāya. Kiṃ kāraṇā ayañhi pariyatti paṭipattiyā paccayo hoti. Paṭipattiadhigamassāpi pariyattiyeva pamāṇam. Tatha paṭivedho ca paṭipatti ca hotipi nahotipi. Ekasmiñhi kāle paṭivedhadharā bhikkhū bahū honti, “esa bhikkhu puthujjano” ti aṅgulim paharivā dassetabbo hoti. Imasmiṃ yeva dīpe ekavāram puthujjanabhikkhunāma nāhosi. Paṭipattipūrakāpi kadāci bahū honti kadāci appā. Iti paṭivedho ca paṭipatti ca hotipi na hotipi. Sāsanassa ṭhitiyā pana pariyattiyeva pamāṇam paṇḍito hi tepiṭakam sutvā dvepi pūreti, yathā amhākam bodhisatto ālārassa santike pañca abhiññā satta ca samāpattiyō nibbattetvā nevasaññānāsaññāyatana samāpattiyā parikammaṃ pucchi. So “na jānāmī” ti āha. Tato udakassa santikam gantvā adhigatavisesam saṃsanditvā nevasaññānāsaññāyatana parikammaṃ pucchi. So ācikkhi, tassa vacanasamanantameva

mahāsatto taṃ sampādesi evameva paññavā bhikkhu pariyattiṃ sutvā dvepi pūreti tasmā pariyattiyā ʘhitāya sāsanaṃ ʘhitam hoti yathā mahātaḷākassa pāḷiyā thirāya udakaṃ na ʘhassatīti na vattabbaṃ uduke sati padumādīni pupphāni na pupphissantīti na vattabbaṃ evameva mahātaḷākassa thirapāḷisadisē teḷitake buddhavacane sati mahātaḷāke udakasadisā paḷipattipūrakā kulaputtā natthīti na vattabbaṃ. Tesu sati mahātaḷākesu padumādīni pupphāni viya sotāpannādayo ariyapuggalā natthīti na vattabbaṃ, ekantato pariyattiyeva pamāṇaṃ pariyattiyā antarahitāya paḷipattipaḷivedhānaṃ antaradhānato. Tattha pariyattināma teḷitakaṃ buddhavacanaṃ sātḷhakathā pāḷiyāva sā tiḷḷhati, tāva pariyatti paripuñṇā hoti. Gacchante kāle kaliyugarājāno adhammikā honti tesu adhammikesu rājāmaccaḷdayo adhammikā honti tathā raḷḷhajanapadavāsīnopi adhammikā etesaṃ adhammikatāya na devo sammā vassati, tato sassāni na sampajjanti. Tesu sampajjantesu paccayaḷāyakā bhikkhusaṅghassa paccaye dātum na sakkonti. Bhikkhū paccayehi kilamantā antevāsike saṅghetum na sakkonti. Gacchante gacchante kāle pariyatti parihāyati, atthavasena dhāretum na sakkonti, pāḷivaseneva dhārenti. Tato kāle gacchante pāḷimpi sakalaṃ dhāretum na sakkonti paḷhamaṃ abhidhammapiḷakaṃ parihāyati. Parihāyamānaṃ matthakato paḷḷhāya pariyatti hāyati paḷhamañhi mahāpakaraṇaṃ parihāyati. Tasmim parihāyamāne yamakaṃ, kathāvatthu, puggalapañṇatti, dhātukathā, vibhaṅgo, dhammasaṅghahoti evaṃ abhidhammapiḷake parihīne matthakato paḷḷhāya suttantapiḷakaṃ parihāyati. Paḷhamañhi aṅguttaranikāyo parihāyati. Tasmimpi paḷhamaṃ ekādasanipāto...pe... tato ekanipātoti evaṃ aṅguttare parihīne matthakato paḷḷhāya saṃyuttanikāyo parihāyati, paḷhamaṃ mahāvaggo parihāyati. Tato paḷḷhāya saḷāyatanavaggo, khandhavaggo, nidānavaggo, sagāthāvaggoti evaṃ saṃyuttanikāye parihīne matthakato paḷḷhāya majjhimanikāyo parihāyati paḷhamañhi uparipañṇāsako parihāyati. Tato majjhimapañṇāsako, tato mūlapañṇāsakoti evaṃ majjhimanikāye parihīne matthakato paḷḷhāya dīghanikāyo parihāyati, paḷhamañhi pāḷhiyavaggo parihāyati tato mahāvaggo, tato khandhakavaggoti dīghanikāye parihīne suttantapiḷakaṃ parihīnaṃ nāma hoti. Vinayapiḷakena saddhim jātakameva dhārenti. Vinayapiḷakaṃ lajjino dhārenti. Lābhakāmā pana suttante kathitepi sallakkhentā natthīti jātakameva dhārenti. Gacchante kāle jātakampi dhāretum na sakkonti. Atha nesaṃ paḷhamaṃ vessantarajātakam parihāyati. Tato paḷilomakkamena puñṇakajākatakam, mahānāradakassapajātakam parihāyati. Vinayapiḷakameva dhārenti. Gacchante kāle tampi matthakato parihāyati paḷhamañhi parivāro parihāyati, tato khandhako bhikkhunīvibhaṅgo mahāvibhaṅgoti anukkamena uposathakkhandhakamattameva dhārenti, tadā pariyatti anantarahitāva hoti. Yāva pana manussesu catuppadikagāthāpi pavattati, tāva pariyatti anantarahitāva hoti. Yadā saddho pasanno rājā hatthikkhandhe suvaṇṇacaṅkoḷakamhi saḷassatthavikam ʘhapāpetvā “buddhehi kathitam catuppadikam gātham jānanto imaṃ saḷassam gaṇhatū”ti nagare bherim carāpetvā gaṇhakam alabhivā ekavāraṃ carāpīte na suṇantāpi honti asuṇantāpi, yāva tatiyam carāpetvā gaṇhakam alabhivā rājapurisā saḷassatthavikam puna rājakulam pavesenti, tadā pariyattiantarahitā nāma hoti. Evaṃ pariyattiyā antarahitāya paḷipattipi paḷivedhopi antarahitova hoti. Saddhammasavanassa dullabhabhāvo dhammasoṇḷakavatthunā dīpetabbo amhākam kira sammāsambuddho kassapasammāsambuddhassa dhammarājassa sāsanaantaradhānato nacireneva kālena bārāṇasirañño putto dhammasoṇḷakarājakumāro hutvā pituaccayena rajje patiḷḷhāya kassapadasabalena desitam dhammam sotukāmo hutvā māsamattam rajjam katvā amhākam sammāsambuddho imasmim yeva bhaddakappe rajjam kāretvā devanagarasadisē bārāṇasinagare cakkavattirajjasadisam rajjam karonto evaṃ cintesi... “mayham evarūpaṃ rajjam kim vilāsam rajjānubhāvaṃ saddhammaviyogena, divākaravirahito ākāso viya, sasaṅkavirahitaratti viya, dāḷhāviraḷitagajo viya, velantaviraḷitamahāsamuddo viya cakkhuviraḷita susajjītavadaṇam viya, sugandhaviraḷitapārichattapupphaṃ viya, catuakkharaniyamitadhammadesanāvīyogena mayham idaṃ rajjam na sobhati”ti cintetvā suvaṇṇacaṅkoḷakena saḷassatthavikam bhaṇḷakam susajjītam maṅgalahatthikumbhe ʘhapetvā bārāṇasīnagare mahāvīthiyam bherim carāpeti “ekapadikam vā dvīpadikam vā tipadikam vā catuppadikam vā dhammapadam jānantassa dammī”ti evaṃ bherim carāpetvā dhammajānanakam alabhivā punappaṇam dvisahassam tisahassam yāva sataḷassam koḷi dve saḷassakoḷi, sataḷassakoḷi gāmanigamajanapadasenāpatiḷḷhānaṃ uparājāḷḷhānaṃ. Pariyosāne dhammadesakam alabhivā attano suvaṇṇapīḷhakam setacchattam cajitvāpi dhammadesakam alabhivā rajjasirim pahāya attānaṃ cajitvā “dhammadesakassa dāso hutvāpi dhammam sossāmī”ti vatvā evampi dhamma desakam alabhivā vippaḷisārī hutvā “kim me saddhammaviyogena rajjenāti amaccānaṃ rajjam niyyātetvā saddhammagavesako hutvā dhammasoṇḷakamahārājā mahāvaṇam pāvīsi dhammasoṇḷakamahārājassa saddhammasavaṇam

sandhāya pavittḥakkhake sakkadevamahārājassa vejayantapāsādo saheva kiṇṇikāya kampo ahosi, paṇḍukambalasilāsanam uṇhākāraṃ ahosi. Sakkodevarājā kenakāraṇena paṇḍukambalasilāsanam uṇhākāraṃ ahosi”ti cintetvā attano sahasanetena devamanussesu vitthāretvā olokeno dhammagavesako hutvā vanam pavittḥam dhammasoṇḍakamahārājānam disvā cintesi... “ajja me attānampi jahāya rakkhasavesam māpetvā etaṃ aniccaparidīpanam jātijarābyādhimaraṇam sakalasarīre dosam dassetvā dhammam desetvā etaṃ sakarajjeyeva patittḥāpetabba”nti cintetvā sakko devarājā yakkhasarūpaṃ māpetvā bodhisattassa abhimukho avidūre attānam dassesi. Tam disvā dhammasoṇḍakamahārājā evaṃ cintesi... “evamrūpo nāma rakkhaso dhammam jāneyyā”ti, cintetvā avidūre ṭhāne ṭhatvā pucchāmīti rakkhasena saddhim sallapanto āha “sānipuññadevarāja imasmim pana vanaghane vasanakadevarājā kiṃ nukho dhammam jānāsī”ti, devatā “mahārāja dhammam jānāmī”ti āha. “Yadi dhammam jānāsī, mayham dhammakatham kathethā”ti āha. “Aham tuyham dhammam kathessāmi, tvaṃ mayham kīdisam dhammakathikassa sakkāraṃ karissāsī”ti āha. “Evaṃ sante mayham dhammam kathetvā pacchā mayham sarīre maṃsam khādissāsī”ti āha. “Aham mahārāja chāto hutvā dhammam kathetuṃ na sakkomī”ti āha. “Yadi tumhe paṭhamaṃ maṃsam khādatha, dhammam ko suṇissatī”ti āha. Puna so rakkhaso “nāham dhammam desetum sakkomī”ti. Puna rājā “mayham dhammapaṭilābhaṇca tumhākaṃ maṃsapaṭilābhaṇca tumhe jānitvā mayham dhammam desethā”ti āha. Atha sakko devarājā “sādhu hothā”ti vatvā avidūre ṭhāne ubbedhena tigāvutamattaṃ mahantaṃ añjanapabbataṃ māpetvā evamāha... “sace mahārāja imaṃ pabbatamuddhaniṃ ārūyha ākāsā uppatitvā tvaṃ mama mukhe patissasi, aham te ākāsagatakāle dhammam desessāmi, evaṃ sante tuyhaṇca dhammapalābho mayhaṇca maṃsapaṭilābho bhavissatī”ti āha. Tassa katham sutvā dhammasoṇḍakamahārājā “anamatagge saṃsāre puriso hutvā adhammasamaṅgī hutvā adhammasseva atthāya pāṇātipāto adinnādāno kāmesumicchācāro sūkariko orabbhiko sākuṇi ko coro paradāriko taṃ gahetvā sīsacchinnānam lohitaṃ catūsu mahāsamuddesu udakatopi bahutaraṃ mātipitūādīnampi manāpānam atthāya rodantānam assu catūsumahāsamuddesu udakatopi bahutaraṃ, imaṃ pana sarīraṃ dhammassa atthāya vikkiṇāmi taṃ mahapphalaṇca manāpañcā”ti cintetvā “sādhu mārisa evaṃ karomī”ti pabbataṃ ārūyha pabbatagge ṭhito “mama rajjena saddhim mayham sajīvasarīraṃ saddhammassatthāya dassāmī”ti somanasso hutvā “dhammam kathethā”ti saddhammatthāya jīvitaṃ pariccajitvā ākāsato uppatitvā dhammam kathethāti āha. Atha sakko devarājā sakattabhāvena sabbālaṅkārehi paṭimaṇḍito ativiya sotum somanasso ākāsato patantaṃ dibbaphassena parāmasanto urena paṭiggaṇhitvā devalokaṃ netvā paṇḍukambalasilāsane nisīdāpetvā mālagandhādīhi pūjetvā dhammasoṇḍakamahārājassa dhammam desento imaṃ gāthamāha.

“Aniccā vata saṅkhārā, uppādavayadhammino;
Uppajjitvā nirujjhanti, tesam vūpasamo sukho”ti.

Evaṃ sakko dhammasoṇḍakamahārājassa dhammam desetvā devalokasampattiṃ dassetvā devalokato ānetvā sakarajje patittḥāpetvā appamādena ovaditvā devalokameva agamāsi evaṃ saddhammasavanassāpi dullabhabhāvo veditabbo. Evaṃ pariyattiantaradhānena paṭipatti paṭivedhāpi antaradhāyanti. Ettha ca tīṇi parinibbānāni veditabbāni katamāni tīṇi parinibbānāni. Kilesaparinibbānaṃ, khandhāparinibbānaṃ, dhātuparinibbānanti. Tattha kilesaparinibbānaṃ bodhimaṇḍeyeva hoti, bhagavā hi bodhimaṇḍeyeva vīriyapādehi sīlathaviyaṃ patittḥāya saddhāhatthena kammakkhaya karaṃ ṇāṇapharasuṃ gahetvā sabbo lobhadosaṃhāvaparītanamanasikāraahirīkānottappakodhūpanāhamakkhapaḷāsa-issāmacchariyamāyāsāṭṭheyyathambhasārambhamānāti mānamadapamādatanḥā’ vijjātividhākusalamūladuccaritasamkilesamalavisamasaññāvitakka papañcatubbidhāvīpariyesaāsavaganthaoghayogā’ gatiganthu’ pādānapañcacetokhilavinibandhanīvaraṇā’ bhinandana chavivādamūlataṇhākāyasattānusaya aṭṭhamicchattanavataṇhāmūlakadasākusalakammāpatha dvāsattḥiditḥigata aṭṭhasatatanḥāvīcaritappa bheda sabbadarathaparīlāhakilesasatasahassāni, saṅkhepato vā pañca kilesaabhisaṅkhārakhandhamaccudevaputtamāre asesato hatā vihatā anabhāvaṃkatā tasmā sabbepi kilesā bodhimaṇḍeyeva nibbānaṃ nirodham gacchantīti kilesanibbānaṃ bodhimaṇḍeyeva hoti ettha ca bodhīti arahattamaggaññānaṃ adhippetam tathā hi sabbesampi buddhapacceka buddhaariyasāvakaṇaṃ arahattamaggakkhaṇeyeva sabbepi kilesā asesam nirodham nibbānaṃ gacchanti tepi buddhā ugghaṭṭitaviññūvibhajjitāññūneyyavasena tividhā honti vuttañhetam

jātattakāṣotattakīnidāne.

“Ugghaṭṭitaññunāmako, vibhajjitaññuno duve;
Tatiyo neyyo nāmena, bodhisatto tidhā mato.

Ugghaṭṭitaññubodhisatto, paññādhikoti nāmaso;
Vibhajjitaññubodhisatto, vutto vīriyādhiko.

Mato neyyo saddhādhiko nāma, bodhisattā ime tayo;
Kappeca satasahassee, caturo ca asaṅkhyeyye.

Pūretvā bodhisambhāre, laddhabyākaraṇo pure;
Ugghaṭṭitaññubodhisatto, patto sambodhimuttamaṃ.

Aṭṭhame ca asaṅkhyeyye, kappe ca satasahassee;
Pūretvā bodhisambhāre, laddhabyākaraṇo pure.

Vipaṅcitaññubodhisatto, patto sambodhimuttamaṃ;
Neyyo tu bodhisatto ca, soḷase asaṅkhyeyye.

Kappe ca satasahassee, laddhabyākaraṇo pure;
Pūretvā bodhisambhāre, patto sambodhimuttama’’ nti.

Suttanipātaapadānaṭṭhakathāsu pana “buddhānaṃ ānanda heṭṭhimaparicchena cattāri asaṅkhyeyyāni kappasatasahassaṅca, majjhimaparicchena aṭṭha asaṅkhyeyyāni kappasatasahassaṅca, uparimaparicchena soḷasaṅkhyeyyāni kappasatasahassaṅca. Eteca paññādhikasaddhādhikavīriyādhikavasena veditabbāti vuttaṃ tesu paññādhiko cattāri asaṅkhyeyyāni kappasatasahassaṅca, saddhādhiko aṭṭhaasaṅkhyeyyāni kappasatasahassaṅca, vīriyādhiko soḷasaṅkhyeyyāni kappasatasahassaṅcāti veditabbaṃ. Tattha paññādhiko yonigativīññāṇaṭṭhitisattāvāsesu saṃsarantopi paññābhavullavasena sampannaṃjjhāsaya sambhavato khippaññeva tassa sambodhi. Saddhādhiko pana mandapaññattā assaddahitabbepi saddahati, tasmā tassa mandaññeva sambodhi. Vīriyādhiko pana ubhayamando assaddahitabbampi saddahati, akattabbampi karoti, rājā passenadīkosalo yathā so hi sabbaññubuddhe dharamāneyeva agamanīyampi paradāraṃ gantaṃ cittaṃ uppādetvā paraṃ jīvitā voropetaṃ āraddho nerayikānaṃ viravantānaṃ du-sa-na-soti saddampi sutvā ativimūḷho sabbaññubuddhaṃ ṭhapetvā micchādīṭṭhībrāhmaṇaṃ pucchitvā tassa vacanena sabbajanānaṃ yaññatthāya dukkhaṃ uppādesi ko panavādo anuppane buddhe, tathā hi esa kassapabhagavato sāsanaantaradhānena andhabhūte loke bārāṇasiyaṃ rājā hutvāpi nigrodharukkhadevatāya yaññatthāya ekasatarājāno mahesīhi saddhiṃ māretuṃ āraddho. Evaṃ vīriyādhiko ubhayamando, tasmā tassa sambodhi atimandoti evaṃ paññādhikasaddhādhikavīriyādhikavasena kālassāpi rassadīghabhāvo veditabboti. Pacchimanayoeva pasamsitabboti ayamettha amhākaṃ attanomatī. Khandhapariniḅbānaṃ pana kusinārāya upavattane mallānaṃ sālavane yamakasālānamantare vesākhapuṇṇamadivase paccūsasamaye ekūnavīsatiyā cuticittesu mettāpubbabhāgassa somanassaññānasampayuttaasaṅkhārikakusalacittasadisena mahāvīpākacittena abyākatena carimakam katvā katthaci bhava paṭisandhivīññāṇassa anantarapaccayo hutvā kammatanḥhākilēsehi anupādāno sabbupadhipaṭinissaggo upādinnakakkhandhapariccāgo hotīti veditabbaṃ. Vitthāro pana dīghanikāye mahāvagge mahāpariniḅbānasuttavaṇṇanāyaṃ oloketabbo. Tattha videsaṃ gacchanto puriso sabbaṃ ṇātijaṇaṃ āliṅgetvā sīse cumbitvā gacchati viya bhagavāpi nibbānapuraṃ pavisanto sabbepi catuvīsati koṭṭisatasahassasamāpattiyo anavasesaṃ samāpajjitvā yāva saññāvedayitaṃ, tatopi vuṭṭhāya yāva nevasaññānāsāññāyatanaṃ samāpajjitvā vuṭṭhāya jhānaṅgāni paccavekkhitvā bhavaṅgacittena abyākatena dukkhasaccena pariniḅbāyī. Pāḷiyaṃ pana “catutthajjhānā vuṭṭhahitvā samanantarā bhagavā pariniḅbāyī’’tī vuttaṃ tattha dve samanantarā jhānasamanantarā, paccavekkhaṇasamanantarāti. Tattha jhānā vuṭṭhāya bhavaṅgaṃ otiṇṇassa tattheva pariniḅbānaṃ jhānasamanantaraṃ nāma. Jhānā vuṭṭhahitvā puna jhānaṅgāni paccavekkhitvā bhavaṅgaṃ otiṇṇassa tattheva pariniḅbānaṃ paccavekkhaṇasamanantaraṃ nāma. Bhagavā pana jhānasamanantarā aperi

nibbāyittā paccavekkhaṇasamanantaramēva parinibbāyīti veditabbaṃ, tenevāha “bhagavā pana jhānaṃ samāpajjitvā jhānā vuṭṭhāya jhānaṅgāni paccavekkhitvā bhavaṅgacittena abyākatena dukkhasaccena parinibbāyī”ti. Ettha bhagavato parinibbānacittassa kiṃ ārammaṇaṃ kammaṃ vā hoti, udāhu kammanimittagatinimittāni, atha nibbānanti apare evaṃ vadanti.

Nāhu assāsapassāsā, ṭhitacittassa tādino;
Anejo santi’ mārabba, yaṃkāla’ makarī muni.

Asallīnena cittena, vedanaṃ ajjhavāsaya;
Pajjotasse’va nibbānaṃ, vimokkha cetaso ahū’ti.

Imissāgāthāya “yaṃ yo muni anejo santi nibbānaṃ ārabba kālaṃ akarī”ti yojetvā bhagavato parinibbānacittassa nibbānārammaṇanti tamayuttaṃ, paṭisandhibhavaṅgacutīnaṃ nibbānārammaṇassa anārahattā “nibbānaṃ gotrabhussa vodānassa maggassa ārammaṇapaccayenapaccayo, nibbānaṃ phalassa āvajjanāyā”ti paṭṭhānapāliya javanaāvajjanānameva adhippetattā tasmā ettha “yaṃ yo muni phalasaṃpattiyā anejo anejasāṅkhāto taṇhārahito santiṃ nibbānaṃ ārabba ārammaṇaṃ katvā kālaṃ asītivassaparimāṇaṃ akari atikkamī”ti yojanā kātabbā. Keci pana evaṃ vadanti... “katthaci pana anuppajjamānassa khīṇāsavassa yathopaṭṭhitaṃ nāmarūpadhammādikameva cutipariyosānānaṃ gocarabhāvaṃ gacchati, na kamma-kammanimittādayo”ti vuttattā kammanimittagatinimittāni arahato cuticittassa ārammaṇabhāvaṃ na gacchantīti tampi ayuttameva ayañhetthattho katthaci pana bhava anuppajjamānassa khīṇāsavassa arahato yathā yathā yena yena pakārena upaṭṭhitaṃ nāmarūpadhammādikameva cutipariyosānaṃ āvajjanajavanacittānaṃ gocarabhāvaṃ gacchati, puna bhavābhiniṃbattiyā abhāvato. Kiṃ kāraṇaṃ bhūtāni kammakammanimittagatinimittāni gocarabhāvaṃ na gacchantīti. Cuticittassa pana paṭisandhicittena gahitaṃ atītārammaṇameva gocarabhāvaṃ gacchati. “Nāmarūpādikamevā ti ettha nāma”nti cittacetāsikanibbānaṃ rūpanti aṭṭhārasavidhaṃ rūpaṃ saṅgaṇhāti. Nāmañca rūpañca nāmarūpā. Nāmarūpā ca te dhammā ceti tathā. Te ādi yesaṃ teti nāmarūpadhammādi tameva nāmarūpadhammādikam. Ādisaddena cha paññattiyo saṅgaṇhāti, tena nibbānampi arahato maraṇāsannakāle kriyajavanassapi ārammaṇabhāvo bhavyeyyāti amhākaṃ khanti vīmaṃsitvā pana gahetabbaṃ. Bhagavato nibbānacittassa pana tusitapurato cavitvā sirīmahāmāyāya kucchimhi vasitapaṭisandhicittena gahitārammaṇameva ārammaṇaṃ hotīti daṭṭhabbaṃ tañca kho gatinimittameva, na kammakammanimittāni. Yuttitopi āgamatopi gatinimittameva yujjati tathā hi tusitapureyeva setaketudevaputto hutvā dibbagaṇanāya cattāri saḥassāni, manussagaṇanāya sattapaññāsavassakoṭi, saṭṭhivassasatasahassāni ṭhatvā pariyosāne pañca pubbanimittāni disvā suddhāvāse arahantabrahmunā dasahi cakkavālasahashehi āgamma devatāvisesehi ca.

“Kālo deva mahāvīra, uppajja mātukuchayaṃ;
Sadevakaṃ tārayanto, bujjhassu amataṃ pada”nti.

Yāciyamāno “kālaṃ dīpañca desañca, kulaṃ mātaramēva cā”ti vuttāni pañca mahāvīlokanāni viloketvā tusitapurato cavitvā āsāḷhīpuṇṇamāyaṃ uttarāsāḷhanakkhatteneva saddhiṃ ekūnavīsatiyā paṭisandhicittesu mettāpubbabhāgamassa somanassañāṇasampayuttaasāṅkhārikakusalacittassa sadisena mahāvīpākacittena paṭisandhiṃ aggahesi. Tadārammaṇāsannavīthito pubbabhāge ālokitāni kāladīpadesakulamātaravasena imāni pañca paṭisandhicittassa gatinimittārammaṇabhāvena gocarabhāvaṃ gacchantīti amhākaṃ khanti tanninnatappoṇatappabbhāravasena bāhullappavattito teneva abhidhammatthasaṅgahādīsū abhidhammattha vibhāvaniyaṃ “maraṇakāle yathārahaṃ abhimukhībhūtaṃ bhavantare paṭisandhijanakaṃ kammaṃ vā taṃ kammakaraṇakāle rūpādikamupaladdhapubbamupakaraṇabhūtañca kammanimittam vā anantaramuppajjamānabhava upalabhitabbaṃ upabhogabhūtaṃ gatinimittam vā kammabalena channaṃ dvārānamaññatarasmim paccupaṭṭhāsi, tato paraṃ tameva tathopaṭṭhitamālambaṇaṃ ārabba vipaccamānakakammānurūpaṃ parisuddhaṃ vā, upakkiliṭṭhaṃ vā upapajjitabbabhavānurūpaṃ tatthoṇataṃva cittasantānamabhiṇhaṃ pavattati bāhullena. Tameva vā pana janakabhūtaṃ kammaṃ abhinavakaraṇavasena dvārappattaṃ hoti. Paccāsannamaraṇassa pana tassa vīthicittāvasāne bhavaṅgakkhaye vā cavanavasena paccuppanabhavapariyosānabhūtaṃ cuticittam uppajjitvā

nirujjhati. Tasmim̐ niruddhāvasāne tassānantarameva tathā gahitamālambaṇamārabbha savatthukamavatthukameva vā yathārahaṃ avijjānusayaparikkhittena taṇhānusayamūlakena saṅkhārena janiyamānaṃ sampayuttehi pariggayhamānaṃ sahaḷātānamadhiṭṭhānabhāvena pubbaṅgamabhūtaṃ bhavantarapaṭisandhānavasena paṭisandhisāṅkhātaṃ mānasamuppajjamānameva patiṭṭhāti bhavantare”ti vuttaṃ. Tattha “tatthoṇataṃva cittasāntānamabhiṅhaṃ pavattati bāhullenā”ti iminā kammabalena upaṭṭhitaṃ gatinimittaṃ maraṇāsannavīthito pubbe ekāhadvīhādivasena sattāhampi, sattāhato uttaripi uppajjate vāti dasseti tathā hi parisuddhaṃ vā upakkiliṭṭhaṃ vā vipaccamānakakammānurūpaṃ gatinimittaṃ cirakālampi tiṭṭhati, ariyagālatissacoraghātakādayo viya tathā hi ariyagālatisso nāma upāsako sīhaḷādīpe attano bhariyāya sumanāya saddhiṃ yāvajīvaṃ dānādi puññakammāni katvā āyūhapariyosāne ariyagālatissassa maraṇamañce nipannassa chadevalokato rathaṃ ānetvā attano attano devalokaṃ vaṇṇesum. Upāsako devatānaṃ kathaṃ sutvā tusitapurato āhaṭarathaṃ ṭhapetvā avasesarathe “gahetvā gacchathā”ti āha. Sumanā pana attano sāmikassa vacanaṃ sutvā “kiṃ tissa maraṇāsanne vilāpaṃ akāsi”ti āha. Tisso attano bhariyāya kathaṃ sutvā āha... “ahaṃ vilāpaṃ na karomi, devalokato devatā cha rathe ānesum tāhi devatāhi saddhaṃ kathemī”ti. Taṃ napassāmi kuhi”nti vutte pupphadāmaṃ āharāpetvā ākāse khipāpesi. Sā taṃ pupphadāmaṃ rathasīse olambamānaṃ disvā gabbhaṃ pavisitvā sayane sayitvā nāsikavātaṃ sannirujjhivā cavitvā pāturahosi. Sā attano sāmikassa sāsanaṃ pesesi... “ahaṃ pana paṭhamaṃ āgatomhi, tvaṃ kasmā cirāyasī”ti. Ubhopi rathe ṭhatvā sabbe oloketānaṃyeva tusitapuraṃ agamaṃsu. Imasmiñhi vatthusmiṃ sāmikassa upaṭṭhitagatinimittaṃ bhariyāya pākaṭaṃ hutvā puretaratusitapure nibbattitvā sāmikassa sāsanaṃ pesesi tena ariyagālatissassa cirakālaṃ gatinimittaṃ upaṭṭhātīti veditabbaṃ. Manussaloke hi cirakālaṃ tusitapure muhuttaṃva hoti. Evaṃ parisuddhaṃ vipaccamānakakammānurūpaṃ gatinimittaṃ cirakālaṃ pavattati iminā nayena duṭṭhagāmaṇiabhayadhammikaupsakādīnampi vatthu vitthāretabbaṃ. Coraghātakassa pana mahāniraye vipaccamānakakammānurūpaṃ nerayaggijālādikaṃ sattāhaṃ upaṭṭhāti. Sāvattthinagare kira pañcasatā corā bahinagare corakammaṃ karonti. Athekadivasam̐ janapadapuriso tesam̐ abbhantaro hutvā corakammaṃ akāsi, tadā te sabbe pi rājapurisā aggahesum. Rājā te disvā “tumhākaṃ antare ime sabbe māretum̐ samatthassa jīvitaṃ dammī”ti āha. Pañcasatā corā aññamaññaṃ sambandhā aññamaññaṃ sahāyakāti aññamaññaṃ māretum̐ na icchimsu, janapadamanusso pana “ahaṃ māremī”ti vatvā sabbe māresi. Rājā tassa tussitvā coraghātakakammaṃ adāsi. So pañcavāsativassāni coraghātakakammaṃ akāsi. Rājā tassa mahallakoti vatvā aññassa coraghātaka kammaṃ dāpesi. So coraghātakakammā apanīto aññatarassa santike nāsikavātaṃ uggaṇhitvā hatthapādakaṇṇanāsādīhi chinditabbānaṃ ūrūthanakaṭṭhānaṃ bhindantamāretabbayuttānaṃ nāsikavātaṃ vissajjetvā māretabbaṃ mantam̐ labhi. So rājānaṃ ārocetvā nāsikavātena coraghātakakammaṃ karontasseva tiṃsa vassāni atikkami. So pacchā mahallako hutvā maraṇamañce nipajji “sattadivasena kālaṃ karissatī”ti. Maraṇakāle mahantaṃ vedanaṃ ahosi. So mahāniraye nibbato viya mahāsaddaṃ katvā dukkhito hoti. Tassa saddena bhītā manussā ubhatopasse gehaṃ chaḍḍetvā palāyimsu. Tassa maraṇadivase sārīputtatthero dibbacakkhunā lokaṃ olokeno etassa kālaṃ katvā mahāniraye nibbattamānaṃ disvā tassa anukampaṃ paṭicca gehadvāre pākaṭo ahosi. So kujjhivā nāsikavātaṃ vissajjesi. Yāva tatiyaṃ vissajjamānopi vissajjāpetum̐ asakkonto theram̐ atirekena virocamaṇaṃ disvā cittaṃ pasādetvā pāyāsaṃ therassa dāpesi. Thero maṅgalaṃ vaḍḍhetvā agamāsi. Coraghātako therassa dinnadānaṃ anussaritvā cavitvā sagge nibbatti, nirayajālādayo antaradhāyanti. So anāgatepi paccekabuddho bhavissati. Evaṃ upakkiliṭṭhaṃ vā vipaccamāna kakammānurūpaṃ gatinimittampi sattāhaparamaṃ upaṭṭhāti. Atthikehi pana sahasavatthu sagāthāvaggesu oloketabbo. Bhagavato pana parisuddhaṃ mettāpubbābhāgassa somanassa ñāṇasampayuttakusalassa kammassa vegena kāladīpadesakulamātaravasena imāni pañcagatinimittāni cirakālaṃ hutvā upaṭṭhahanti. **Cirakālanti** manussaloke sattāhamattaṃ, tusitapuremuhuttameva, tathāpi manussaloke sattāhamatte kāle devatānaṃ pañcapubbanimittāni paññāyanti tañca kho puññavantānaṃyeva paññāyanti, na sabbesam̐ manussaloke puññavantānaṃ rājarājamahāmattādīnaṃ viya taṃ disvā mahesakkhā devatā jānanti, na appesakkhā, manussaloke nemittakā brāhmaṇapaṇḍitādayoviya. Mahesakkhā devatā taṃ pubbanimittaṃ disvā nandavanaṃ netvā “kālo devā”ti ādīhi yācanti. Mahāsakko tattheva nandavanuyyāne kāladīpadesakulamātaravasena pañca viloketvā cavitvā tamārammaṇaṃ katvā mahāmāyāya kucchimhi paṭisandhiṃ aggahesīti sannīṭṭhānamavagantabbaṃ.

Tattha **kālanti** manussaloke ekūnatīṃsatime vasse vesākhaṇṇamādivase buddho bhavissāmīti

kālaṃ olokesi. **Dīpanti** jambudīpeyeva bhavissāmi, na aññadīpesūti dīpaṃ olokesi. **Desanti** majjhimadeseyeve, tañca kho mahābodhimaṇḍeyeve, na aññadeseti desaṃ olokesi. **Kulanti** dve kulāni khattiyakulabrāhmaṇakulavasena. Tattha yasmiṃ kāle khattiyakulaṃ loke seṭṭhabhāvena “ayameva loke aggo” ti sammannati, tadā khattiyakuleyeve buddhā uppajjanti. Yasmiṃ pana kāle brāhmaṇakulaṃ ayameva loke aggoti, tadā brāhmaṇakuleyeve buddhā uppajjanti. Idāni pana khattiyakulameva aggoti sammannanti. Khattiyakulepi sakyarājānova loke uttamā, asambhinnakhattiyakulattā tasmā sakyarājakuleyeve bhavissāmīti kulaṃ olokesi. **Mātaranti** mama mātaraṃ dasa māsāni satta ca divasāni ṭhassati, etthantare mama mātuyā arogo bhavissatīti mātarampi olokesi. Bodhisattamātā pana pacchimavaye ṭhitā. Evaṃ yuttitopi āgamatopi bhagavato nibbānacittassa paṭasandhicittena gahitanimittameva ārammaṇaṃ hotīti veditabbaṃ.

Sabbaññujinanibbāna, cittassa gocaraṃ subhaṃ;
Viññeyyaṃ gatinimittaṃ, ganthehi avirodhato.

Dhātuparinibbānampi bodhimaṇḍeyeve bhavissati vuttañhetam uparipaññāsake “dhātuparinibbānaṃ anāgate bhavissati sāsanaṃ hi osakkanakāle imasmiṃ tambapaṇṇidīpe dhātuyo sannipativā mahācetiyo nāgadīpe rājāyatanacetiyaṃ, tato mahābodhipallaṅkaṃ gamissanti. Nāgabhavanatopi devalokatopi dhātuyo mahābodhipallaṅkameva gamissanti sāsapamattāpi dhātuyo antarā na nassissanti, sabbā dhātuyo mahābodhipallaṅke rāsibhūtā suvaṇṇakkhandhā viya ekagghanā hutvā chabbaṇṇarasmiyo vissajjissanti, tā dasasahassalokadhātuṃ pharissanti. Tato dasasahassacakkavālesu devatā sannipativā "ajja satthā parinibbāyati ajja sāsanaṃ osakkati pacchamadassanaṃ idaṃ amhāka” nti dasabalassa parinibbutadivasato mahantataraṃ kāruññaṃ karissanti ṭhapetvā anāgāmikhīṇāsava avasesā sakattabhāvena sandhāretuṃ nāsakkhimsu, dhātusarīrato tejodhātu utthahitvā yāva brahmalokā uggacchissati. Sāsapamattāyapi dhātuyā sati ekajālā bhavissati dhātūsu pariyādānaṃ gatāsu pacchijjissati. Evaṃ mahantaṃ ānubhāvaṃ dassetvā dhātūsu antarahitāsu sāsanaṃ antarahitaṃ nāma hoti. Yāva evaṃ na antaradhāyati, tāva anantaradhānameva sāsanaṃ. Parinibbānakālato paṭṭhāya yāva sāsapamattā dhātu tiṭṭhati, tāva buddhakālato pacchāti na veditabbaṃ dhātūsu hi ṭhitāsu buddhā ṭhitā va honti, tasmā etthantare aññassa buddhassa uppatti nivāritāva hoti. Teneva vadāma.

Parinibbānakālato, pacchā dharanti dhātuyo;
Anibbutova sambuddho, aññabuddhassa vāritā.

Jīvamānepi sambuddhe, nibbute vā tathāgate;
Yo karoti samaṃ pūjaṃ, phalaṃ tāsa samaṃ siyā’ti.

Iti sāgarabuddhittheravīcarite sīmavisodhane dhammavaṇṇanāya

Nibbānakaṇḍo tatiyo paricchedo.

4. Samasīkaṇḍo

Idāni saṅgho ca dullabho loketi padassa vaṇṇanākkamo sampatto. Tattha saṅghoti paramatthasammutivasena duvidho hoti. Tesu paramatthasaṅgho cattāri purisayugāni, aṭṭhapurisapuggalā, cattālīsampi puggalā, aṭṭhasatampi purisapuggalāti catubbidho hoti. Tattha saṅkhepavasena sotāpattimaggaṭṭho phalaṭṭhoti ekaṃ yugaṃ, sakadāmaggaṭṭho phalaṭṭhoti ekaṃ, anāgāmimaggaṭṭho phalaṭṭhoti ekaṃ, arahattimaggaṭṭho phalaṭṭhoti ekanti cattāri purisayugāni honti. Cattāro maggaṭṭhā cattāro phalaṭṭhāti aṭṭhapurisapuggalā honti. Cattālīsampi puggalāti sotāpattimaggaṭṭho paṭhamajhānikādivasena pañca, tathā sakadāgāmianāgāmiarahattimaggaṭṭhāpi pañca pañcāti vīsati maggaṭṭhapuggalā, tathā phalaṭṭhāpi sotāpattiphalāṭṭhādivasena pañca pañcāti vīsati phalaṭṭhāti cattālīsapuggalā honti. Ettha ca maggassa ekacittakkhaṇikattā kathaṃ vīsati maggaṭṭhā puggalā bhaveyyunti.

Vuccatepādakajjhānasammasitajjhānapuggalajjhāsyesupi hi aññataravasena taṃ taṃ

jhānasadisavitakkādiāṅgapātubhāvena cattāropi maggaṭṭhā paṭhamajjhānikādivohāraṃ labhantā paccekāṃ pañcapañcadhā vibhajiyanti, tasmā vīsati maggaṭṭhā honti. Tattha paṭhamajjhānādīsu yaṃ yaṃ jhānaṃ samāpajjitvā tato vuṭṭhāya saṅkhāre sammasantassa vuṭṭhānagāminīvipassanā pavattā, taṃ pādakajjhānaṃ vuṭṭhānagāminīvipassanāya padaṭṭhānabhāvato. Yaṃ yaṃ jhānaṃ sammasantassa sā pavattā, taṃ sammasitajjhānaṃ. “Aho vata me paṭhamajjhānasadiso maggo pañcaṅgiko, dutiyajjhānādīsu vā aññatarasadiso caturaṅgikādibhedo maggo bhaveyyā” ti evaṃ yogāvacarassa uppannajjhāsayo puggalajjhāsayo nāma. Tattha yena paṭhamajjhānādīsu aññataraṃ jhānaṃ samāpajjitvā tato vuṭṭhāya pakinnakasaṅkhāre sammasitvā maggo uppādito hoti, tassa so maggo paṭhamajjhānādi taṃ taṃ pādakajjhānasadiso hoti. Sace pana vipassanāpādakaṃ kiñci jhānaṃ natthi, kevalaṃ paṭhamajjhānādīsu aññataraṃ jhānaṃ sammasitvā maggo uppādito hoti, tassa so sammasitajjhānasadiso hoti. Yadā panayaṃ kiñci jhānaṃ samāpajjitvā tato aññaṃ sammasitvā maggo uppādito hoti, tadā puggalajjhāsaya vasena dvīsu aññatarasadiso hoti. Evaṃ samathayānikassa puthujjanassa ariyānaṃ vā pādakajjhānasammasitajjhānapuggalajjhāsaya vasena paṭhamajjhānādīnaṃ aññatarajjhānasadisassa maggaṅgikassa pavattanato puggalabhedavasena vīsati maggaṭṭhā puggalā honti, tathā phalaṭṭhāpi vīsati cattālīsaariyapuggalā honti. Aparampi sace pana puggalassa tathā vidho ajjhāsayo natthi, anulomavasena heṭṭhimahēṭṭhimajhānato vuṭṭhāya uparūparijhānadhamme sammasitvā uppāditamaggo pādakajjhānāmanapekkhitvā sammasitajjhānasadiso hoti. Paṭilomavasena uparūparijhānato vuṭṭhāya heṭṭhimahēṭṭhimajhānadhamme sammasitvā uppāditamaggo sammasitajjhānāmanapekkhitvā pādakajjhānasadiso hoti, heṭṭhimahēṭṭhimajhānato hi uparūparijhānaṃ balavataranti, aṭṭhasatampi purisapuggalāti tattha ekabījī, kolaṃkolo, sattakkhattuparamoti tayo sotāpannā. Kāmarūpārūpabhavesu adhigataphalā tayo sakadāgāminoti te sabbepi dukkhapaṭipadā dandhābhīṇṇaṃ, dukkhapaṭipadā khippābhīṇṇaṃ, sukhāpaṭipadā dandhābhīṇṇaṃ, sukhāpaṭipadā khippābhīṇṇanti catunnaṃ paṭipadānaṃ vasena catuvīsati, antarāparinibbāyī, upahaccapari nibbāyī, asaṅkhāraparinibbāyī, asaṅkhāraparinibbāyī, uddhamṣoto akaniṭṭhagāmīti avihāsu pañca anāmiḡāno, tathā atappāsudassāsudassīsupi pañca. Akaniṭṭhesu pana uddhamṣotavajjā antarāparinibbāyī, upahaccaparinibbāyī, asaṅkhāraparinibbāyī, asaṅkhāraparinibbāyīti cattāroti catuvīsati anāgāmino. Sukkhavipassako, samathayānikoti dve arahanto, cattāro maggaṭṭhāti catupaññāsa te sabbepi saddhādhurapaññādthurānaṃ vasena dveḡuṇe hutvā aṭṭhasataṃ ariyapuggalā honti. Te sabbepi “aṭṭhasataṃ vā” ti vitthāravasena uddiṭṭhā ariyapuggalā te saṅkhepato yugavasena sotāpatti maggaṭṭho phalaṭṭhoti ekaṃ yugantyaḡinā cattārova honti. Tenevāha ratanaparitte “ye puggalā aṭṭhasataṃ pasatthā, cattāri etāni yugāni honti” ti ayaṃ pabhedomaggaṭṭhaphalaṭṭhesu missakavasena labbhati jhānikavipassakapabhedo pana phalaṭṭheyyeva labbhati maggassa ekacittakkhatikattā maggaṭṭhesu na labbhati. Tattha sotāpattiphalaṭṭho jhānikasukkhavipassakavasena duvidho. Tesu jhāniko puggalo tasmīṃ bhava arahattappatto parinibbāyati. Appatto brahmalokagato hoti, so jhāniko nāma. Mūlaṭṭikāyaṃ pana nikantiyā sati puthujjanādayo yathāladdhajjhānassa bhūmibhūte suddhāvāsavajjite yattha katthaci nibbattanti tathā kāma bhavēpi kāmāvacarakammabalena “ijjhati hi bhikkhave sīlavato cetopañidhi visuddhattā” ti vuttaṃ. Anāgāmino pana kāmarāgassa sabbaso pahīnattā kāma bhavesu nikantiṃ na uppādentīti kāmalokavajjite yathāladdhassa bhūmi bhūte yattha katthaci nibbattanti” ti vuttaṃ tathā hi anāgāmissēva kāma bhava nikantiyā pahīnattā sotāpannasakadāgāmīnaṃ pi nikantiyā sati kāma bhava kāmāvacarakammabalena uppattibhāvo avāritova hotīti viññāyati tasmā “appatte brahmalokagato hoti, so jhāniko nāmāti idaṃ yebhuyyavasena vutta” nti daṭṭhabbaṃ. Sukkhavipassako pana tividho ekabījī, kolaṃkolo, sattakkhattuparamoti. Tattha eko manussaloke vā hotu chadevaloke vā, ekaṃ paṭisandhiko hutvā arahattaṃ patvā parinibbāyati, ayaṃ ekabījī nāma eko manussaloke ekā paṭisandhi devaloke ekāti dvepaṭisandhiko vā, evaṃ ticatupañcachaparamo hutvā arahattaṃ patvā parinibbāyati, ayaṃ kolaṃkolo nāma. Eko manussaloke sotāpanno hutvā devaloke ekā paṭisandhi tato punāgantvā manussaloke ekāti evaṃ manussadevalokamissakavasena tattha cattāri idha tīṇityādinā tattha cha, idha ekoti yāva sattapaṭisandhiko hutvā parinibbāyati, ayaṃ sattakkhattuparamo nāma. Kevalaṃ pana manussaloke yeva satta devalokeyyeva vā sattāti evaṃ amisso hutvā paṭisandhiko gahetabbo apare pana “ito satta, tato satta saṃsāre vicaranti” ti vuttattā manussalokasattapaṭisandhidevaloka sattapaṭisandhivasena sattakkhattuparamaṃ vadanti. Taṃ ayuttaṃ kasmā “kiñcāpi te honti bhusaṃpamattā, na te bhavaṃ aṭṭhamamādiyanti” ti pāḡiyā virodhattā. Apica dvibhavaparicchinno sakadāgāmīpi dvikkhattuṃ manussalokaṃ āgato bhaveyya, tassapi tattha ekaṃ, idha ekanti vārassa labbhitabbato na panevaṃ daṭṭhabbaṃ. Sakīṃ imaṃ manussalokaṃ āgacchatīti sakadāgāmī idha patvā idha parinibbāyī, tattha patvā tattha parinibbāyī,

tattha patvā idha parinibbāyī, idha patvā tattha parinibbāyīti pañcasu sakadāgāmīsu pañcamako idha adhippeto. Yadi evaṃ idha patvā idha parinibbāyīti ādayo cattāro katham sakadāgāmīnāmāti. Te sakim puna āgacchatīti vacanathena sakadāgāmī nāma. Kāmataṇhāya sabbaso pahīnattā imaṃ kāmādhātuṃ anāgacchatīti anāgāmī, niccaṃ brahmalokeyeva paṭisandhi vasena āgacchatīti adhippāyo. Jhānikassa evaṃ hotu, sukkhavipassakassa kathanti sopi jhānikova hutvā gacchati tassa hi maggantare sīhabyagghādīhi hatassāpi lakkhaṇattayaṃ āropetvā jhāniko hutvāva maraṇaṃ hoti ayaṃ pana rūpārūpabhavena ekakkhattuparamo nāma. Sattakkhattuparamādayo ariyā rūpārūpalokesu anekakkhattupaṭisandhikāpi brahmalokasāmaññena ekapaṭisandhikā nāma honti. Arahā pana pāpakaraṇe rahābhāvā dakkhiṇaṃ arahattā puna bhavā bhinibbattiyārahābhāvātyādinā vacanathena arahā nāma. Sopi tividho jhānika sukkhavipassaka samasīsivasena. Tattha jhāniko maggena āgato, so paṭisambhidāppatto nāma. Aparopi puthujjanasekkhasantāne jhāniko hutvā jhānaṃ pādakaṃ katvā maggaṃ uppādeti, sopi jhānikova. Sukkhavipassako pana kilesakkhayamattameva maggena saha anāgatajhānaṃ nāma natthi, taṃ pacchā parihāyatīti vadanti. Samasīsī pana tividho hoti iriyāpathasamasīsī, rogasamasīsī, jīvitasamasīsīti. Tattha yo ṭhānādīsu iriyāpathesu yeneva iriyāpathena samannāgato hutvā vipassanaṃ ārabhati, teneva iriyāpathena arahattaṃ patvā parinibbāyati ayaṃ iriyāpathasamasīsī nāma. Yo pana ekaṃ rogaṃ patvā antoroge eva vipassanaṃ paṭṭhapetvā arahattaṃ patvā teneva rogena parinibbāyati ayaṃ rogasamasīsī nāma. Yo pana terasasu sīsese kilesasīsaṃ avijjaṃ arahattamaggaṃ pariyādiyati, pavattisīsaṃ jīvitindriyaṃ cuticcitaṃ pariyādiyati, ayaṃ jīvitasamasīsīnāma. Tattha terasa sīsāni katamāni terasa sīsāni. Palibodhasīsaṃ, taṇhābandhanasīsaṃ, mānaparāmāsasīsaṃ, diṭṭhivikkhepasīsaṃ, uddhaccakilesasīsaṃ, avijjādhimokkhasīsaṃ, saddhāpaggahasīsaṃ, vīriyaupaṭṭhānasīsaṃ, satiavikkhepasīsaṃ, samādhidassanasīsaṃ, paññāpavattisīsaṃ, jīvitindriyagocarāsīsaṃ, vimokkhasaṅkhārasīsaṃ. Ettha ca avijjā pariyādāyakaṃ maggacittaṃ jīvitindriyaṃ pariyādātuṃ sakkoti, jīvitapariyādāyakaṃ cuticcitaṃ avijjaṃ pariyādātuṃ na sakkoti, avijjā pariyādāyakaṃ cittaṃ aññaṃ, jīvitindriyapariyādāyakaṃ cittaṃ aññaṃ. Kathaṃ panidaṃ sīsaṃ samaṃ hotīti. Vārasamatāya, yasmiñhi vāre maggavuṭṭhānaṃ hoti, sotāpattimagge maggaphalanibbānapahīnasesakilesapaccavekkhaṇāvasena pañca paccavekkhaṇāni, tathā sakadāmagge pañca, anāgāmimagge pañca, arahattamagge sesakilesābhāvā cattārīti ekūnavāsatiṃ paccavekkhaṇāññaṃ patiṭṭhāya bhavaṅgaṃ otarivā parinibbāyato imāya vārasamatāya idaṃ ubhayaśīsa pariyādānampi samaṃ hoti nāma. Arahattamagge ca pavattisīsaṃ jīvitindriyaṃ pavattito vuṭṭhahanto magga cutito uddhaṃ appavattikaraṇavasena yadipi pariyādiyati. Yāva pana cuti, tāva pavattisābhāvato pavattisīsaṃ jīvitindriyaṃ cuticcitaṃ pariyādiyati nāma. Kilesapariyādānena maggacittena attano anantaraṃ viya nipphādetabbā paccavekkhaṇāvārāva paripuṇṇā. Paripuṇṇavasena pahīnakilese paccavekkhaṇato kilesapariyādānasseva vārāti vattabbaṃ arahanti, teneva kilesasīsaṃ avijjāpariyādānañca pavattisīsaṃ jīvitindriyapariyādānañca samaṃ katvā imāya vārasamatāya kilesapariyādānaṃ jīvitapariyādānaṃ apubbacarimatā veditabbāti vuttaṃ. Saṃyuttaṭṭhakathāyaṃ pana yassa puggalassa apubbaṃ acarimaṃ āsavapariyādānañca hoti jīvitapariyādānañca, ayaṃti puggalo samasīsī. Ettha ca pavattisīsaṃ kilesasīsanti dve sīsāni. Tattha pavattisīsaṃ nāma jīvitindriyaṃ. Kilesasīsaṃ nāma avijjā. Tesu jīvitindriyaṃ cuticcitaṃ khepeti. Avijjaṃ maggacittaṃ. Dvinnaṃ cittānaṃ ekato uppādo natthi. Maggānantaraṃ pana phalaṃ, phalānantaraṃ bhavaṅgaṃ, bhavaṅgato vuṭṭhāya paccavekkhaṇaṃ paripuṇṇaṃ hoti, taṃ aparipuṇṇaṃ vāti. Tikhiṇena asinā sīse chindantepi hi eko vā dve vā paccavekkhaṇāvārā avassaṃ uppajjantiyeva, cittānaṃ pana lahuparivattitāya āsavakkhayaṃ ca jīvitapariyādānañca ekakkhaṇe viya sañjāyati'ti vuttaṃ. Taṭṭikāyañca “dvinnaṃ cittānanti cuticcitamaggacittānaṃ. Tanti paccavekkhaṇaṃ. Paripuṇṇaṃ javanacittānaṃ sattakkhattuṃ pavattiyā. Aparipuṇṇaṃ pañcakkhattuṃ pavattiyā. Kiñcāpi eko vā dve vā ti vuttaṃ, taṃ pana vacana siliṭṭhavasena vuttaṃ. Yāva ekaṃ vā dve vā tadārammaṇacittānīti heṭṭhimantena dve pavattantīti vadanti'ti vuttaṃ. Ettha ca “paripuṇṇaṃ javanacittānaṃ sattakkhattuṃ pavattiyā, aparipuṇṇaṃ pañcakkhattuṃ pavattiyā”ti iminā aṭṭhakathāṭṭikāvacanena samasīsīnaṃ paccavekkhaṇāvasena maraṇāsannavīthiyaṃ paripuṇṇavasena sattakkhattuṃ, aparipuṇṇavasena pañcakkhattuṃ kriyajavanāni javantīti sannīṭṭhānametthāva gantabbaṃ. “Asammūlho kālaṃ karotī”ti vuttattā ca viññāyati sattakkhattuṃ paripuṇṇavasena maraṇāsannakāle javanapavatti. Evañca sati “mandappavattiyaṃ pana maraṇakālādīsu pañcavāramevā”ti ettha “mandappavattiya”nti visesanaṃ sātthakaṃ siyā. “Pañcavāramevā”ti ettha evakārena mandappavattikāle chasattakkhattuṃ nivatteti. Asammūlhaṅkāle pana chasattakkhattuppi anujānāti. Kāmāvacarajavanānañca aniyataparimāṇā balavakālepi

parisampunṇabhāvā tathā hi “kāmāvacarajavanānibalavakāle sattakkhattuṃ chakkhattuṃ vā, mandappavattiyāṃ pana maraṇakālādīsu pañcavārameva. Bhagavato yamakapāṭihāriyakālādīsu lahukappavattiyāṃ cattāri pañcavā paccavekkhaṇajavanacittāni bhavanti”ti
 aniyamītappamāṇavasena uppattibhāvo āgato imasmim̐ samasīsiniddesavārepi maraṇāsannavīthiccittassa viṣuṃ alabbhanato paccavekkhaṇanteveva bhavaṅgacittena parinibbānato paripuṇṇavasena satta javanacittāni pāṭikaṅkhitabbānīti amhākaṃ khanti vīmaṃsitvā gahetabbo ito yuttataro vā pakāro labbhamāno gavesitabbo. Evaṃ paramatthasaṅghavasena cattāri purisayugāni, aṭṭha purisapuggalā, cattālīsampipuggalā aṭṭhasatampi purisapuggalāti sabbam̐ samodhānetvā imasmim̐ loke saṅghopi dullabhoti veditabbo tathā hi ariyapuggalā atidullabhāva sāsanaṃ vijjānānakālepi idāni sotāpannassāpi avijjānānato ayaṃ paramatthasaṅghavicāraṇā. Sammutisaṅgho pana ñatticatutthena upasampanno puthujjanasaṅghova, sopi dullabhoyeva. Kasmā buddhuppādakāleyeva labbhanato tathā hi anuppanne buddhe paccekabuddhānaṃ sataśassādigaṇane uppajjānānēpi tesam̐ santike upasampadābhāvassa alabbhamānato paccekabuddhānaṃhi santike pabbajitānaṃ kulaputtānaṃ saraṇagamanakammaṭṭhānassāpi dātuṃ asakkuṇeyyattā. Paccekabuddhā ca nāma mūgassa supinadassanaṃ viya attanā paṭiladdhasaccadhamme paresam̐ ācikkhituṃ na sakkonti, tasmā te pabbājetvā kammaṭṭhāne niyojetuṃ asamattā “evaṃ te nivāsetabbaṃ, evaṃ te pārupitabba”nti ādināyena abhisamācārikameva sikkhāpesuṃ tasmā buddhuppādakāleyeva sammutisaṅgho labbhati. Apica na te dullabhāyeva honti, atha kho tasmim̐ uddissa appamattakassāpi katākārassa asaṅkhyeyyaphalāpi honti vuttaṅhetam̐ bhagavatā “bhavissanti kho paṇānanda anāgatamaddhānaṃ gotrabhuno kāsāvakaṅṭhā dussīlā pāpadhammā tesu dussīlesu saṅgham̐ uddissa dānaṃ dassanti, tadā pāham̐ ānanda saṅghagataṃ dakkhiṇam̐ asaṅkhyeyyam̐ appameyyam̐ vadāmi na tvevāham̐ ānanda kenaci pariyaena saṅghagatā dakkhiṇā pāṭipuggalikaṃ dakkhiṇam̐ mahapphalanti vadāmi”ti. Tathā hi uparipaṇṇāsake dakkhiṇavibhaṅgavaṇṇāyāṃ “kāsāvakaṅṭhānaṃ saṅghe dinne dakkhiṇāpi guṇāsaṅkhyāya asaṅkhyeyyā”ti vuttam̐. Saṅghagatadakkhiṇā hi saṅghe cittikāraṃ kātuṃ sakkontassa hoti. Saṅghe pana cittikāro dukkaro yo hi “saṅghagataṃ dakkhiṇam̐ dassāmi”ti deyyadhammaṃ paṭiyādetvā vihāraṃ gantvā bhante saṅgham̐ uddissa ekaṃ theram̐ dethā”ti vadati, atha saṅghato sāmaṇeraṃ labhitvā “sāmaṇero me laddho”ti aññathattaṃ āpajjati, tassa dakkhiṇā saṅghagatā na hoti. Mahātheram̐ labhitvā pi “mahāthero me laddho”ti somanassaṃ uppādentassāpi na hotiyeva. Tassa dakkhiṇā saṅghagatā na hoti. Yo pana sāmaṇeraṃ upasampannaṃ vā daharaṃ vā theram̐ vā bālaṃ vā paṇḍitaṃ vā yaṃkiñci saṅghato labhitvā nibbematiko hutvā “saṅghassa dammī”ti saṅghe cittikāraṃ kātuṃ sakkoti, tassa dakkhiṇā saṅghagatā nāma hoti. Parasamuddavāsino kira evaṃ karonti tattha hi eko vihārassāmikuṭumbiko “saṅghagataṃ dakkhiṇam̐ dassāmi”ti saṅghato uddisitvā “ekaṃ bhikkhuṃ dethā”ti yācitvā so ekaṃ dussīlabhikkhuṃ labhitvā nisīdanaṭṭhānaṃ opuñjāpetvā āsanaṃ paññāpetvā upari vitānaṃ bandhitvā gandhadhūmapupphehi pūjetvā pāde dhovivā makkhetvā buddhassa nipaccakāraṃ karonto viya saṅghe cittikārena deyyadhammaṃ adāsi so bhikkhu pacchābhataṃ vihāraṃ jagganattāyā “kudālaṃ dethā”ti gharadvāraṃ āgato upāsako nisinnova kudālaṃ pādena khīpitvā “gaṇhā”ti adāsi tamenam̐ manussā āhaṃsu “tumhehi pātova etassa katasakkāro vattuṃ na sakkā, idāni apacayamattakampi natthi, kiṃ nāmeta”nti. Upāsako “saṅghassa so ayyo cittikāro, na etassā”ti āha. Kāsāvakaṅṭhasaṅghadinnadakkhiṇam̐ pana ko sodheti, sārīputtamoggalānādayo asītimahātherā sodhenti api ca therā cirapariniḅbutā, there ādiṃ katvā yāvajjatanā dharamānakhīṇāsavā sodhentiyeva, tathā hi dāyakato paṭiggāhatopi mahapphalaṃ hoti dānaṃ. Dāyakato vessantarajātakaṃ kathetabbaṃ vessantaro hi dussīlassa jūjakābrāhmaṇassa nayanasadise dve jālikāṇhājine putte datvā pathaviṃ kampsesi. Sabbaññutaññānaṃ ārabha pavattacetanāya mahantabhāvena pathaviṃ kampsesi. Evaṃ dāyakatopi mahapphalaṃ hoti. Paṭiggāhakato pana sārīputtattherassa dinnacoraghātakavatthu kathetabbaṃ coraghātako nāma hi sāvattiyāṃ eko janapadapuriso pañcavīsati vassāni coraghātakakammaṃ katvā mahallakakālepi tiṃsa vassāni nāsikavāteneva kaṇṇanāsādīni chinditvā coraghātakakammaṃ karontasseva pañcapanñāsa vassāni vītivattāni. So maraṇa mañce nipannova attano kammabalena mahāniraye nibbato viya mahāsaddam̐ katvā dukkhito hoti, tassa saddena bhītā manussā ubhato passe geham̐ chaḍḍetvā palāyimsu. Tadā sārīputtatthero dibbacakkhu nā lokaṃ volokento tam̐ disvā tassa anukampaṃ paṭicca tassa gehadvāre aṭṭhāsi. So kujjhitvā tikkhattuṃ nāsikavātena vissajjānānōpi vissajjitūṃ asakkonto ativirocamānaṃ theram̐ disvā ativiya pasīditvā attano atthāya sampāditaṃ pāyāsam̐ adāsi. Theropi maṅgalaṃ vadḍhetvā pakkami. Coraghātako therassa dinnadānaṃ anussaritvā sagge nibbatti, evaṃ

paṭiggāhakatopi mahapphalaṃ hoti. Ubhayatopi mahapphalaṃ, anāthapiṇḍikavisākhādayo buddhappamukhassa dinnadānaṃ veditabbaṃ.

Vuttañhetam bhagavatā.

“Tathāgate ca sambuddhe, athavā tassa sāvake;
Natthi citte pasannamhi, appakā nāma dakkhiṇā.

Evaṃ acintiyā buddhā, buddhadhammā acintiyā;
Acintiyē pasannānaṃ, vipāko hoti acintiyō”ti.

Evaṃ ubhayavasena mahapphalabhāvo veditabbo. Dāyakatopi paṭiggāhakatopi nipphalameva. Seyyathāpi makkhaligosālachasatthārādīnaṃ attano upāsakamicchādīṭṭhīhi pūjāvīsesā vuttañhetam bhagavatā.

“Māse māse kusaggena, bālo bhujjeyya bhojanaṃ;
Na so saṅkhatadhammānaṃ, kalam nāgghati soḷasi”nti.

Tenevāha bhagavā cattārimāni ānanda dakkhiṇavisuddhiyo”ti. Imāni tīpi buddhadhammasaṅgharatanāni sādhuṇaṃ ratijananatthena ratanāni nāma.

Vuttañhetam.

“Cittīkataṃ mahagghaṇca, atulaṃ dullabhadassanaṃ;
Anomasattaparibhogaṃ, ratanaṃ tena vuccatī”ti.

Ratanaṇca nāma duvidhaṃ saviññāṇakāviññāṇakavasena. Tattha aviññāṇakaṃ cakkaratanaṃ, maṇīratanaṃ yaṃ vā panaññampi anindriyabaddhasuvaṇṇarajatādi. Saviññāṇakaṃ hatthiassaratanādīpariṇāyakaratanapariyosānaṃ, yaṃ vā panaññampi indriyabaddhaṃ. Evaṃ duvidhe cettha saviññāṇakaratanam aggamakkhāyati, kasmā yasmā aviññāṇakaṃ suvaṇṇarajatamaṇimuttādiratanaṃ saviññāṇakānaṃ hattiratanādīnaṃ alankāratthāya upanīyati. Saviññāṇakaratanampi duvidhaṃ tiracchānagataratanaṃ manussaratanaṇca. Tattha manussaratanaṃ aggamakkhāyati. Kasmā yasmā tiracchānagataratanaṃ manussaratanaṃ opavayaṃ hoti. Manussaratanaṃ duvidhaṃ itthiratanam purisaratanāṇca. Tattha purisaratanam aggamakkhāyati. Kasmā yasmā itthiratanam purisaratanassa paricārikattaṃ āpajjati. Purisaratanampi duvidhaṃ agārikaratanaṃ anagārikaratanaṇca tattha anagārikaratanaṃ aggamakkhāyati. Kasmā yasmā agārikaratanesu aggo cakkavattīpi silādiguṇayuttaṃ anagārikaratanaṃ pañcapaṭiṭṭhitena vanditvā upaṭṭhahitvā payirupāsītva dibbamānussikā sampattiyo pāpuṇitvā ante nibbānasampattiṃ pāpuṇāti. Anagārikaratanaṃ duvidhaṃ ariyaputhujjanavasena. Ariyaratanaṃ duvidhaṃ sekkhāsekkhavasena. Asekkharatanaṃ duvidhaṃ sukkhavipassakasamathayānikavasena. Samathayānikaratanaṃ duvidhaṃ sāvakaṃ pāramippattamaṇca. Tattha sāvakaṃ pāramippattam aggamakkhāyati. Kasmā guṇamahattatāya. Sāvakaṃ pāramippattaratanaṃ paccekabuddharatanaṃ aggamakkhāyati. Kasmā guṇamahattatāya. Sāriputtamoggalānasadisāpi hi anekasatā sāvakaṃ paccekabuddhassa guṇānaṃ satabhāgampi na upanenti. Paccekabuddhato sambuddharatanaṃ aggamakkhāyati. Kasmā guṇamahattatāya sakalampi jambudīpaṃ pallaṅke na pallaṅkaṃ ghaṭṭento nisinnā paccekasambuddhā ekassa guṇānaṃ neva saṅkhyam kalam gaṇanabhāgaṃ upanenti, vuttañhetam bhagavatā “yāvata bhikkhave sattā apadā vā...pe... tathāgato tesam aggamakkhāyatī”ti ādi. Evaṃ “buddho ca dullabho loke, saddhammasavanampi ca, saṅgho ca dullabho loke”ti imesaṃ tiṇṇam padānaṃ atthuddhārasena sabbaso attho vuttoyeva hoti.

Iti sāgarabuddhittheraviracite sīmavisodhane saṅghavaṇṇanāya

Samasīkaṇḍo catuttho paricchedo.

Pakiṇṇakakaṇḍo

Idāni sappurisāti dullabhāti imassa saṃvaṇṇanākkamo sampatto tathā hi loke sappurisāpi atidullabhāyeva. Sappurisāti kalyāṇaguṇasampannā uttamapurisā. Te nissāya jātidhammā sattā jātiyā, maraṇadhammā sattā maraṇato mucanti vuttañhetam bhagavatā “mamañhi ānanda kalyāṇamittam āgamma jātiyā parimucanti, jarādhammā sattā jarāya mucanti”ti ādi vacanato pana sammāsambuddhoyeva sabbākārasampanno kalyāṇamitto nāma. Tam alabhantena sārīputtamoggalānādayo ariyapuggalā vā. Tepi alabhantena ekantajahitam sivaṭṭhikam kalyāṇamittam labhitabbam, vuttañhetam porāṇehi.

“Piyo garu bhāvanīyo, vattā ca vacanakkhamo;
Gambhīraṇca katham kattā, nocāṭhāne niyojaye”ti.

Evamādiḡuṇasamannāgato vaḍḍhipakkhe ṭhitapaṇḍitapuggalo loke dullabhova. Katamo paṇḍitapuggalo buddhapaḥcekabuddhā asīti ca mahāsāvaka aññe ca tathāgatassa sāvaka sunettamahāgovindavidhurasarabhaṅgamahosadhasutasomanimirājaayogharakumāraka akattipaṇḍitādayo ca paṇḍitāti veditabbā. Te bhaye viya rakkhā, andhakāre viya padīpā, khuppipāsādidukkhābhībhāve viya annapānādipaṭilābho, attano vacanakarānam sabbabhayaupaddavūpasaggaviddhamsanasamatthā honti tathā hi tathāgataṃ āgamma asaṅkhyeyyā aparimāṇā devamanussā āsavakkhayaṃ pattā brahmaloke paṭiṭṭhitā, devaloke uppannā. Sārīputtatthere cittaṃ pasādetvā catūhi ca paccayehi theram upaṭṭhahitvā asīti kusalahassāni sagge nibbattāni, tathā mahāmoggalānamahākassapaḥbhuti sunettassa sathuno sāvaka appekacce brahmaloke upapajjimsu, appekacce paranimitavasavattīnam devānam saḥabyataṃ...pe... appekacce gahapatimahāsālakulānam saḥabyataṃ upapajjimsu, vuttañhetam “natthi bhikkhave paṇḍitato bhayaṃ, natthi paṇḍitato upaddavo, natthi paṇḍitato upasaggo”ti. Apica taggaramālādīgandhabhaṇḍasadiḡo paṇḍito, taggaramālādīgandhabhaṇḍapalivethanapattasadiḡo tadupasevī vuttañhetam nāradajātike.

“Taggaraṇca palāsena, yo naro upanayhati;
Pattāpi surabhi vāyanti, evaṃ dhīrūpasevanā”ti.

Akittipaṇḍito sakkena devānamindena vare diyyamāne evamāha

“Dhīram passe suṇe dhīram, dhīrena saha saṃvase;
Dhīrenā’lāpasallāpaṃ, tam kare taṇca rocaye.

Kiṃ nu te akaram dhīro, vada kassapa kāraṇam;
Kena kassapa dhīrassa, dassanam abhikaṅkhasi.

Nayaṃ nayati medhāvī, adurāyaṃ na yuñjati;
Sanaro seyyaso hoti, sammā vutto na kuppāti;
Vinayaṃ so pajānāti, sādhu tena samāgamo”ti.

Apica tepi sappurise saṅgamma assutapubbampi ubhayalokahitāvahaṃ vācam suyateva, vuttampi cetam.

“Subhāsitaṃ uttamamāhu santo, dhammaṃ bhaṇe nādhammaṃ tam dutiyaṃ;
Piyam bhaṇe nāppiyaṃ tam tatiyaṃ, saccaṃ bhaṇe nālīkaṃ tam catuttha”nti ca.

“Yaṃ buddho bhāsati vācam, khemaṃ nibbānapattiyā;
Dukkassantakiriyāya, sā ve vācānamuttamā”ti.

Sappurisūpanissayasevanapaccayāyeva dānādikusalasamāyogena apāyadukkhato mucanti vuttañhetam “apica nerayikādidukkhaparittānato puññāni eva pāṇīnam bahūpakārāni, yato tesampi

naḷāgāraṃ vā tiṇāgāraṃ vā aggipphuṭṭho kūṭāgārāni dahati ullittāvalittāni nivātāni phusitaggaḷāni pihita vātapānāni evameva kho bhikkhave yānikānici bhayāni uppajjanti, sabbāni bālato uppajjanti, no paṇḍitato yekeci upaddavā uppajjanti, no paṇḍitato, yekeci upasaggā...pe... no paṇḍitato. Iti kho bhikkhave sappatiḅhayo bālo appaṭiḅhayo paṇḍito saupaddavo bālo anupaddavo paṇḍito, saupasaggo bālo anupasaggo paṇḍitoti. Api ca pūtimacchasadiso bālo, pūtimacchabaddhapatta putisadiso hoti tadupasevī. Chaḍḍanīyatam jigucchanīyatañca āpajjati viññūnaṃ vuttampi cetam nāradajātake.

“Pūtimacchaṃ kusaggena, yo naro upanayhati;
Kusāpi pūti vāyanti, evaṃ bālūpasevanā”ti.

Akattipaṇḍitocāpi sakkena devānamindena vare diyyamāne evamāha

“Bālaṃ na passe na suṇe, na ca bālena saṃvase;
Bālenā’llāpasallāpaṃ, na kare na ca rocaeye.

Kimnu te akaraṃ bālo, vada kassapa kāraṇaṃ;
Kena kassapa bālassa, dassanaṃ nābhikañkhasi.

Anayaṃ nayati dummedho, adhurāyaṃ niyuñjati;
Dunnayo seyyaso hoti, sammā vutto pakuppati;
Vinayaṃ so na jānāti, sādhu tassa adassana”nti.

Evaṃ bāladujjanasamsaggavaseneva sabbāni bhayupaddavāni uppajjanti, no paṇḍitasevanavasenātisabbaso sappurisā atidullabhāva.

Idāni.

“Dullabhañca manussattaṃ, buddhuppādo ca dullabho;
Dullabhā khaṇasampatti, saddhammo paramadullabho”ti.

Imissā gāthāya vaṇṇanākkamo sampatto. Tattha **dullabhañca manussattanti** manussabhāvopi dullabhoyeva manussassa dullabhabhāvo kāṇakacchapopamādīhi veditabbo eko kira kassako gaṅgāfire tīṇi saṃvaccharāni kasitvā kiñcimattampi alabhitvā naṅgalaphālaṃ dvedhā bhinditvā gaṅgāyaṃ khipi tena gaṅgānadiyā vāhena eko uddhaṃ eko heṭṭhāti evaṃ dve naṅgalaphālakā gaṅgāyaṃ vuyhantā cirena eko uddhaṃ eko heṭṭhāti dve ekato hutvā pākatikā yujjanti tasmim khaṇe vassasatavassasahassaccayena ekavāraṃ ummujjamāno kāṇakacchapo ummujjamānakkhaṇe tassa gīvā dvinnāṃ naṅgalaphālānamantare hoti ayaṃ kālo dullabhova evameva manussattabhāvopi dullabhoyeva tathāhi manussattabhāvaṃ alabhitvāva nirayapetaasurakāyatiracchānabhūmīsuyeva saṃsaritvā sīsampi ukkhipituṃ alabhantā ekabuddhantarā dve buddhantarā tayo buddhantarā cattāro buddhantarā ekāsañkhyeyyavasena niraye paccanakasattānaṃ gaṇanapatham vītivattā, tathā petaasurakāyatiracchānabhūmīsupi atikhuddakena atabhāvena tilabījasāsapabījassa catupañcachasattaatṭhakalabhāgamatteneva aṅguliyaṃ patiṭṭhitatṭhānamattheyeva bhūmipadese nisinnānaṃ atikhuddakasattānaṃ gaṇanapathampi vītivattā te hi gaṇituṃ iddhimantapuggale ṭhapetvā añño ko nāma sakkhissati tehi mohandhabhāvena kaṇhasukkapakkhampi ajānantā anekesu buddhasatesu vā buddhasahassesu vā uppajjamānesupi buddhotisaddam asutvā vītivattā, evaṃ manussattabhāvopi dullabhoyeva. Manussattabhāve labhamānepi buddhuppādakālo atidullabhova. Buddhuppādakālepi sammādiṭṭhi hutvā kusalūpapattisañkhātā khaṇasampatti dullabhāva, saddhammadesakassāpi dullabhattā, tasmimpi sati aṅgavikalabhāvena saddhammasavanassāpi dullabhattāti evamādippabhedā manussattabhāvādikā khaṇasampattiyo dullabhāti veditabbā.

Dullabhā khaṇasampattī kusalūpapattisañkhātā khaṇasampatti dullabhāyeva tathā hi paccantavisaya arūpaasaññasattatiracchānapetanerayikakāle vā majjhimadesepi cakkhādiṅgavikalēvā paripuññaṅgabhāvepi micchādiṭṭhibhūtā vā kusalūpapattisañkhātā khaṇā na honti paccantavisaye hi pavattā janā pāṇātipātādidasaakusalakammapattheyeva ramanti abhiramanti, caṇḍasabhāvā ca te honti, ratanattayaguṇampi na jānanti. Arūpinopi puggalā paratoghosavirahitattā sotāpattimaggaṭṭhābhopi tesam natthi, buddhadassanādīnīpi na labhanti.

Asaññasattatiracchānapetanerayikakālesu pana pageva pūritapāramīnaṃ sattānaṃ pavattanampi abbohārikaṃ, sammādiṭṭhikule jāyamānāpi cakkhuvikalena buddhasaṅgharatanānaṃ adassanaṃ, sotavikalena dhammasavanatopi hāyati eḷamūgādibhāvena kusalasaṃmādānā na honti.

Aṅgasampannepi micchādiṭṭhibhāvena

dvattiṃsamahāpurisalakkaṇaasītanubyañjanabyāmapabhāparikkhitaṃ sabbañānaṃ nayanarasāyanabhūtaṃ sabbaññubuddhampi disvā pasādasommena cakkhunā oloketabbampi na maññanti manopadosavaseneva yugaggāhā hutvā yamakapāṭihāriyakālādīsu anekepi micchādiṭṭhino mahāniraye uppajjanti. Evaṃ kusalūpapattikhaṇasampattipi dullabhāyeva.

“Dullabhañca manussattaṃ, buddhuppādo ca dullabho;
Dullabhā khaṇasampatti, saddhammo paramadullabho”’ti.

Imissā gāthāya attho vuttoyeva.

Iti sāgarabuddhittheraviracite sīmavisodhane

Pakiṇṇakakaṇḍo nāma pañcama paricchedo.

Evaṃ satthuparinibbānato vassasataccayena patiṭṭhite isinā kāritattā’ isinagara’nti laddhanāme dvattapādibhūpālānaṃ nivāsattānabhūte sirikhettanagare erāvatiyā nadiyā pārimatīrabhūte pabbatasānumhi patiṭṭhitassa kañcanavaramahāthūpassa dāyakassa satvivamahādhammarañño kāle sāsanaṃ dvisahassasatādhikaekatimsatime vasse sāsane paṭiladdhasaddhānaṃ kulaputtānaṃ mahājānikaraṇavasena vimativinodaniyā vuttavacanaṃ saddayuttihatthayuttivasena sādhuḥkaṃ avicinitvā nadiyā udakukkhepaṃ akatvā upasampadā kammassa kāritattā sāsane parājāyamāpanne kulaputte upārambhakaraṇavasena sīmavipattihārako sīmasampattippakāsako gantho pavattati.

Ettāvātā ca sirikhettanagaragocaragāmena satvivamahādhammarājagurubhūtena mahāveyyākaraṇena tipīṭakadharena’ saddhammakovido’ ti pākāṭa nāmadheyyena mahātherena upajjhāyo hutvā paññādhīpatīnaṃ nivāsabhūte pacchimajīnacakkasāsanaṃ vāsigaṇācariyena gaṇavācakena vinayadharena mahāsāminā ca, rājagurunā tipīṭakanāgattherena ca ācariyo hutvā vejjakammajāṅghapesanakammādivasena anesanaṃ pahāya sammā ājīvena visuddhājīvehi saṅghagaṇehi kārakasaṅghā hutvā sirikhettanagarassa dakkhiṇadisābhāge dīghapabbatasānumhi erāvatiyā nadiyā tīre vālikapuḷine sīmāpekkhāya saha udakukkhepaṃ katvā pavattāya udakukkhepasīmāya dasadhā byañjanavipattiṃ akatvā ṭhānārahena ñatticatutthena kammena upasampadāya vīsativassena **sāgarabuddhī** garūhi gahitanāmadheyyena bhikkhunā racito sāsanaṃ vipattihārako sīmavisodhanī nāma gantho samatto.

Ettāvātā vibhattā hi, sappabhedappavattikā;
Sīmavisodhanīhesā, nipuṇā sādhuḥcintitā.

Sirikhetatī paññāte, pure aparānāmake;
Dakkhiṇeyyadisābhāge, uccanena katālaye.

Vasanto bhikkhu nāmena, sāgarabuddhīti vissuto;
Puṇṇe vīsativassamhi, ganthoṃ sādhuḥcintito.

Mayāyaṃ racito gantho, niṭṭhappatto anākulo;
Evaṃ pañinaṃ sabbe, sīghaṃ sījjhantu saṅkappā.

Yāva buddhotināmaṃpi lokajetṭhassa tādino;
Tāva tiṭṭhatu yaṃ gantho, sāsane hārayaṃ tamaṃ.

Uddhaṃ yāva bhavaggā ca, adho yāva avīcīto;
Samantā cakkavāḷesu, ye sattā pathavīcarā.

Tepi sabbe mayā hontu, samasamavipākino;
Ciraṃ jīvatu no rājā, sāsanaṃ ujjetako.

Dibbanta rājadharmena, arogo saha ñātibhi;
Anena puññakammaṃ, bhavēyyaṃ jātijātiyaṃ.

Sāsanaṃ jotayantova, sakyaputtassa sāsane;
Yadā nassati saddhammo, andhībhūto mahītale;
Devaloke tadā hessaṃ, tusite tḥānamuttameti.
Sīmavisodhanī niṭṭhitā.